



ԳՐԱԿԱՆ, ԲԱՂԱԲԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՄԷԿԵՐՈՐԴ ՏԱՐԻ

1906

№ 2

ՓԵՏՐՈՒՆԸ

ԳՐԻԳՈՐ ԼՈՒՍԱՆՈՐԶԻ

(Նկար Եղիշէ Թաղէոսեանի)

իւղատիպ մեծադիր պատկերը (96×66 սանտ.)
տպուած Լայպցիգի Էմիլ Պրինկաուհանաւոր
գործարանում 14 գոյնով:

Գինն է առանց ճանապարհի ծախքի 3 ռ.

Միևնոյն պատկերը, տպուած միևնոյն դիր-
քով **ԿՏԱԻ** վերայ, վաճառոււմ է իւրաքան-
շիւր օրինակը 15 ռուբլիով: Ցանկացողները
կարող են գիմել մեզ, ուղարկելով պատկերի
արժէքը:

ԳԻՒՏ Ա. ՔԱՇ. ԱՂԱՆԵԱՆՑ

ԽՄԲԱԳՐՈՒԹԵԱՆ ԿԱՆՈՆՆԵՐ

1. Խմբագրութիւնը ոչ մի չը սպուելու յօդուած չի վերադարձնում.
ցանկացողները յետ ստանալ՝ կամ պէտք է ինքները դիմեն յետ ստանալու եւ
կամ ուղարկեն փոստի ծախքը:

2. Խմբագրութիւնը իրաւունք ունի հարկաւոր դէպքում փոփոխել կա-
կեմանքը սպագրութիւնի յօդուածները:

3. Խմբագրութեան ուղարկած յօդուածները պէտք է շինեն գրուած
մատուր, պարզ եւ մի երեսի վերայ. մանաւանդ պարզ պէտք է գրել յատուկ
անուններն ու օտարազգի բառերը:


4. Խմբագրութիւնը իրաւունք ունի քոյր յօդուածները եւրարկել իւր
ուղղագրութեան:

5. Թարգմանական յօդուածների հետ միշտ պէտք է ուղարկել եւ քնա-
գիրը, առանց որի ոչ մի թարգմանութիւն չի կարող սպուել:

6. Խմբագրութեան զանազան հարցերով դիմողները պարտաւոր են ու-
ղարկել պատասխանի համար նամակադրոշմ:

7. Հասցե փոխելու համար պէտք է ուղարկել 50 կոպէկ դրամով կամ
նամակադրոշմով:

8. «Լուսնայի» որեւէ համար չը ստանալու դէպքում պէտք է յայտնել
խմբագրութեանն առանձին նամակով մի ամսուայ ընթացքում, որպէս զի
կարողանանք պատշաճաւոր դիմում անել փոստային վարչութեան:



ԳՐԱԿԱՆ, ԲԱՂԱԲԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ


ՏԱՄՆԵՒՄԷԿԵՐՈՐԴ ՏԱՐԻ

1906

№ 2

ՓԵՏՐՈՒՆԸ

Արագատիպ Ա. Զուլթաթեյանի
Թ Ի Ֆ Լ Ի Ս — 1906



ALBANY, N. Y. 1808

W. B. ALBANY

PRINTED BY W. B. ALBANY

1808

2

1808

W. B. ALBANY
1808

ԲՈՎԱՆԴԱՆՈՒԹԻՒՆ

- I Մամիկոնեան տոհմը Հայոց պատմութեան վէջ
ԱՐՇԱԿ ԱԿԱՊԵԱՆ 5
- II Նոր խորայեւի սաղմոսներ. ՅՈՎՀ. ԿՈՍՏԱՆԵԱՆ 18
- III Սուլթանի գահակալութեան տարեդարձը. Մ.
ՇԻՈՏ 22
- IV Հայ ազգի կեանքի եւ ժահուան ինչիւրը. ԴԷՈՐԳ
ԱՀԱՐՈՆԵԱՆ 34
- V Աւետարանի եղբայրները. ԼԵՒՈՆ ԽԱՆԶԱԴԷ 46
- VI Հարաւի այրին. Յ. ԽԱՆԼԱՐԵԱՆ. 63
- VII Սոսկաւի պատիժ. Թարգմ. ՊԱՏՐԻԿ 64
- VIII Այս տարին էլ... Տ. ՇՈՌԼՈՒԵԱՆՅ 68
- IX Փրիդրիխ Էնգէլս Կարլ Կաուցկու. Բ. ԹՈՐՈ-
ՅԵԱՆՅ 69
- X Թագաւորի դասը. գերմ. փոխադ. ՔԱՄԱԼ-
ԵԱՆՅ Ս. 81
- XI ԳԻՏՈՒԹԻՒՆ ԵՒ ԱՐՈՒԵՍՏ
Վիրահատութիւն առանց ցաւի. ՕՐ. ՆՈՒԱՐԴ
ԱՂԱՆԵԱՆՅ 89
- XII ՄԱՏԵՆԱԽՊՍԱԿԱՆ
1. Գիւլիստանցի. Մկա վախ չունիմ. 2. Ռ.
Հաուպտման. Զուլիակներ. դրամա Թարգմ.
ռուս. տ. Ս. ԱՐՏԵՄԵԱՆ: ԲՐԻԶ.—Ստացուած
գրքեր 91
- XIII ՆԵՐՔԻՆ ՏԵՍՈՒԹԻՒՆ
Հայ — թուրքական համագումարը: ԳԱՐԵԳ. ՆԵ-
ԳԻՐԱՐԵԱՆ: Գարունը հայոց աշխարհում. հայ
գիւղացու պէտքերը. ի՞նչ տեսակ օգնութիւն
է հարկատուներուն. զործունէութեան ընդար-

ծակ ասպարէզ։—Ս. Էջմիածնի միաբանութիւնը սթափում է։ Խորհրդակցութիւն դպրոցական գործի համար։ դպրոցական համագումար։—Նրեանի թեմական դպրոցի աշակերտների գործադուլը. Ղարաբաղի թեմի դպրոցի աշակերտների պահանջները եւ Ներսիսեան Դպրոցի աշակերտների դասադուլը։ —Թիֆլիզի հայոց քարեգործական ընկերութիւնը։ Հայունեաց քարեգործական ընկերութիւնը եւ նորա գործունէութիւնը։ Դրամատիքական ընկերութիւն։ «Հայկազեան քաղաքակրթական միութիւն»։—Պետական խորհուրդ եւ Պետական Դումա։ —Ներքին լուրեր։ —Նամակներ խմբագրութեան. Լումայ նուիրողներ 99

XIV ՄԱՀԳՈՅԺ

Մինաս Խունունց։ 117

XV ԱՐՏԱԳԻՆ ՏԵՍՈՒԹԻՒՆ

1. Հայկական քարեգործական ընդհանուր միութիւն։ 2. Ճաշկերոյթ 'ի պատիւ Ջէմս Բրայսի։ ՀԱՅ. Արտասահմանի հայերի հեռագիրներ նախ. Ռուզվէլտին։ Ռուզվէլտի մերժումը 119

VI ԽՄԲԱԳՐՈՒԹԵԱՆ ՊԱՏԱՊԻԱՆՆԵՐ 123

XVII ՅԱՅՏԱՐԱՐՈՒԹԻՒՆՆԵՐ 125

XVIII ՅԱԻԵԼՈՒԱԾ

Ժ. Ժ. Ռուսսո. Էմիլ. գիրք. Բ. գերմ. Թարգ.
ԻՍ. ՅԱՐՈՒԹԻՒՆՆԵԱՆՑ 107—122

ՄԱՄԻԿՈՆԵԱՆ ՏՈՀՄԸ ՀԱՅՈՑ ՊԱՏՄՈՒԹԵԱՆ ՄԷՋ

(287—855)

(Պատմական հայեացք)

I

Մամիկոնեան տոհմի ծագման մասին յայտնի երկու աղբիւր ունենք—Մովսէս Խորենացին և Սեբէոսը։ Երկուսն էլ խօսում են Մամիկոնեան տոհմի Ճենաստանից կամ այժմեան Զինաստանից Հայաստան գալու մասին, համաձայն չեն միայն գալու ժամանակի ու եկողների անունների վերաբերութեամբ. համաձայն են, սակայն, երկու գլխաւոր կէտում՝ առաջին, որ Մամիկոնեան տոհմը, քաղաքական յեղափոխութեան երեսից փախչելով Զինաստանից, ապաւինել է նախ Պարսկաստան և ապա աֆտեղից Հայաստան. և, երկրորդ, որ այդ տոհմը՝ նախարարական շատ նշանաւոր ցեղից լինելով՝ Թագաւորից յետոյ երկրորդ պատիւն է ունեցել իւր բուն հայրենիքում։

Զինացի նորեկ Մամգուն իշխանն, ըստ Խորենացու, որի անունը ժամանակի ընթացքում հայերը փոխելով Մամիկոն ու ազգը Մամիկոնեան դարձրին, իբրեւ պատմական անձնաւորութիւն, հանդէս է գալիս երրորդ դարի վերջերում—287 թուականներին. այն ժամանակները, երբ Խոսրով Մեծի որդի Տրդատը հռովմէական զօրքով գալիս էր հօր գահին տիրելու։

Ազմկալից ժամանակներ էին այդ ժամանակները. հայրենիքի ազատութեան գործին նուիրուած երիտասարդ Թագաժառանգը կարօտ էր ազնիւ, անձնուրաց, հայրենի ազատութեան ոգին ըմբռնող պետական գործիչների։ Այդ տեսակէտից բարոյական մեծ պարտք կայ մեզ վրայ մօտանց ծանօթանալու Մամիկոնեան տոհմի անձնուրաց ներկայացուցիչների հետ, որոնք զարդարել են մեր ազգի պատմութիւնը իրենց ազնիւ ձգտումներով ու անմահ բաշագործութիւններով։ Երկու խօս-

քով պատկերացնենք այդ ժամանակուայ հայերի քաղաքական դրութիւնը ժամանակակից մեծ պետութիւնների վերաբերութեամբ: Մինչև երրորդ դարի սկզբները Ք. յ. մեր ազգը գտնուում էր երկու մեծ պետութեան արանքում. արևմտեան կողմից հռովմէական կայսրութիւնն էր, արևելեան կողմից՝ Պարթևական պետութիւնը: Հռովմէական քաղաքականութիւնը սկսած Օգոստոս կայսեր օրից, թէև դէմ էր Հայաստանի զօրանալուն, բայց չէր էլ ուղղւում նրա կործանումը. հայոց թագաւորութիւնը Հռոմի համար մի պատնէշ էր Պարթևների և հիւսիսային լեռնականների դէմ, իսկ Պարթևական պետութիւնը այդ միջոցներում, թուլացած ներքին երկպառակութիւններից, այն ոյժը չունէր, որ մենակ կարողանար կլանել Հայաստանը: Այդ հանգամանքները բաւական նպաստաւոր էին հայոց թագաւորութեան գոյութիւնն ապահովելու համար:

Հայերի քաղաքական դրութիւնը վատացաւ, երբ պարթևների տեղ հանդէս եկան պարսիկներն իրենց ազգային, Սասանեան թագաւորներով (226) և Հռոմի տեղ յոյները (395) Բիւզանդիոնի թագաւորներով: Պարթևական պետութեան մէջ կատարուած քաղաքական յեղափոխութիւնը կատարեալ դժբախտութիւն էր հայերիս համար, ըստորում, արևելքում մեր ազգը, կորցնելով անվտանգ հարևան, նրա տեղ վաստակում էր կենսունակ, հետևապէս, վտանգաւոր հարևան: Այդ յեղափոխութեան ժամանակ, ըստ Յորենացու, թագաւորում էր Հայաստանում Տրդատի հայր Սոսրով I Մեծը. նա շատ լաւ ըմբռնեց այդ քաղաքական յեղափոխութեան ճակատագրական նշանակութիւնը հայերիս համար, այդ պատճառով էլ հռովմայեցիների օգնութեամբ դուրս եկաւ զահլը վերադարձնելու Արշակունի պարթևներին և Պարսից նորահաստատ Արտաշիր I թագաւորին հալածեց այժմեան Աղուանստանի կողմերը՝ տիրելով Պարսկաստանի արևմտեան մասին, բայց իւր վերջնական նպատակին ոչ միայն չկարողացաւ հասնել, այլ և կորցրեց թագը: Պարսից Արտաշիր թագաւորը աշկարա չկարողանալով դիմադրել Սոսրովին, դաւադրութեամբ սպանել տուեց նրան և Հայաստանին տիրացաւ (261) ամբողջ 26 տարի: Ահա այս դժբախտ ժամանակներն էր, որ Մամիկոնեանք երևացին Հայաստանում. այս ժամանակներն էր, որ Տրդատը զալիս էր հայոց թագաւորութիւնը վերականգնելու և դրա համար, ասում եմ, կարօտ էր նա ազնիւ, եռանդուն գործիչների, որովհետև, զահին տիրելու համար, հայոց թագաժառանգը ստիպուած

էր ոչ միայն արտաքին հզօր թշնամու դէմ կռուել, այլ և ներքին սպստամբութիւնները զսպել:

Այդպիսի սպստամբներին էր Սկիւնեաց Սղուկ իշխանը, որն ամրանալով Եփրատի ակունքի վրայ՝ Ողկան բերդում՝ աւերածութիւններ էր անում Տարօնում: Տրդատ ժամանակ չունէր անձամբ զսպելու այդ սպստամբութիւնը, այդ պատճառով Սղուկի իշխանութիւնը խոստացաւ նրան, ով կսպանէր սպստամբին՝ ճնշելով սպստամբութիւնը: Այդ յանձնարարութիւնը ճարպիկութեամբ և արագ գլուխ բերեց Մամիկոնեանների նախահայր Մամգունը, և թագաւորը խոստման համաձայն Մամգունին տուեց Տարօնի իշխանութիւնը. այդպիսով, Տարօնը դարձաւ Մամիկոնեան տոհմի բնակավայրը: Մամիկոնեան տոհմի ներկայացուցիչները ազգիս պատմութեան մէջ յիշուած են 568 տարուայ ընթացքում, և ժամանակի այդ տարածութեան վրայ սփռուած են այդ ազնիւ ցեղի հերոսները մեր ազգի պատմութեան էջերում: Մեր երեք պատմագրերից Մովսէս Խորենացին եթէ խօսում է Մամիկոնեանց ծագման մասին՝ միւս երկու պատմիչները—Եղիշէն ու Փարպեցին—զեղում են իրենց բոլոր շնորհքը, որպէս զի վառ գոյներով պատկերացնեն յետագայ սերունդներին առաջ այդ ազգի հերոսների ազնիւ ձգտումները, կատարած վեհ գործերը, և այդ բոլոր նկարագրութիւններից կարծիր թելի պէս մի գիծ ենք նշմարում Մամիկոնեան սերնդի բնաւորութեան մէջ—տեսնում ենք ներշնչուած վեհ զգացումներով, անկեղծ՝ անձնուրաց հայրենասիրութիւնը գրոշմած նրանց հերոսական ճակատին: Եւ հենց այդ էր պատճառը, որ Մամիկոնեաններին խէթ աչքով էին նայում պարսիկներն ու յոյները: Այդ երկու արքունիքը, մինն աշկար, միւսը գաղտնի, հետամուտ էին այդ տոհմը վերջացնելու, ըստորում, ազգային դիմադիր կուսակցութեան պարագլուխ էին համարում Մամիկոնեաններին:

Ատում էին Մամիկոնեաններին և մեր հայ նախարարներից շատերը, որոնք թշնամի պետութիւնների ձեռին անարգ գործիք դարձած, անձնական շահերին զոհ էին բերում ազգային շահերը: Մամիկոնեաններն, ընդհանրապէս, ժամանակակիցներից չմխիթարուեցին, չխնդացին, և իրենց կեանքը մաշիցին գործելով, կռուելով օտարամոլ նախարարների դէմ: Վկայ են՝ Վասակ, Մուշեղ և Մանուէլ Մամիկոնեան սպարապետները Արշակունեաց օրով. Վարդանը, Վահանը կրօնական պատերազմների ժամանակ. Գայլ-Վահան, Սմբատ, Վահան կամսարական

պարսկական տիրապետութեան վերջին շրջանում և Տիրան, Մուշեղ եղբայրները արաբական արշաւանքների ժամանակ:

II

Սասանեան թագաւորները 83 տարուայ ընթացքում (226—309) անյաջող փորձեր էին անում ուժով գրաւել Հայաստանը. այդ ձգտումն, ի հարկէ, դէմ էր հռովմայեցոց քաղաքականութեան, որոնք Հայաստանը պատնէշ էին համարում ինոյն Սասանեան պետութեան դէմ. սակայն ժամանակի ընթացքում փոխուեցին քաղաքական հանգամանքները՝ Պարսկաստանն սկսեց զօրեղանալ Շապուհ II-ի օրով (309—379) և հռովմայեցոց Յովիանոս կայսրն ստիպուեց 363-ի դաշնադրութեամբ ոչ միայն Միջագետքը թողնել Պարսկաստանին, այլև՝ Հայաստանն իւր բախտին—որ նշանակւում է՝ եթէ Պարսկաստանը կարողանար նուաճել Հայաստանը, Հռոմը դէմ ոչինչ չունէր:

Քմահաճութիւնը չէր, որ ստիպում էր հռովմայեցոց կայսրին ձեռք քաշել իւր վաղեմի՝ աւանդական քաղաքականութիւնից, այլ՝ բարդուող հանգամանքների ոյժը—Հռոմի տեղը նեղ էր՝ գերմանական ազգերը յարձակումներ էին անում նրա հիւսիսային սահմանների վրայ, չէր կարողանում միաժամանակ համ գերմանական թարմազգերին դէմ կենալ, համէլ արևելքում իւր դաշնակցին պաշտպանել ուժեղ Պարսկաստանի դէմ: Այդ ժամանակի Հայաստանի թագաւորն էր Արշակ II (353—368) որին ժամանակակից էին ժամանակագրական կարգով՝ Կոստանդ, Յուլիանոս, Յովիանոս. և վերջին երկու՝ Վաղենտինոս ու Վաղէս եղբայրները, իսկ Պարսից թագաւորներից Շապուհ II Երկայնակեացը, որը հենց դաշնադրութեան թուին (363) հայոց թագաւորից անպայման հնազանդութիւն պահանջեց:

Արշակ II լաւ համարեց մեռնել, քան Հայաստանը Պարսից ձեռը տալ. սակայն հայ նախարարներից շատ քչերն էին իրենց թագաւորի պէս մտածում. աւատական ոգին, միութեան գաղափարի բացակայութիւնը թելադրեց նրանցից չատերին անցնել թշնամու կողմը, որը խոստանում էր ոչ միայն ձեռը չտալ աւատական իրաւունքներին, այլև նոր արտօնութիւններ շնորհել նրանց: Ժամանակի կաթողիկոս Ներսէս Մեծը, զուրկ քաղաքականութիւնից, իբրև կրօնական, իբրև ժամանակի որդի՝ ամեն բանի վրայ նայում էր զուտ կրօնական տեսակէտից: Գնէլի սպանման գործը, որ հետեանք էր միայն Տիրիթի գար-

շելի դաւադրութեան և Արշակի նրան հաւատալուն,—Ներսէս մեծին հոգով հեռացրեց Արշակից:

Հայաստանի քաղաքական այդպիսի փափուկ պարագաներում Ներսէս Մեծի բռնած դիրքը աւելի ևս ծանրացրեց հայոց Թագաւորի դրութիւնը: Այսպիսի աննպաստ հանգամանքներում սկսուեց հայ-պարսկական պատերազմը, որ քաջեց չորս կամ հինգ տարի (363—367—9):

Արշակ II յյուսահատուեց, դաշը կապեց հոնքրի ու ալանների հետ ու նրանց օգնական զօրքերով սկսեց ասպատակել Պարսից արևմտեան գաւառները—Ատրպատականը. այս ճակատազրական պատերազմների ժամանակ հայոց զօրքերի ընդհանուր հրամանատարը՝ սպարապետն էր Վասակ Մամիկոնեան, որ այդ պատերազմների շունչն ու ոգին էր: Հայերը մեծ տուժուկոթիւն ցոյց տուին՝ 23 մեծ ընդհարումներում, ըստ Փաւստոսի, զգալի ջարդ տուին պարսիկներին. սակայն երկարատե պատերազմը տնտեսական տագնապ յառաջ բերեց երկու պետութեան մէջ էլ. բայց, չնայած այդ կարևոր հանգամանքին, Արշակ կամենում էր մինչև վերջին շունչը պատերազմել:

Եսամով հայ նախարարները իրար ետևից թողին Արշակին և անցան Շապուհի կողմը. ժողովուրդը յուսահատուեց և միայն Վասակ Մամիկոնեանն էր, որ սիրտ էր տալի Արշակին՝ թե ու թիկունք դառնալով նրա համար:

Դաւաճան նախարարների մէջ յայտնի էր իւր ազգատոհմով Մերուժան Արծրունին, անպիտանների անպիտանը, որին մեր պատմիչները վատանշան են անուանում: Մերուժանին Պարսից արքունիքը թագ էր խոստացել, և դաւաճանը, թշնամու զօրքերի առաջն ընկած, աւերում էր մայր Հայաստանը:

Վասակ սպարապետը ջանք էր անում բռնի, կամ սպանի դաւաճանին, բայց չէր լինում զարշիլին, պատմագրի խօսքերով, ... միածի ճողոպրեալ մազապուր փախչէր՝—ձիով փախչում, ազատում էր:

Պատերազմի վերջերում, երբ դաւաճանութիւնը ընդհանուր կերպարանք առաւ հայ նախարարների մէջ, որոնք Արշակի զօրանալը ձեռնադրու չէին համարում իրենց մասնաւոր շահերի համար,—Մերուժանը կարողացաւ արատաւորել Մամիկոնեանների անունը՝ իւր թակարդը զցելով Վասակ Մամիկոնեանի եղբայր Վահանին, որը Մերուժանի մօրեղբայրն էր: Վահան այնքան կուրացաւ, մինչ, Մերուժանի նման, հաւատը փոխեց, և դրա համար էլ Շապուհ

փեսայացրեց նրան՝ Լնութեան տալով իւր քոյր Որմզդուհտին:

Մերութանն ու Վահանը մեծ չարիքներ հասցրին մեր երկրին, մանաւանդ Արշակի գերութից ու Վասակ Մամիկոնեանի մահից յետոյ: Վահանի դաւաճանութիւնը միակ, բայց անջնջելի արատ պիտի մնար Մամիկոնեան ազնիւ տոհմի անուան վրայ, եթէ այդ արատը չսրբուէր նոյն Վահանի հարազատ որդի Սամուէլի ձեռով, որ հաւատը փոխելու և դաւաճան դառնալու համար սպանեց թէ իւր հօրը և թէ խորթ մօրը ու ինքը փախաւ խաղտեաց—այժմեան Տրապիզոնի կողմերը:

Շապուհ, կամենալով վերջ տալ ձանձրալի պատերազմին, խաղաղութեան առաջարկութիւններ արաւ Արշակին. առաջարկեց, որ գայ անձամբ Պարսկաստան՝ եղբայրական խաղաղութիւնն ամրապնդելու համար: Արշակ ոյժ չունէր պատերազմը շարունակելու, սպառուել էին նրա միջոցները. իւր մօտ Վասակ սպարապետն էր մնացել միայն և իւր աներ՝ Սիւնեաց Անդովկ իշխանը: Ներսէս մեծը չէր սիրում Արշակին Գնելին սպանելու՝ ու կինն առնելու համար, և այդ բաւական էր, որ ժողովուրդը սառչէր Արշակից: Արշակ II իւր դէմ ունենալով, այդպիսով, Ներսէս մեծի հեղինակութիւնը, և հպատակների անտարբերութիւնը, անճարացած, Վասակ Մամիկոնեանի հետ գնաց Պարսկաստան Շապուհին ներկայանալու (367-ին կամ 68-ին), որը երգմամբ հաւատացրել էր, թէ ոչինչ վնաս չի հասցնելու հայոց թագաւորին:

Թողնում ենք Արշակի ընդունելութեան պատմութիւնը, որովհետեւ այդ չի մեր նպատակը. այսքանը կասենք, որ Շապուհ շղթայակապ հայոց քաջարի թագաւորին ցմահ բանտարկութեան ուղարկեց Պարսկաստանի հարաւը—Անյուշ բերդը, ուր և անձնասպանութեամբ վերջ դրեց իւր կեանքին անբախտ թագաւորը:

Բերենք այստեղ Ղաղար Փարպեցուց այն պատմական տեսարանը, որ տեղի ունեցաւ Շապուհի և Վասակ Մամիկոնեանի մէջ. այդ տեսարանը կենդանացնում է մեր առաջ անմահ սպարապետին, և ցոյց է տալիս թէ ի՞նչ մարդիկ է տուել Մամիկոնեան տոհմը: Արշակից յետոյ միւս առաւօտ Շապուհ հրամայում է ներկայացնել իրեն հայոց սպարապետ՝ Վասակ Մամիկոնեանին. Վասակն աչքովն ընկնելիս աւագանիներին առաջ Շապուհ թափում է իւր թոյնը նրա վրայ:

—Աղուէս, դժ. էիր այսքան խռովութիւնների պատճառը, այնքան տարի մեզ չարչարողը, այնքան արիւնների (պարսիկ-

ների) արիւն թափողը... գիտեա, ինչ մահ է սպասուած՝ աղուէսի նման եմ սպանել տալու քեզ։

Զվհատուեց, լեզուն չծածկեց Վասակ, և տուեց հետեւալ աւելի խրոխտ պատասխանը։

— Մտիցդ գցել ես իմ մեծութիւնը... մինչև այժմ աչքիդ առիւծ էի, հիմա՞ աղուէս դարձայ քեզ համար։ Քանի որ ազատ Վասակն էի՝ հսկայ էի երևում աչքիդ. ոտիս մինը մի սարի վրայ դրած, միւսը՝ այլ, աջն էի շարժում՝ աջ լեռուն էր գլուխը գետին խոնարհում, ձախն էի շարժում, ձախն էր այդպէս անում։

— Այդ ինչ լեռներ են, — դառնացած հարցրեց Շապուհ։

— Այդ լեռներից մինը Պարսկաստանն էր, միւսը՝ Յունաստանը, — վերջին պատասխանը տուեց Վասակ։

Շապուհ, տեսնելով ուր է հասնում Վասակի համարձակութեան սահմանը, հրամայեց մորթիլ անմահ հերոսին, մաշկել, մորթին խոտով լցնել ու դնել Արշակի առաջ Անյուշ բերդում... Այսպիսի աննման համարձակութեամբ զոհուեց հայրենիքի ազատութեան վեհ գաղափարի համար հայոց սպարապետ Վասակ Մամիկոնեանը։

III

Սոսկալի էր հայերի դրութիւնը Արշակի գերութից և Վասակ Մամիկոնեանի հերոսական մահից յետոյ. երկիրն անտէր էր մնացել. Շապուհ, զիմազրութեան չհանդիպելով՝ առժամանակ քարուքանդ չարաւ Հայաստանը։ Նրա արիւնարբու Զիկու ու կարէն զօրավարները հիմնայատակ արին հայ նշանաւոր քաղաքներից Զարհաւան, Զարիշատ, Վան, Երուանդաշատ, Վաղարշապատ, Արտաշատ, Նախիջևան. Մասիս չղթայի հարաւային ու հիւսիսային կողմերից — Արաքսի հովտից, Տուրուբերանից ու Վասպուրականից կէս միլիոնից աւել գերի տարան Պարսկաստան։ Այդ գերեվարութեան հետ չի կարելի համեմատել ոչ արաբներին, ոչ յոյներին և ոչ թաթարներին. աւերիչ՝ հայի տունը բանդող այդ գերեվարութեան հետ կարելի է համեմատել միայն Շահաբբաս մեծի գերեվարութիւնը (1603)։

Հայոց Փառանձեմ թագուհին, ամբացած արքայական գանձերով Արտագերեց բերդում, աչքը ճամբի, օրէցօր սպասում էր իւր Պապ որդու օգնութեանը, որ պատանդ էր Յունաց արքունիքում։ Փառանձեմի տասներեք ամիս — մինչև վերջին շունչ զիմանալը՝ կտրուած հայոց աշխարհից, ցոյց է տալի, թէ ժամանակի հասարակական կազմը ինչ տեսակ կանանց տիպեր է

եղել տալիս. բայց՝ անասելի, անպատմելի դառը եղաւ Փառանձեմի վախճանը գերուելուց յետոյ:

Շապուհ հայոց թագուհուն տուեց իւր զինուորների ձեռը որ բռնաբարեն, նախապէս ինքը տալով օրինակ քստմանիւ լրբութեան: Կամենալով լկտիութեան աստիճանն աւելի բարձրացնել՝ Շապուհ հրամայեց որ բոլոր հայ իշխանների կանանց ժողովեն Զարհաւանի հրապարակը, որի կողքին ցած էր թողել իւր վրանը. Շապուհ ձիով շրջում էր հայ կանանց մէջ և գեղեցիկներին ընտրում, իւր վրանը տանում... Այդ ժամանակ էր, որ Սիւսեաց Անդովկ իշխանի կինը թքեց Շապուհի լկտի հրեսին:

Շապուհի վարմունքը հայոց Փառանձեմ թագուհու և հայ նախարարների կանանց հետ մի կողմից եթէ ցոյց է տալի արեւելեան թագաւորի լկտիութիւնը, միւս կողմից բաց է անում մեր առաջ թէ իւր անցեալ օրերում ինչ սոսկալի տանջանքներ է քաշել հայ ժողովուրդը և ինչպիսի՜ հազուագիւտ ոգեկան արիութեամբ դիմացել նրանց...

Այդ միջոցի հոռմայեցոց կայսրներն էին Վահենտիանոս և Վահէս եղբայրները, որոնցից առաջինը արեւմտեան մասի վրայ էր, երկրորդն՝ արեւելեան կամ յունաց: Երկու եղբայրն էլ անմիջապէս Յովիանոսի մահից յետ (364) սկսեցին թագաւորել. Վահէսի թագաւորութիւնը միայն եղբօր թագաւորութիւնից չորս տարի աւել քաշեց—(364—379), այսինքն՝ Շապուհի մահուան տարին:

Այդ ազմկայոյզ, տագնապալից և յուսահատութեան օրերում դարձեալ Մամիկոնեան տոհմն է, որ հայրենիքի պաշտպան է հանդիսանում—հայերը դիմում են Վասակի որդի Մուշեղին, որ յանձն առնի սպարապետութիւնը և փրկի ազգը մեծ վտանգից: Մուշեղ սրբութեամբ կատարեց ազգի իւր վրայոյսը. նրա առաջին գործը եղաւ, անիշխանութեանը վերջ տալու համար, Արշակ II-ի որդի Պապին թագաւորացնել հայոց վրայ յունական զօրքերի օգնութեամբ. այդ նպատակով, հալ պատգամաւորութեան գլուխ անցած, գնաց Վահէս կայսրին խնդրելու (368), որ Պապին թագաւոր տալ հայոց վրայ: Կայսրը համաձայնեց: Շապուհ դէմ լինելով Հայաստանի անկախութեան, չէր կարող, իհարկէ, խաղաղ աչքով նայել Պապի Հայաստան գալուն, այն էլ՝ յունական զօրքերով. այդ պատճառով նորից բորբոքուեց հայ — Պարսկական պատերազմը և այս անգամ այն տարբերութեամբ, որ հայոց սպարապետ Մուշեղի հայրենասիրական խանդի հետ

խառնուել էր և վրիժառութեան ոգին: Մուշեղ, լցուած անպատում ցասումով, հօր անագորոյն մահը միտը գալիս, Հայաստանի աւերածութիւնը տեսնելիս՝ ուզում էր քարը բարի վրայ չթողնի ամբողջ Պարսկաստանում. նա իւր ոյժը կենդրոնացնելով Արաքսի աջ ափին, սկսեց աւերել Ատրպատականը. մի քանի անգամ քիչ էր մնում Շապուհ գերի ընկնի Մուշեղի ձեռը, միայն ձին թափեց. միւս անգամ Մուշեղ գերեց Շապուհի ամբողջ հարեմը, բայց հայոց ապարապետը Շապուհի պէս չվարուեց, այլ պատուով վերադարձեց տիրոջը, չնայելով երեկ էր, որ այդ նոյն Շապուհ լլկելուց յետոյ ցից էր հանել թագուհի Փառանձեմին: Շապուհն ինքը գլուխը կորցրել էր, չէր իմանում ինչպէս նկարագրի Մուշեղի՝ «սպիտակ ձիաւորի» բաշուծիւնը.

— Ինձ այնպէս էր թւում, թէ բոց է դուրս գալի Մուշեղի մոլեգին գնդից. ինչպէս հրդեհը լափելով անցնում է եղեգնուտի միջով՝ այդպէս էլ մեր զօրքերի միջով գալիս, անցնում էին նրա զօրքերը, — այսպէս էր պատմում Շապուհ իւր մերձաւորներին: Մուշեղ 600 նշանաւոր պարսիկ միանգամից մորթեցեմ արաւ ու մորթիները խոտով լցրեց: Աղուանից Ուռնայր թագաւորին, որ պարսիկների կողմն էր անցել, հարուածելով հալածեց և չսպանեց միայն նրա համար, որ օժած թագաւոր էր: Պարսիկները տեսնելով որ այս անգամ հայերի հետ են յոյները, դադարեցրին իրենց յարձակումները. այդ ժամանակ Մուշեղ իւր ուշքը դարձրեց երկրի ներքին թշնամիների վրայ:

Մի կողմը Արածանու և արեւելեան Տիգրիսի ափերը, մի կողմը Ճորոխ ու Գուռ գետի հովիտները՝ շրջելով ամբողջ Հայաստան, Մուշեղ անողոր խռովեամբ պատժեց ազգային թշնամիներին: Առանձնապէս խիստ վարուեց Վրաստանի, Աղուանից աշխարհի, Արցախի, Գուգարաց բղելութեան, Աղձնեաց և Ծովաց աշխարհների հետ: Վրաց Փառնաւազ թագաւորին դաւաճանութեան համար հրապարակում խաչեց. առհասարակ, Մուշեղ այնպիսի սարսափ գցեց անհարազատների սիրտը, որ առժամանակ անհետացաւ դաւաճանութիւնը, խաղաղուեց երկիրը:

Չնայելով Մուշեղի անգին ծառայութիւններին, կային, սակայն, քսու, նախանձոտ մարդիկ, որոնք աշխատում էին խախտել Պապի հալաւոր Մուշեղի վերաբերութեամբ: Բամբասանքի նիւթ էին շինել այն հանգամանքը, թէ Մուշեղ Ուռնայրին բաց թողնելով ու Շապուհի հարեմն իրեն վերադարձնելով՝ կամեցել է միայն սև օրուայ համար բարեկամներ ճա-

րել, և եթէ մէջ տեղ չներսէս Մեծը չլինէր,—Պապն անշուշտ ապերախտութեան օրինակ էր թողնելու պատմութեան մէջ:

Հտիւ եւ զգիշեր կայր յաշխատութեան, ասում է Փառասոս, եւ ոչ թողոյր քնաւ ամենեւին եւ ոչ քան զկորի մի գետին ի սահմանաց երկրին հայոց ուրեք վտարել: Այսինքն պիշեր, ցերեկ հսկում էր և չէր թոյլ տալի, որ Հայաստանի հողից մի ծիր խառնուի թշնամու հողին: Ահա թէ ինչ տեսակ մարդ էր Մուշեղ սպարապետը:

Սակայն շուտով իրար ետեից Հայաստանում տեղի են ունենում դժբաղդ պատմական դէպքեր, որոնք Մուշեղի զգայուն սրտի վրայ ճնշող ազդեցութիւն են թողնում: Պապը թունաւորում է Ներսէս Մեծին, յետոյ իրեն էլ յոյն զօրավարներն են սպանում Բիզանդիոնի թելադրութեամբ, որովհետեւ Պապն ինքնուրոյնութեան էր ձգտում: Ներսէսի մահը մանաւանդ միանգամայն կոտորում է Մուշեղի սիրտը:

—Աստուծոյ սուրբի արիւնը զուր տեղից թափուեց. սրանից յետոյ այլևս սիրտ չեմ անելու թշնամու վրայ գնալ, ուր քնաց նետ արձակեմ. հաւատացած եմ, որ Աստուած երեսը դարձրել է մեզանից,— ասում էր Մուշեղ վշտագին սրտով: Շատ չանցաւ, հայոց աշխարհում քաղաքական հանգամանքների դասաւորութիւնը ոչ միայն դառնացրեց հայրենիքի մեծ ծառայի օրերը, այլև անարգ մահ պատրաստեց նրա համար՝ ապերախտութեան անօրինակ յիշատակ թողնելով ազգիս պատմութեան մէջ: Պապի յաջորդ Վարազդատի շրջապատողները, օգտուելով երիտասարդ թագաւորի անփորձութիւնից ու կամքի թուլութիւնից՝ խաղալիք դարձրին նրան իրենց ձեռին և սկսեցին կասկածանքի սերմեր գցել սիրտը Մուշեղի վերաբերութեամբ: Հաւատացրին Վարազդատին, թէ Մուշեղը Արշակունիների թշնամի է. ապացոյց, Շապուհի հարեմի վերադարձնելը, Ուռնայրին ազատելը և թէ նոյն իսկ Պապի սպանման մէջ խառն է Մուշեղի մատը: Վարազդատին զլխահան անողն էր աւելի իւր դայեակ Բաղը, որն սպարապետութեան պաշտօնի վրայ աչք ունէր:

Վարազդատ, վճռեց, վերջապէս, վերջ դնել Մուշեղ սպարապետի կեանքին. այդ նպատակով մի մեծ հրաւէրք սարքեց և հրաւիրեց նրան: Սպարապետն առանց կասկածելու ընդունեց այդ հրաւէրը: Բէֆի թունդ ժամանակը դաւադիրները, թուով 12, թափուեցին հայոց սպարապետի վրայ և սպանեցին: Բաղի կարգադրութեամբ, Մուշեղի գլուխը կտրած, մարմնի հետ տարան նրա ծննդավայրը՝ յանձնելու նրա ընտանիքին: Սպարա-

պետի ամուսինը իւր որդոց և ազգականների հետ չէին հաւատում իրենց աչքին՝ չէին կարողանում հաշտուել այն մտքին հետ՝ թէ իրաւ սպանած է Մուշեղ, այնքան մեծ էր Մուշեղի հեղինակութիւնը, այնքան անմահ էր թւում նա. այդ պատճառով, գլուխը տեղը սազացնելով, Մուշեղի մարմինը դրին տանկտեբը, որ յարալէզները գան, լիզելով կենդանացնեն նրան...

Այսպիսի մահ ընդունեց նա, որ Հայաստանն ազատեց իւր կործանումից...

IV

Մուշեղի մահուան տարին (հաւանօրէն 373) նրա երկու Մանուէլ և Կոմս եղբայրները պարսիկ զօրքերի շարքում կուռւմ էին Պարսկաստանի թշնամիների դէմ. պարսկական զօրքերի պարտութիւնից յետոյ երկու եղբայրն էլ փախստեայ վերադարձան հայրենիք: Այդ միջոցին Վաղէսի հրամանով հռովմէական զօրքերը քաշուած էին Հայաստանից Գոթերի դէմ պատերազմելու համար, որովհետեւ գերմանական ազգերի առաջին մեծ շարժման ժամանակներն էր՝ Վարազդատ մնացել էր մենակ իւր զօրքերով: Մանուէլ Մամիկոնեանը, օգտուելով հանգամանքից, վճռեց իւր սիրելի եղբօր վրէժը հանել նրանից: Մանուէլի ու Վարազդատի մէջ սկսուած կռիւները վերջացան վերջինիս արտաքսումով Հայաստանից (377). այս ընդհարումների մէջ գերուեց Մուշեղին գլխատել տուող Բատը իւր որդիներանցով և անողորմ մահ ընդունեց:

Վարազդատի հեռանալուց յետոյ հայոց երկրի տէրը Մանուէլ սպարապետը դարձաւ, որ, իւր մօտ առնելով հանգուցեալ Պապ Թագաւորի ընտանիքը — տիկին Չարմանդուխտին Արշակ ու Վաղարշակ որդիներով, սկսեց մեծ խնամք տանել նրանց վրայ՝ կառավարելով երկիրը որպէս սպարապետ, որպէս խնամակալ արքայական տան: Հիմնաւոր է թւում մեզ Գարազաշեանի այն կարծիքը, թէ Պարսից արքունիքի մատը խառն էր Վարազդատի արտաքսելու մէջ, այլապէս դժուար է հաշտուել այն մտքին հետ, թէ Մանուէլ սպարապետը մենակ կարող էր սիրտ անել գործել Վարազդատի դէմ, որը կայսերահաստատ էր: Դրանով պիտի բացատրել և այն երևոյթը, որ, ժամանակակից պատմագիր Փաւստոսի վկայութեամբ, Հայաստան է գալիս Շապուհ II-ի ըրամանով նրա Սուրէն զօրավարը 10,000 զօրքով և թանկագին ընծաներով թագուհու, արքայազների և Մանուէլի համար. ինչպէս պիտի ընծաներ բերէր Սուրէն, եթէ Մանուէլի սկսած գործը Պարսից արքունիքի սրտովը չլինէր:

Սակայն նոյն պատմագիրը քիչ դէնը վկայում է և այն՝ թէ Մանուէլ հայ զօրքերով ընկաւ Սուրէնի վրայ, ցրեց նրա զօրքը և իրեն փախցրեց Պարսկաստան։ Պատմագիրն ասում է որ Մանուէլին դրդողը Մերուժան Արծրունին է եղել, որը փառքից զցելու համար հաւատացրել է հայոց սպարապետին, թէ Սուրէն հրահանգ ունի արքունիքից բռնելու և շղթայակապ ուղարկելու Պարսկաստան Մանուէլին։

Պատմագրի այդ խօսքերը իրերի իսկական դրութիւնն են նկարում, եթէ աչքի առաջ ունենանք ժամանակակից Պարսից քաղաքականութիւնը, Հայաստանի անորոշ վիճակը և այն անցքերը, որ այդ ժամանակ կատարւում էին արեւմուտքում։

Պարսկաստանը չէր կարող մի ութ-իննը տարուայ ընթացքում (368—377), որ Արշակ II-ի գերութեան և Վարազդատի արտաքսման ժամանակամիջոցն է անում, շուտով այդպէս մոռանալ ու ձեռք վերցնել իւր քաղաքականութիւնից Հայաստանի վերաբերութեամբ, քանի որ երկրի թագաւորը նոյն անձն էր դեռ ևս Շապուհ II, Խորենացու «Որմզդեանը»։ Երեւի Հայաստանի համար ձեռնտու մի կէտ կար համաձայնութեան մէջ, որ Շապուհ, համաձայն իւր նիւստ բնաւորութեան, խախտելով, պատճառ էր դարձել Մանուէլի դէնք վերցնելուն։ Մերուժան Արծրունին է հաղորդել Մանուէլին Սուրէնի մտադրութիւնը, թէ մի ուրիշը,—պատմութեան համար երկրորդական նշանակութիւն ունի, պատմութեան գլխաւոր առարկան ժամանակի ոգին՝ տիրապետող ձգտումն են և ոչ՝ երկրորդական հանգամանքները։

Սուրէնի փախչելուց յետոյ Մանուէլ սպարապետը մեծ կռուի է բռնում պարսիկների հետ, այդ պատերազմների մէջ ընկնում է դաւաճան Մերուժան Արծրունին, որին անձամբ սպանելուց յետոյ, Փաւստոսի ասելով, գլուխը ձող հանած, պտտեցնել է տալիս Մանուէլ, որ, իհարկէ, հայրենիքի դէմ այնքան չարիքներ յղացող գլխի վրայ թքին։

Սակայն՝ անտանելի, անբնական էր Հայաստանի վիճակը. իբրև թոյլ տէրութիւն, չէր կարող քաղաքական ինքնուրոյն կեանք ունենալ երկու հակադիր ոյժերի մէջ— վաղ թէ ուշ, պիտի երկսի միաժամանակ և մէկի կամ միւսի բաժին դառնար՝ այդ էր պահանջում իրերի բնական ընթացքը։ Հենց այդ բնական օրէնքի ազդեցութեան տակ էր որ հայոց սպարապետը հիմա էլ յոյսը դրեց հռոմայեցիների վրայ։ Մահուան անկողնում (383), շրջապատուած արքայազուններով, եկեղեցականներով ու նախարարներով՝ սպարապետութիւնը իւր Ար-

տաշիր որդուն յանձնելով՝ խրատեց նրան միամիտ սրտով ծառայի հայրենիքին, Արշակունեաց գահին ու յետոյ պատուիրեց մի թուղթ պատրաստել իւր կողմից Թէոդոս Մեծին, որի խնամքին էր յանձնում Հայաստանը իւր արքայազնի հետ:

Մանուէլ սպարապետը վերջին շնչին լալով գանգատում էր շրջապատողներին, որ ինքը խաղաղ մահով է մեռնում անկողնում, փոխանակ քաջի պէս ընկնելու ռազմի դաշտում: Վերջին անգամ արքայազն Արշակին խրատներ տալուց և ուրիշ շատ նիւթերի վրայ խօսելուց յետ հանգչող սպարապետը կտակ արաւ, որ իւր գերեզմանի վրայ, ըստ հեթանոսական սովորութեան, լաց ու կոծ չանեն. սակայն հանգուցեալի կտակը չկարողացան կատարել, և, պատմագրի խօսքերով, «ամենայն մարդ երկրին հայոց կոծ եղեալ, մեծաւ աշխարանօք լային զնա տոհասարակ ազատք եւ շինականք»—ամենքն սկսեցին ողբալ սիրելի սպարապետի մահը:

Ա. ԱԳԱՊԵԱՆ

(Վերջը հետեւեալ համարում)

ՆՈՐ ԻՍՐԱՅԵԼԻ ՍԱՂՄՈՍՆԵՐ

VII

Նւ ահա զրկուածներու աչքը արտա-
սուր կար և նոքա մխիթարող շունէին:
գիրք. Ժ.

Ձոհերի ձայները լսեցիք թնշ արիք
Դուք, մեծաբարբառ աշխարհի որդիք,
Երբ մենք մոլորուած, գլխակոր, տրտոււ
Նայում էինք մեր տան սև-մուլթ պատերուն.—

Մեր տանն աներդիք-այրուած ու սև տան,
Երբ աղջիկներս իրանց ամօթից՝
Անկիւններ փախչում խոտ էին ուտում,
Ինչպէս անասուն, ինչպէս մի անբան...

Դուք տեսա՞ք ինչպէս պոկեցին ինձնիք
Իմ գարուն-արուն աղջկան գոհար
Եւ քաջքաշելով տարան իմ տընից
Մի կըքոտ, լպիրշ գիշերուան համար...

Դուք տեսա՞ք մատաղ քսան մէկ տարուան
Իմ միակ որդուն պարանով կապած
Աչքի առաջն ծածկելով տարան
Ուր տարան չգիտեմ—գիտէ մէկ Աստուած...

Ձկայ իմ որդին-կենդանի՜ թաղուած.
Իսկ իմ հօրական փառաւոր տունը
Փլուած, քայքայուած—հողին հաւասար.
Հաւքը բուն ունի—չկայ իմ բունը...

Երբ չհաւատացին աշխարհի վրայ—
Ասացին կրակը մեռել է ձեր մէջ,
Ստրկութիւնից—ձեր մէջ սէր չկայ,
Երբ հաւատացինք՝ մեր սէրը պակսեց,—

Եւ ծով կեանքի մէջ—մարդու զարմն ուժեղ
Հին-հին դարերի՝ տեղ չունի հիմայ
Նստի շունչ քաշէ, — հիմայ հացի տեղ
Այս լի աշխարհում խոտ է ուտում նա...

Դուք որ չէք տեսել—լսել էք միայն
Հանգիստ էք—հէքիաթ թւում է այդ ձեզ,
Ապա մէկ անգամ լսեցէք հրացան
Եւ արեան գետեր շրջապատեն ձեզ...

VIII

Եւ արեւի տակ տեսայ, որ դատաստանի տեղ
ամբարշտութիւն կար և արդարութեան
տեղ անօրէնութիւն... գիրք ծ.

—Անցորդ, կանգնիր—այդ քա՛ր է թէ՛ լեռ,
Թէ՛ կարավանէ—շարքերով մեծ բեռ
Ճանապարհի մօտ, թափուած անխնամ —
Մօտեցիր, մօտեցիր, տես շէնք է փարթամ...—
«Սպասիր, բարեկամ, շէնք չէ նիւթեղէն,
Մարդ է, չի շնչում, մարդ է հողեղէն.
Անպէտք է դարձել—միս ու պինդ ոսկոր.
Միսը կը գնայ որթերի որկոր—
Ոսկորը կը մնայ—շուտով չի փթիլ
Մինչև նոր կեանքով վերածուի երկիր...
Նոցա, այդ մարդկանց, որ թափել են վար
Մորթիւ են ինչպէս մի խոզ կամ ոչխար
Եւ այստեղ դիզել. միսը չի ուտւում,
Որ միսն ուտէին, այլ զազաններին
Դիշատող թռչնոց թողել են բաժին...
Այնտեղ ծնւում է՝ ծէսով սրբասան
Կնքում են մանկան, որ եկաւ աշխար,
Այստեղ մորթում են, որպէս շանասուն
Եւ չունի վերան գերեզմանաբար...

Ո՛վ գիտէ հիմայ փնտրում է որդուն
 Հայրը սրտացաւ—վշտալի հայրը
 Կամ դստեր համար խելառ է մայրը.
 Ո՛վ գիտէ վաղը այս դէպն յետ տալով,
 Լացի, կականի տխուր երգերով՝
 Կրժեճուի, կ'ողբայ իրան փեսային
 Մատաղահարսը— իսկ սիրող մի կին
 Սիրած դիու մօտ կը բանայ նոր շիրիմ...
 Այդպէս, յայտնի չէ, դու կ'աս, կլինիս,
 Կամ ի՞նչ կլինիս, եթէ դու լինիս...
 Եւ այդ մարդու հետ, մարդու ո՛չ խոզի.
 Անասուն ու բոյս տէր են բնութեան
 Իրաւունք ունին—մարդն իրաւացի
 Չունի իրաւունք կեանքի, գոյութեան
 Եւ պաշտպանութեան... կը հասնի մէկ օր—
 Վիթխարի դէպեր լեռ—գիակների—
 Գլուխ կը բառնան իբրեւ լիազօր
 Եւ ամէն մէկը այդ մարդ—արմատից
 Ահեղ դատի մէջ՝ Աստուծոյ առաջ
 Իրաւունքները իր բռնաբարուած
 Պիտի թախանձէ—պահանջէ պատիժ...
 Ո՛, մարդ, սոսկացիր, այդ ցասման օրից.
 Այդ բիւր—բիւրաւոր սառն գլուխներից,
 Որ պիտի բանան իրանց աչքերը—
 Աչքերը պաղած—խոր—խոր փորփորուած,—
 Իրանց շրթունքները—կտրուած, սղոցած.
 Իրանց ականջները աքցանով պոկուած,
 Իրանց գանգն, ուղեղ մուրճով ջախջախուած,
 Ոտքերն ու ձեռքեր մամլի տակ դրուած—
 Եւ զարկուած ճնշուած կուրծքերն ու մարմին—
 Պիտի բանան, պիտի բողոքեն միասին—
 Ո՛, մարդ, սոսկացի՛ր, խեղդուի՛ր ու լաց,
 Խղճիդ,—վեհ, արդար դատաստանի առաջ...

IX

Ահա՛ ես ձեր առաջ եմ գնում կեանքի
 ճանապարհը և մահուան ճանապարհը
 (Երեմ.)

Եւ կ'ո՛չ եմ կարդում—կոչս սրտագին,

Քեզ կոչ եմ կարդում հայոց ժողովուրդ,
 Մահի, սարսափի հագուստ քո հագին
 Դու զրկուած, զարկուած, դու զիլ ջարդուբուրդ
 Դու ահը սիրտըդ հեռու ես փախչում,
 Օտար երկիրներ, վայրեր հեռաւոր,
 Քո բունդ թողած օտար ծոց թագչում—
 Դու, մեծ հայրերի սերունդ փառաւոր.

Եւ հւա ես թողնում Ազատն—Մասիս
 Արագած լեռդ, Սիւնիքն ու Սասուն,
 Սուրբ Էջմիածին, Մայր—Արաքսն ու Սիս
 Ա՛խ, հւր ես թողնում, դու հւա ես թողնում...
 Եւ օտար ափեր, տարօրէն ափեր
 Հայրենի հողէդ տարւում ես հողմով,
 Իմ, մեծ ժողովուրդ, այնտեղ դու անտէր
 Աշխարհի ծովում կը կլուիս ուժով...

Ո՛ր, արի, դու եկ, կպիր քո բնիդ,
 Հարազատ հողիդ սրտին դու կպիր,
 Տուն բեր քո որդոց, հւժ տուր քո շէնիդ,
 Օջախդ վառէ, օջախիդ, հպուիր...

Եւ կոչ եմ կարդում, և կոչ եմ կարդում,
 Քեզ կոչ եմ կարդում, ժողովուրդ հայոց,
 Դու կանգնիր կանգուն, դու ելիր արթուն
 Եւ սրտիդ սեղմէ քո հին օրօրոց:

ՅՈՎՀ. ԿՈՍՏԱՆԵԱՆ

ՍՈՒԼԹԱՆԻ ԳԱՀԱԿԱԼՈՒԹԵԱՆ ՏԱՐԵԴԱՐՁԸ

Ա

189* Թուի օգոստոս ամսի չեմ յիշում քանիսն էր:

Տաճկահայաստանի X քաղաքում մունետիկները, նահանգապետ փաշայի հրամանով, ազդարարեցին ամբողջ ազգաբնակչությանը, որ այդօր օգոստոսի ամսին Սուլթան Աբդուլ Համիդ Բ.-ի գահակալութեան ...երորդ տարեդարձն է: —Ուստի այսօր երեկոյեան—աղաղակում էին մունետիկները,—մինչև ուշ գիշեր, պէտքէ բաց թողնել խանութները և այնտեղ ներկայ գտնուել անպայման: Իւրաքանչիւր ոք պէտք է ուրախ լինի՝ երգէ, կանչէ, խաղայ-խնդայ (թէև խաղալու և խնդալու տրամադրութիւն չունենայ էլ երբէք), ուտէ-խմէ և... վեհափառ փաղիշահին անվերջ ու երջանիկ օրեր ժողովէ Ալլահից: Միով բանիւ, տմենուրեք ցնծութիւն և սալթանաթ պիտի թագաւորէ:

—Ընդ դմին յայտարարում ենք ի գիտութիւն ընդհանուրի—աւելացնում էին նրանք,—որ թէ տների առջև, թէ փողոցներում, թէ շուկայում և առհասարակ ամեն տեղ պէտք է աւելի, մաքրել, ջուր սրսկել... այնպէս որ աղբի մի հիւլէ անգամ նշմարուելու չէ քաղաքումը: Տէր մի արասցէ, եթէ այդ ազդարարութիւնների հակառակ վարուող մէկը նկատուի,—այդպիսին կենթարկուի 5 մէջիգիէից (մօտ 8 ռուբլի) մինչև 10 Օսմանեան լիբա տուգանքի կամ 1—10 ամիս բանտարկութեան... եւ այլն եւ այլն:

Այդ պատճառով էլ ամեն ոք պատրաստում էր ըստ պատշաճի մասնակցելու պետական հանգիսին և կամ... օրինաւոր տուգանքին:

Բ

Թիւրք աւելածուները մօեղի նման վխտում էին X-ի ոլոր մոլոր փողոցներում. վեհապետի գահակալութեան տարեդարձը

ձի հազուադէպ առիթ էր նրանց համար, որին սպասում էին նրանք ամիսներից ի վեր:

Յանկարծ, որտեղից որ է, մի քանի Արաբկերցի, Ակնցի և Բալուցի պանդուխտ հայեր իրենց գլխից բարձր երազ տեսան—ուզեցին առթից օգտուել և աւելածութեամբ մի քանի զահեկան ձեռք բերել, բայց երազը սուտ դուրս եկաւ, որովհետեւ այդօր լուսնի 4—7—20—27-ն էր:

Մի ծիծաղիք ինձ վրայ, պարոններ. մեղաւորը ոչ ես եմ ոչ էլ էֆիմիրտէն.—յանցանքն իսկապէս լուսնինն էր, որը սուլթան Վիլհէլմից դաս առած լինելով և կամենալով մի կերպ հաճոյանալ նորին մեծութիւն վեհ. Համիդին՝ այդ օր հակառակ էր գնում բնութեան օրէնքին:

Ինչեիցէ: Գերբնական մի հրաշք արգելք հանդիսացաւ քրիստոնեայ աւելածունների ծրագրի իրագործման: Հիասթափութիւն...

Եւ որովհետեւ այդ հրաշքը մեր նկարագրած հանդէսի հետ սերտ կապ ունի, ուստի թող ընթերցողը ծանօթանայ թիւրքական անմահ ստեղծագործութիւններից մէկի հետ:

Հայ աւելածունների մաքրած տեղերը քիչ ժամանակից յետոյ առաջուանից աւելի անմաքրութեամբ էին լցւում, ուստի և նոքա ստիպւում էին միևնոյն տեղը կրկին և կրկին մաքրելու: Մինչդեռ միւսլիմանների մաքրուած տեղերը փայլում էին իրենց թէմուղութեամբ:

Բանից դուրս էր դալիս, որ ոստիկանապետ Օսման-աղայի խորամանկ կարգադրութեամբ, մի քանի ճարպիկ թիւրքեր զգուշութեամբ ման էին գալիս փողոցները և ուր որ հարկն էր՝ ածում էին մոխրախառն աղը և սատկած կենդանիների մարմնի կտորտանք, որոնցով այնքան հարուստ է տաճիկը...

Այդ կարգադրութիւնն անելիս Օսման-աղան աչքի առաջ ունէր երեք գլխաւոր նպատակ, որոնք, ինչպէս յետոյ կը տեսնենք, մէկը միւսից աւելի կարեւոր էին և շահեկան մի քանի տեսակէտից...

Ասենք, Օսման-աղան գիտէր, որ իրենից աւելի բարձրաստիճան պաշտօնեաներ հարամ կանէին իւր գլխին՝ ապականութեան միջոցով ձեռք բերուող պատառները, բայց ով չը գիտէ, որ «տկից մեղր հանողը մատները կը լիզէ»:

Գ

Կէս-օրից յետոյ կառավարչական շինութեան առջև քաշուե-

ցին մի շարք պարաններ, որոնց ծայրերը ամրացնում էին շինութեանց ցւիթներին. պարանների վրայ շարեշար կախեցին գոյնզգոյն ապակիներից ու թղթից շինած մոմակալ լապտերներ: Կառ. շինութեան ճակատին ոսկէգոյն տառերով դրօշմուած էին հետեւեալ բառերը. «Փաղիշաճը չօք նաշա»—կեցցէ՛ փատիշահը:

Ոստիկանների, ոստիկանապետների, յանձնակատարների (կօմիսար) ու այլ բարձրաստիճան պաշտօնեաների մի մեծ խումբ, զուգուած զարդարուած, ճեմում էին կառ. շինութեան առջև և նորանոր ծրագիրներ կազմում, որպէսզի որքան կարելի էր, որքան կներէր չափ ու սահման չըճանաչող շռայլութիւնը,—գիշերուան հանդէսը փառայեղ լինէր, որ տեսնողն էլ իմանար՝ ինչ է նշանակում Մալթանաթը Ա'լի Օօման:

Ամենայնայն պաշտօնեան անգամ, մի առանձին ոգևորութեամբ աշխատում էր մի քանի լիրա ծախսի դուռ բանալու, սակայն, իհարկէ, առանց մի ըոպէ մտածելու, որ այդ շռայլած փողերը դուրս կը գային թշուառ ժողովրդի գրպանիցը...

Պէտք է ասել, որ Թիւրքիայում առհասարակ պետական հանդէաների համար եղած առասպելական ծախսերը կառավարութիւնը դուրս է բերում ժողովրդից զանազան, ուղղակի և անուղղակի միջոցներով: Միջոցներ, որոնց ստեղծելու մէջ Թիւրք կառավարութեան պաշտօնեաները մասնագէտ—էլֆէտօններ են. միջոցներ, ասում եմ, որոնց առջև ուղիղ գլուխ կը կարծրէր եթէ մարդասպանի տեղ մի ուրիշը լինէր:

Մեծ պողոտայի վրայ հազար ու մի տեսակ հրանիւթեր էին պատրաստուած և պատրոյգներ դրած, սպասում էին երեկոյեան հանդէսին: Իսկ քաղաքի հարաւարեւելեան կողմը, հայաստրիների թաղին մօտիկ, հայկական կիսաւեր միջնաբերդի վրայ մի քանի հասարակ թնդանօթներ լարուեցան, որոնց առաջին բոմբիւնը կաւետէր հանդէսի սկիզբը և այնուհետև կարգելուէր ֆիզիքական աշխատանքը:

Բացի զինուորական երաժշտական խմբից կառավարութիւն հրաւիրուեցան և բազմաթիւ ժողովրդական երգիչներ, նուազածունիւր և ծաղրածուններ, որոնք զուարճացնելու էին վսեմաշուք էֆէնդիներին:

Թէ միջնաբերդի և թէ տների կտրների վրայ արդէն ծածանւում էին օամ. դրօշակները: Իսկ մզկիթների բարձրաբերձ աշտարակների վերին մասերում դրւում էին հարիւրաւոր կանթեղիներ, որոնցից ծլծլացող գոյնզգոյն լոյսը, իրաւ որ, գիշերային մթութեան մէջ հրաշալի տեսարան է ներկայաց-

նում, կարծես մթնոլորտում կախուած շառայլոտ մոլորակներ են:

Ամեն կողմից ուրախութեան ու ցնծութեան ձայներ էին լսուում. մարդիկ անհամբերութեամբ սպասում էին նմանը չտեսնուած հանդէսի սկսուելուն:

Դ

Որպէս հայաշատ քաղաք, հետաքրքիր էր X-ի հայերի դիրքը մանաւանդ, ուստի և շտապում եմ մի փոքր գաղափար տալ ընթերցողին:

Քաղաքի «Սուրբ Յակոբեան» հայաբնակ քաղաքամասումն էր ամերիկացի միսիօնարների հոշակաւոր Ա. Կօլլէժը, որի շուրջը գտնուում են միսիօնարների հոյակապ ապարանքներն ու հայքողոքականների ժողովարանը:

Կոլլէժի բարձրագիւր, խիստ գեղեցիկ պարտիզում այդօր պատրաստուել էր մեծածախս լուսավառութիւն: Այդ սքանչելի պարտէզը, որ ոչ-ասիական արուեստի և ասիական բնութեան շնորհիւ դառել էր մի զրախտ, — այդտեղ և Կոլլէժի ու ժողովարանի ընդարձակ դահլիճներում հաւաքուելու էին, անխտիր ամեն սեռից ու դասանալից, մեծ բազմութիւն հանդիսականների: Որովհետեւ ճառեր էին կարդացուելու, երգեր էին երգուելու և այլն և այլն:

Ս. Ս. Ստեփանոսի, Յակոբայ, Կարապետի և Նշանի եկեղեցիներին կից շինած Հայ-լուսաւորչական ծխական դպրոցներում ևս մեծ պատրաստութիւններ էին տեսնում՝ հանդէսը ըստ կարելոյն շքեղ անելու համար. ծաղկեայ պսակներով բոլորում «Կեցցէ՛ վեհ սուլթան Արդիւլ Համիտ խան» գրուագի շուրջը:

Հայ-կաթոլիկների գերապայծառի վեհարանում և Հայաստրինների ս. Աստուածամայր հոշակաւոր ուխտատեղու գաւթում նոյնպէս, ի պատիւ օսմ. վեհապետին, հանդէսներ էին սարքւում...

Այդպէս ուրեմն, X քաղաքում ընդհանուր հայութիւնն առանց պաւանանքի խորութեան, առանձին ոգևորութեամբ ու անկեղծութեամբ է մասնակցում այդ տօնին: Բոլոր հայերի կրպակներում, շուկայում, պանդոկներում և տներում՝ մոմեր, ճրագներ, զոյնդգոյն լապտերներ, ակնախտիղ լամպեր են դրւում կազմ և պատրաստ:

Ե

Ըստ տաճկ. երեկոյեան 12 ժամն է (եր. 6 ժ.):

Երբ մուէզլինները մինարէթներէ բարձունքներէց սկսեցին երեկոյեան աղօթքի հրաւէրը, իսկոյն որոտացին բերդի վրայ դրուած թնդանօթները, որից անմիջապէս յետոյ ամբողջ թիւրքիան, ախ ոչ, ամբողջ քաղաքը լուսաւորուեց և ամեն կողմից լսելի եղան ուրախութեան և փառաբանութեան ձայներ:

Անհամար բերաններ, որը սրտանց՝ որն էլ հարկից ստիպեալ, երկար օրեր էին մաղթում օսմ. վեհ. սուլթանին:

Իհարկէ, կային շատերը, ինչպէս իմ հայրենակից բալուցիները, որոնք թուրքերէն լիզուի առողջանութեանը լաւ վարժ չլինելով՝ մեղանշում էին լեզուական ուղղութեան ցէմ: Այսպէս օրինակ.

Փոխանակ ասելու «Ալլահ պիր կիւնի պին էլլէսին» ասում էին «Ալլահ պին կիւնի պիր էլլէսին»: Կամ փոխանակ «Գըլըճընը քէսկին էլլէսին» ասելով՝ «Գըլըճընը գետին էլլէսին» էին ասում: Կային այնպիսիներ էլ, որոնք հայերէնում էին շփոթւում և փոխանակ գոչելու «Կեցցէ, կեցցէ» — «Ցցց է, ցցց է» էին բացականչում:

Բայց մեր ինչի՞ն են պէտք այդ աններդաշնակ և «անախորժ» ձայները. աւելի լաւ է՝ գնանք մի փոքր լսելու զինուորական երաժիշտների նուագած հիւանալի «Համիդիյէ» չունուագը, որն, անկեղծ խօսելով, արեւելեան երաժշտութեան ժամանակակից դշխոյն է:

— Զգո՛յշ, մեր տղայ, եթէ ականջներիդ դէմ ոխ չունիս, ապահեռուն անցիր, որովհետեւ, ինչպէս թիւրքիայի ամեն բանը, այդպէս և սա, այս տեսարանը, ապշեցնելու աստիճան տարօրինակ է... Դու եկար «Համիդիյէ» մարշը լսելու, բայց ահա մի քանի տասնեակ դավուլ-զուռնաներ, հարիւրաւոր ջութակներ, քանոններ, կլառնետներ, տաւիղներ, ծնծղաներ, դափեր, դուդուկներ... ներ... ներ, — ասիացու ճաշակով խիստ ներդաշնակ, բայց ոչ-ասիացուն բաբելոնեան խառնակութիւնն յիշեցնող աղմուկներով օդն են լցնում...

Իսկ, ասացէք ինդրեմ, մեզանից ո՞վ կարող է այնքան անխոհեմ լինել, որ համարձակուի Օսմանցուի երկրում ոչ-ասիական ճաշակ ունենալ...

2.

Ճ-ի նահանգապետ փաշան, որը, կարծեմ, յետոյ ընդհանուր նահանգապետ նշանակուեց Տաճկահայաստանի արևելեան նահանգներից մէկի վրայ և որը «լաւ ու նոր» մարդու համբաւ ունէր,—սա և կառավարութեան միւս բարձրաստիճան պաշտօնեաները այցելեցին Հայ-լուսաւորչականաց կենդրոնական դպրոցը, որտեղ և նրանք ընդունուեցին մեծ շքով: Այստեղ ներկայացան նրանց հայ հոգևորականութեան և հասարակութեան ներկայացուցիչները: Իսկ ուսուցչական մարմնի կողմից մատուցուեցին բարձր հիւրերին օշարակ և զանազան բաղցր ըմպելիք...

Շատ ուրախ եմ—ասաց նահանգապետ փաշան «անուշ» ընդունելուց յետոյ ոտի ելնելով,—որ մեր օգոստափառ կայսեր հայրական խնամքին ու բարձր շնորհներին արժանանալու աստիճան օրինակելի ընթացք է բռնել Հայ ժողովուրդը... ներկայ և նման յաճախադէպ ցոյցերը մի մեծ ու պատկառելի գրաւական են Հայ ազգի ամենահաւատարիմ հպատակութեան, որին իտրիտուր այդ ազնիւ ազգը վայելում է մեր վեհապետի գթութիւնն ու ողորմածութիւնը:

Ուսուցչապետը պատշաճ խօսքերով պատասխանեց նահ. փաշայի այդ խօսքերին, որից յետոյ երկսեռ երգեցիկ խումբը որոտընդոստ ձայնով երգեց օսմ. հիմներգը:

Նահ. փաշան ու հետինները ուրախ տրամադրութեան ներքոյ հեռացան, հիացած հանդէսի փառահեղութեան վրայ...

Է

Նահ. փաշան իւր շքախմբով այցելեց և՛ Ա. Կոլլէժը, որտեղի լուսաւորութիւնը, հրախաղութիւնը և ժողովրդի հոծ բազմութիւնն ապշեցրին ամենքին: Կոլլէժի կամարակապ կաթուղիկէ դռան առջև ընդունեցին բարձր հիւրերին՝ միսիոնարները, միսիոնարուհիները և Կոլլէժի հայազգի ուսուցչական խումբը և առաջնորդեցին նրանց դէպի Կոլլէժի հոյակապ դահլիճը, որտեղ խոնուած հասարակութիւնը պատշաճ բացականչութիւններով ընդունեցին վսեմաշուք հիւրերին: Անկեղծութիւն և ցնծութիւն էր թագաւորում ամենքի դէմքի վրայ: Այդտեղ ներկայ էին և մի քանի ևրոպական պետութեանց ներկայացուցիչներ (հիւպատոսներ):

Նրբ բարձր հիւրերն անցան իրենց յատկացրած տեղերը,

միսիոնարներէց մինը թիւրքերէն լեզուով մի ճառ խօսեց, որում ի միջի այլոց յիշելով «քիչ ժամանակ առաջ Բիթլիսի նահանգում տեղի ունեցած սրտաճմլիկ անցքերը *)... մեզ թոյլ կտանք յուսալու, — աւելացրեց նա մէկին շեշտերով, — որ նորին կայսերական վեհափառութիւնը կըզսպէ Անատոլիայի վայրենաբարոյ ցեղերին և իւր քրիստոնեայ հպատակները մէջ կը վերահաստատէ ցանկալի անդորրութիւն...»

Յարգելի ճառախօսը դիտմամբ շեշտում էր վերոյգրեալ բառերը և աչքի տակով նայում նահ. փաշային, որի ուշքն ու միտքը, սակայն, հանդիսատես կանանց և օրիորդաց կողմը լինելով ոչինչ չէր հասկացել միսիոնարի խօսքերից: Երբ վերջինս լռեց, այդ ժամանակ միայն նորին պայծառափայլութիւնը գլխի երերմամբ հաւանութեան նշան տուեց, իբր թէ պո՛հ էր մնացել նրա արտասանած ճառից:

Ես, որ ականատես էի այդ հետաքրքիր կատակերգութեան, կարող եմ երգուել, որ նահ. փաշան այնքան բան լսեց և այնքան բան հասկացաւ միսիոնարի ճառից, որքան անմահ Աբիսողոմ աղան — Մանուկ աղայի պատմութիւնից **). ինչեւիցէ:

Միսիոնարը վիրաւորուեց փաշայի այդ անվայել վարմունքից. մի քանի երիտասարդ հանդիսականներ էլ չափազանց վրդովուած՝ դուրս գնացին դահլիճից...

Բանը նրանումն էր, որ նահ. փաշան հրապուրուել էր մի չքնաղ հայ գեղեցկուհու տեսքով և ինքնիրան տուել Ամուրի օրհնաբանութեան...

Տարակոյս չ'կայ, որ պետութեանց ներկայացուցիչների ուշադրութիւնից չէր կարող վրիպել մի այդպիսի սօլիկութիւն. և խեղճերը զարմացած՝ նայում էին միմեանց...

Ը

Ճառախօս միսիոնարից յետոյ ոտքի ելաւ Կոլլէժի հայազգի պրօֆէսորներից մէկը և ուզում էր կարդալ իւր պատրաստած մի ճառը որի «անհամակրելի» բովանդակութեանը ծանօթ լինելով մի խումբ Հնչակեան երիտասարդներ՝ խնդրեցին պրօֆէսորից որ չկարդայ, յայտնելով միաժամանակ, որ հակառակ զէպքում եթէ պրօֆէսորն յամառի իւր որոշման մէջ, կարող են անախորժութիւններ ծագել:

*) Ակնարկում էր Սասունի կոտորածը:

**) «Մեծապատիւ մուրացկաններ» Յ. Պարոնեանի:

Աւելորդ է ասելն անգամ, որ նա. փաշան ուշադրութիւն չէր դարձնում այդ ղալմաղալի վրայ, որովհետեւ նա բոլորովին ուրիշ բանով էր զբաղուած:

Միւս կողմից, երիտասարդութիւնը երբէք դէմ չէր հիմներգը երգելուն:

—Միայն թէ՛ չկարդացուին այնպիսի ճառեր, չըլինեն այնպիսի ատենաբանութիւններ, որոնք կը հակասեն մեր իսկական տրամադրութեանը...

—Մեր լեզուն թող բարբառէ այն—ասաց Հնչակեաններից մինը—, ինչ որ անկեղծ, անխարդախ է, ինչ որ կը թեւադրէ մեր հոգին, ինչ որ համապատասխան է մեր ժողովրդի հոգեկան զգացմունքներին... այլապէս մենք մեր ատենի առջև շինծու երկրպագուի դեր կը խաղանք, մի բան, որը անուագն անազնութիւն է... կրաւորական եղանակով արտայայտուած հաւատարմութեան զգացմունքները ոչ այլ ինչ են, եթէ ոչ օյինբազուութիւններ, որոնցով ոչ գէմինին կարող էք շոյած լինել և ոչ էլ ձեզ որեւէ ծառայութիւն մատուցանել...

Պրօֆէսորը, սակայն, այնուամենայնիւ մնաց իւր յամառութեան մէջ և սկսեց կարդալ կռուախնձոր ճառը:

Բայց երիտասարդութեան յաջողուեց շուացնելով խանգարել ճառի ընթերցումը: Խնդիրն հետզհետէ սուր կերպարանք էր ստանում և փաշայի ուշադրութիւնը գրաւում...

Մինչև այդ բոլէն լռող միսիօնարներն ու միսիօնարուհիներն էլ հակուեցին դէպի երիտասարդութիւնը և միաբերան պահանջեցին, որ վերջ դրուի միջադէպին...

Թ

Այդ խայտառակ գրութեան վերջ դնելու համար, գլխաւոր միսիօնարի համաձայնութեամբ, ոտքի ելաւ մի պերճախօս երիտասարդ և սկսեց խօսել ժողովրդի սրտին մօտիկ ուղղութեամբ:

—Ծովն ընկնողը անծրելից չի վախենալ—ահա ինչ կարելի էր եզրակացնել նրա խօսքերից: Ի վերջոյ նա մի անկատելի ոստիւնով ակնարկ զցեց մի բանի նշանաւոր գործիչների վրայ և կանգ առաւ Միքայէլ Նալբանդեանի «Ազատն Աստուած» երգի աւջև:

Յանկարծ երկու սեռի հարիւրաւոր երիտասարդներ, ժողովրդի սրտայոյզ ձայնակցութեամբ, թնդացրին հոյակապ դահլիճը:

«Ազատն Աստուած այն օրից»...

Ոհ, փշոտ է ճանապարհդ,
Քեզ շատ փորձանք կսպասէ.
Ազատութիւն սիրողին
Այս աշխարհը խիստ նեղ է...

Այդ տողերն երգելիս ամբողջ ժողովուրդը, կարծես մի գերզգայական ուժից մղուած, մոնչաց խուլ կերպով և փոթորկալից ծովի նման ալեկոծուեց: Նոցա արիւնակալած կրծքերից ինքնաբերաբար դուրս թռչող «ախ»-երին յաջորդեց «Ազատութիւն» ելեքտրականացնող կանչը...

Ահա այդ միջոցին միայն սթափուեց փաշան և կէս-զարմացած, կէս-զարհուրած նայեց հանդիսականներին, որոնց դէմքերի վերայ զրօշմուած էին սրտատոչոր հեծեծանքներ և բուռն, արդար զայրոյթի նշաններ...

Եւ նա, փաշան, գլխակոր ու ամօթահար դուրս գնաց դահլիճից իւր շքախմբով: Չգիտեմ էր արդեօք, որ իւր խենչեշական վարմունքն էր այդ ամենի պատճառը...

Նրա մեկնելուց յետոյ կրկին թնդաց դահլիճը, այս անգամ երգում էին մեր սնդուգական բանաստեղծ Գամառ-Փաթիպայի «Պատիկ տղայ» երգը:

Չար Սուլթանի գահը ոսկի
Թող փշրուի, վար ընկնի.
Գահի տակէն Հայոց ազգին
Ազատութիւն թող ծագի...

Մինչև այդօր X-ցին հազար անգամ լսել և երգել էր այդ տողերը, բայց և ոչ մի անգամ չէր ստացել այօրուայ տպաւորութիւնը, որովհետև ուրիշ շատ անգամներ երգել էր՝ միայն երգած լինելու համար, մինչդեռ այժմ երգում էր... որովհետև կարիք էր զգում:

Ժ

Մինչ Կոլլէժի դահլիճում այդ անցքն էր տեղի ունենում, քաղաքի մի այլ մասում աւելի հեռաքրքիր բաներ էին կատարւում: Մենք մեր ընթերցողին կը տանենք այնտեղ:

Կօմիսարը, ոստիկանապետը, երկու ուրիշ պաշտօնեաներ և մի քանի ոստիկաններ վառած լապտերներով շրջում էին շուկան ու փողոցները և արձանագրում էին անմաքուր տեղերն ու փակ խանութները:

«Քաղցած շները ոսկոր էին փնտրում»:

Օսման-աղան սրել էր մանգաղը. հունձքը, բարերադրաբար, առաւ էր:

Միւսիւմանների խանութները, տների առջև և փողոցները կամ երբէք չէին նայում և կամ լուրթեամբ էին անցկենում այդ տեղերից:

— Էֆէնտիներ—ասում էր Օսման-աղան ցոյց տալով մի հայի տան առջև լցուած անմաքրութիւնները,— տեսէք ահա, Արմենակ-օղլիի *) տունն է սա, որի առջև ընկած են մի կատուի գլուխ, մի շան պոչ և երկու ոտք ու... Իսկ պատուհաններից ոչ մի լոյս չի երևում, կարծես այս օրը սուգի օր է կեաւո՞ւնների համար... Չարժէ մի փոքր ճշճւացնել այդ խոզին...

Եւ ոստիկանապետի տօմարումն արձանագրուեց.— «Արմենակ օղլի, միջին թաղ.— 1. Տան առջև անտանելի աղտեղութիւն. 2. պատուհաններում և ոչ մի լոյս. 3. ինքն Արմենակ-օղլին էլ խանութումը չէր.— 8 լիրա տուգանք և 61 օր բանտ»:

Արի հասկացրու այդ պարոններին, որ՝ 1. աղտեղութիւնն այդտեղ ածել է տուել ինքը Օսման-աղան. 2. տանը լոյս չի երևում, որովհետև Արմենակեանի կինն ու որդիքը Կոլլէժումն են. 3. Արմենակեանն էլ երկար ժամանակ խանութումը ճգնելուց յետոյ՝ գնացել էր Կոլլէժ իւր ընտանիքը տուն տանելու:

Օսմանցուի երկրում այդպիսի առարկութիւններն «ապօրինի» են:

— Լսում էք, էֆէնդիներ—շարունակեց Օսման-աղան քիչ դէնը գնալուց յետոյ,— սա դէժի կրպակում անիրաւ կեաւո՞ւններն ինչ փառաւոր քէյֆ են սարքել և իրենց շան լեզուով էլ խաղեր են կանչում... Երկնից աստղերի թուով մոմեր և լամպեր են վառում շան կրպակումը, բայց իրա քսակիցն ինչ է գնում, վաղը այդ բոլոր ծախսերը դուրս կըբերի նա իսլամի զաւակաց կոնակից... Է՛յ, անիրաւ աշխարհ, նրանք այդպէս ուտեն-խմեն, խաղան-խնդան, քէյֆեր սարքին, իսկ մենք՝ շան նման թրև գանք և փողոցները չափչփենք, հա... Դէհ, դուք ասէք, անհաւատ կեաւո՞ւնին այդպիսի փառաւոր կեանք վայելէ, էֆէնդիներ, «մաալից կտորներ» են... Արժէ-արժէ գլխի մի փոքր:

Եւ արձանագրուեց տօմարումը.— «Մաղման-օղլի, շուկա»:

*) Ամեն ինչ այլանդակող թիւրքերի սովորութիւնն է հայկական ազգանունների եան կամ ենց վերջաւորութիւնը վերածել օղլի-ի: Օրինակ. Արմենակեանը—Արմենակ-օղլի, Տէրտէրեանը—Քէշիշ-օղլի, Սուսերեանը—Գլըշ-օղլի. ևն:

յում.—1. Կրպակումը կասկածելի մարդիկ հաւաքած՝ յեղափոխական խաղեր կանչելու, 2. ըմբոստ ճառեր ասելու, 3. Հնչակ քօմիթէի կենացը մասթիքա խմելուն, 4. փաշա էֆէնդին կրպակի առջևից անցնելու միջոցին ոտքի չենելուն համար—10 լիւրա տուգանք, առանց բանտարկութեան»:

—Ահա մի ուրիշ՝ աւելի համեղ պատառ—ասելով Օսման-աղան ցոյց էր տալիս երեք յարկանի մի գեղեցիկ տուն,—Քարափէթ-օղլիի տունն է, որի առջև՝ 6 հատ շան ոտքեր, 10 հատ ճիւղւած մկներ, մի թեքնէ աղբ և... (Օսման-աղան, առանց գետին նայելու, թուում էր մի առ մի՝ իւր իսկ կարգադրութեամբ լցրած աղտեղութիւնները. նա, պէտք է ճշմարիտը խոստովանել, լաւ յիշողութիւն ունէր)... Եթէ մի քանի ուրիշ պատճառներ էլ դուք հնարէք, կարելի է լաւ օգտուել անօրէնիցը...

—Լռիր, տօ, անխելք էշ—միջամտեց կօմիսարը սաստելով Օսման-աղային և չորս կողմը դիտելով,—նոյնիսկ Քարափէթ-օղլի չէ կարելի անուանել այդ շանը, այլ անպատճառ միսթըր Քարափէթեան, որովհետեւ նա Ամերիկայի հպատակ է և կարող է մի սուտ խօսքով մեզ ամենքիս բանտի մէջ փտտեցնել... Յիմար, մենք կարող ենք դրանց դէմ ակռայ կըտըրցնել... Զարմանալի մարդ ես, Օսման, իդուր ծախսեր ես անում և աղբ ես լեցնել տալիս այնպիսի մարդու առջև, որ...

Օսման-աղան Մարտուանու էշերին պէս գլուխը կախ գցեց և լռեց. սխալուել էր թշուառականը...

Եւ նոքա շարունակեցին իրենց ճանապարհը կանգ առնելով այն տեղերում միայն, ուր կարելի էր «ակռայ կտրցնել»:

Այսպէս թէ այնպէս, մի բան չ'պէտք է մոռանալ, որ ոստիկանապետի տօմարումն արձանագրուածներն անպայման գործադրելի էին: Որովհետեւ ինչ որ գրւում է թիւրք չինովնիկի գրչով, չի հանուիլ այլևս արդարութեան կամ խղճի բրնձով:

Յաջորդ օրն առաւօտեան ոստիկանապետը մէկիկ-մէկիկ կանչում էր իւր մօտ տօմարում արձանագրուած անձերին և նոյնութեամբ անյապաղ գործադրում երկկոյեան վճիռները... Բանտարկութեան rapport-ներն էին միայն, որ կարելի էր... դրամական տուգանքի վերածել հազար ու մի միլիոնաթով...

ԺԱ

Հէնց միևնոյն օրը նահանգապետ փաշայի հրամանով ձերբակալուեցան մի քանի նարիւր հայ երիտասարդներ, որպէս

Կօլլէժում հակապետական ցոյց անողներ: Թէ ինչով կը վերջա-
նար այդ բանը կամ առնուազն որքան ծախսերի ու առասպե-
լական տուգանքների, կաշառքների դուռ կը բացուէր, մինչև
այդ ձերբակալուած երիտասարդներին բանտից ազատելը, ե-
թէ մի կողմից միսիոնարները և միւս կողմից պարսկական
հայազգի հիւպատոսը չմիջամտէին ու չհասկացնէին նահանգա-
պետ փաշային իւր արած քայլի անտակտութիւնը, որ ազնար-
կուած «ցոյցը» արդիւնք էր նահ. փաշայի բռնած ղերբին կոլ-
լէժում դէպի հայ գեղեցկուհին և այլն—այդ թողնում եմ ըն-
թերցողին գուշակել:

Բանը նրանով վերջացաւ, որ մի քանի ժամ բանտարկուե-
լուց յետոյ բոլոր ձերբակալուածներն ազատ արձակուեցան,
ի փառս և ի պարծանս վեհափառ սուլթանի...

Մ. ՇԻՈՏ.

ՀԱՅ ԱԶԳԻ ԿԵԱՆՔԻ ԵՒ ՄԱՅՈՒԱՆ ԽՆԴԻՐԸ ¹⁾

Պ. Նիկողոսեանը մեծ նշանակութիւն է տալիս արեւնակ-
ցութեանը ազգերի գոյութեան խնդրում, ուստի և զինուում
է խառն ամուսնութեանց դէմ, մոռանալով, որ աշխարհիս մէջ
չկայ ոչ մի մաքուր ազգ ծագման տեսակէտից, որ բոլոր եւրո-
պական մեծ ու փոքր ազգերը զանազան ցեղերի խառնուրդից
են ելել, և որ որքան մի ազգ մաքուր է արեւնով, այնքան նրա
մէջ գերակշռում է իւր ցեղին բնածին միակողմանի յատկու-
թիւնը, և, ընդհակառակը, որքան նա խառնուել է ուրիշ ազգե-
րի հետ, այնքան աւելի նա ընդունել է իւր մէջ օտարի ընտիր
բարեմասնութիւնները և այդու չեզոքացրել իւր մարմնակազ-
մին ու բնաւորութեանը յատուկ թերութիւնները: Հայ ազգը
անցեալում քանի քանի անգամ ընդունել է իւր մէջ օտար գաղ-
թականութիւններ և այդպիսով ճոխացրել իւր հոգևոր կեանքը
նոցա բազմադիմի ազդեցութիւններով: Իրենք, այժմեան հայե-
րը, ոչ այլ ինչ են, եթէ ոչ գրսեցի եկամուտ գաղթականներ,
որոնք նուաճելով տեղացիներին՝ խառնուել են նոցա հետ և
ընդունել նրանց կենցաղակրթութիւնն ու բնաւորութիւնը:
Արեւան յարաբերութիւնները բնական հիմն են կազմում, որի
վրայ ազգը կառուցանում է իւր հոգևոր կեանքի անձեռագործ
շէնքը: Ուստի ազգերի գոյութեան խնդրում գեր խաղում է ոչ
թէ արեւան ծագումը, այլ հոգու ոյժերն ու կարողութիւնները:

Այդ ոյժերից լեզուին պ. Նիկողոսեանը իրաւամբ սալիս
է մեծ կարևորութիւն, չպարզելով սակայն նրա նշանակութիւ-
նը մեր ազգի ապագայ գոյութեան խնդրում: Նմանապէս գրա-
կանութեան դերը նա խիստ ընդհանուր բառերով է արտա-
յայտել, որոնք չեն բացատրում նրա էութիւնը (էջ 87): Իսկ
կրօնի մասին նրա յայտնած մտքերը միանգամայն սխալ են
և վայրիվերոյ: Հեթանոսական կրօնները, իբրև արգասիք ազ-
գային ոգու առանձնայատկութեանց, յիշաւի, ունեցել են և
այսօր էլ ունեն արեւելեան ազգերի մէջ մեծ նշանակութիւն՝

¹⁾ Լուծայ 1905, № 1.

նոցա ազգային գոյութեան նկատմամբ: Հին հայերն էլ չէ՞ որ արտադրել էին իրենց ազգային աստուածութիւնը, ամենայն բարութիանց մայր՝ դիցուհի Անահիտը, որից սերտ կախեալ էին համարում հայոց աշխարհի կենդանութիւնը (Ագաթանգեղոս էջ 61, տպ. Վին. 1862): Բայց քրիստոնէութիւնը երևան եկաւ իբրեւ հանրամարդկային ու միջազգային կրօն, որ վերցնելով ազգերի մէջ եղած խտիրը՝ թէ հրէին ու թէ հեթանոսին համահաւասար եղբայր հռչակեց: Նոյն իսկ նրա ծոցում յայտնուած պէս-պէս «դաւանութիւնները» գերծ են ազգային բնաւորութիւնից և տեղական ու մասնաւոր նշանակութիւնից *) Անշուշտ, մի դաւանութիւն, մի ազգի անցեալում, կարող է մեծ կրթական ու քաղաքական դեր խաղալ և դրանով բարոյապէս սերտիւ շաղկապուել նոյն ազգի ուրոյն գոյութեան հետ, վայելելով դարէդար նրա սերունդների երախտագիտութիւնն ու առանձին սէրը: Մասնաւոր քաղաքական կեանքի նուազման միջոցներին, եկեղեցին, իբրեւ միակ յօդակապ ցանուցիր ապրող ազգաբնակչութեան, իւր ձեռքն է առնում նրա ղեկավարութեան գործը և առաջնորդում դէպի մի նոր կեանք: Այս դերը կատարել է կաթողիկ եկեղեցին արեւմտեան Եւրոպայի բարբարոսների նկատմամբ՝ նրանց պատրաստելով արդի քաղաքակրթութեան բարձր աստիճանին հասնելու համար, և նոյն շինարար դերը հայ ազգի վերաբերմամբ խաղացել է մեր Հայաստանեայց եկեղեցին, վառ պահելով իւր հօտի սրտերում, նոյն իսկ մահմեդական իշխանութեան տակ, քրիստոնէական բարոյականի վեհ սկզբունքները, — ինչպէս որ պ. Նիկողոսեանն էլ այս ցոյց է տալիս (էջ 97): Սակայն, կատարելուց յետոյ իւր բարերար գործը, սննդելուց ու մեծացնելուց յետոյ իւր զաւակներին, եկեղեցին կամաց-կամաց սկսում է տեղի տալ իւր քաղաքական դերը ուրիշ ոյժերին, պահպանելով, սակայն, իւր բարոյական հաւգին հեղինակութիւնը հաւատացեալների վրայ: Վերեւ նկատեցինք, որ հաւատոյ զօրութիւնը ժամանակի ընթացքում թուլանում է հետզհետէ: Այս երևոյթն արդէն նկատելի է մեր մէջ: Իբրեւ հետեանք՝ առաջ են եկել մեզանում՝ էջմիածնի անզօրութիւնը վառ պահելու կրօնական աւիւնը մեր ազգակիցների սրտում, եկեղեցու պաշտօնեաների անհնազանդութիւնը իրենց կենդրոնական իշխանութեանը, նը-

*) Աւելորդ է նա համարում այստեղ դիտել, որ սոյն մըտքերը եւս մանրամասն արծարծել եւ հինգ տարի առաջ Թիֆլիզի «Նոր-Ղար» լրագրում, 1900, № 231:

րանց տարտամութիւնը, «չինովնիկային» (փառամով) ընթացքը, քահանաների շահամոլութիւնը, ըմբոստութիւնը, անկրթութիւնն ու անսրտութիւնը, ժողովրդի անտարբերութիւնը և էն շատը՝ լոկ պղատոնական զգացմունքը դէպի իւր կրօնական կենդրոնը — էջմիածինը, առանց անձնութեան ու զոհաբերութեան գործերի, հետզհետէ տարածուող կրօնափոխութիւնները և վերջապէս կրթութեամբ հասարակութեան մեծ մասի համակրութիւնը հակակրօն ուղղութեանը, որի յայտարար մեր մէջ հանդիսացել է ի սկզբանէ անտի «Մշակ» լրագիրը: Այս երևոյթները մէկ-մէկ թուելով (էջ 84, 101), պ. Նիկողոսեանը սխալ բացատրում է դոքա ազգային գիտակցութեան պակասութիւնով, մինչդեռ իսկապէս այդ գիտակցութեան և կրօնականի մէջ ոչ մի կապ չկայ: Կրօնական գիտակցութիւնը, այն է՝ հաւատը դէպի գերագոյն էակը, բնաւ նշանակութիւն չունի ազգային գիտակցութեան համար, այն է՝ ճանաչելու համար իւր ծագման ու լեզուի, գրականութեան ու պատմական բախտի համայնութիւնը ուրիշների հետ: Կարելի է ճանաչել այդ համայնութիւնը նոյն իսկ առանց որևէ կրօնական գիտակցութեան, առանց դաւանելու որևէ կրօն: Սոքա այնպիսի պարզ ճշմարտութիւններ են, որ բացատրութեան կարօտ չեն այսօր, երբ խճի ազատութիւնը յաղթական մուտք գտաւ նոյն իսկ խիստ որթողոքս Ռուսիոյ սահմանները և ընդունուեց իբրև ներքին սրբարան՝ անձեռնմխելի բռնութեան համար:

Ի գուր է բորբոքուում պ. Նիկողոսեանը՝ չգտնելով նաև հայեացքների նոյնութիւն մեր ուսեալ դասի և հասարակ ժողովրդի մէջ որի տիպարը իւր մայրն է հանդիսանում: Սա դատապարտում է Պետերբուրգի և Մոսկուայի ուսեալներին, որոնք իրեն չեն ուզում լսել և իրենից ու պառաւններից ոչինչ չեն ուզում սովորել (էջ 38, 47). սակայն մի մարդ, որ երկար տարիներ անց է կացրել Եւրոպայի քաղաքակիրթ կենդրոններում և յաճախել է բարձրագոյն դպրոցները, բնականաբար չի գնալ՝ ժողովրդից բան սովորելու, որքան էլ որ այդ ժողովուրդը բաջառողջ լինի խելով ու դատողութիւնով: Եթէ ժողովրդի խելքն աւելի բարձր է ուսեալ մարդու խելքից, այն ժամանակ էլ կարիք չկայ գնալու Պետերբուրգ կամ Մոսկուա, էլ կարիք չկայ ուսում առնելու, էլ կարիք չկայ յառաջադիմութեան: Ուսման էութիւնը հենց նրանումն է կայանում, որ նա զարգացնում է տարբեր մտածողութիւն, տարբեր հայեացքներ և գաղափարներ, քան թէ ինչ որ ունի հասարակ ժողովուրդը: Այդ հայեացքները կարող են շատ սխալ լինել, թերի, անհամակրելի, նոյն իսկ

վնասակար. բայց շտկել կամ հերքել նոցա կարող է դարձեալ գիտութիւնը, գիտնական փաստերն և ուսումնական պատճառաբանութիւնները, և ոչ թէ անհամ ծաղրածութիւնը և ժողովրդի հայեացքների փառաբանութիւնը՝ իբրև օրինակելի և ուսանելի: Մեր երիտասարդութիւնը, իրաւ է, տարուած է գիտնական ու քաղաքական թիւր ուսմունքներով, որոնք արդիւնք են մեր դարաշրջանի և տարածուած են բոլոր ազգերի երիտասարդութեան մէջ, և ոչ թէ կազմում են մասնաւոր երևոյթ, սեպականութիւն լով մեր ուսանողութեան: Նմանապէս, շնորհիւ ներկայումս գիտութեանց սաստիկ առաջացած ճիւղաւորման և տիրապետող իմաստասիրական ուղղութիւնների, ուսումը, մասնաւոր տեխնիքական ու բնական գիտութեանց ուսումը, չի կարողանում միաժամանակ կրթել բնաւորութիւնը, ազնուացնել ու բարձրացնել հոգին և վերացնել միտքը դէպի այն սկզբունքները, որոնք թաղաւորում են ամբողջ տիեզերքում, ինչպէս և մարդկային ընկերութեան մէջ: Բայց այդ բոլոր թերութիւնների դէմ կռուելու համար էլի հարկաւոր է զինուել գիտութեամբ, և ոչ թէ քարոզել դարձ դէպի ժողովուրդը, կամ հայհոյել ու անարգել:

Հայեացքների այդ տարբերութիւնը ուսեալների ու ուսմիկ դասի մէջ արգելք չի հանդիսանում սակայն, որ նոքազգան իրենց իբրև մի ազգի անդամ, պատրաստ զոհեր բերելու նրա համար վտանգի միջոցին: Կովկասեան վերջին արիւնալի դէպքերը պարզ ապացոյց են այս ճշմարտութեան:

Այսպիսով մենք հասնում ենք գլխաւոր կէտին, այն է թէ՛ պատմական դէպքերն են կազմում ազգութեան ամենազօրեղ շաղկապը, նրա կեանքի ու մահուան իսկական դատաւորը: Պատմութիւնն է ազգերի ստեղծողը, պատմութեան մէջ է գտնում ազգութիւնը իւր իդէալների իրագործումը և պատմութեան մէջ են երևան գալիս նրա հոգու և բնաւորութեան յատկանիշները: Տեսնենք թէ պ. Նիկողոսեանը որքան ճիշտ է հասկանում մեր անցեալ կեանքը և որքան ուղիղ են նրա կարծիքները մեր ներկայի ու ապագայի մասին:

Պ. Նիկողոսեանը իրաւամբ մեծ տեղ է տալիս հայի բնաւորագրութեանը պատմական կեանքում, զի միմիայն բնաւորութեան յատկանիշներով կարելի է բացատրել մի ազգի ճակատագիրը, ինչպէս և անհատի կեանքի ընթացքը: Սակայն այդ ճակատագիրը լաւ հասկանալու համար՝ բաւական չէ ճանաչած լինել ազգային յատկանիշները: Պէտք է պիտենալ նաեւ նոցա սկզբնապատճառը, նոցա արմատն ու իսկական աղբիւրը:

Լումայ

Վան յատկանիշներ, որ ընդածին են ազգին, կան որ ստացական են՝ արդիւնք երկրի բնութեան, արեւակցութեանց և պատմական դէպքերի: Թէ որոնք են հայի բնածին յատկութիւնները, որ անջնջիլի դրօշմուած են նրա հոգու մէջ և մնում են անփոփոխ՝ չնայած ազգի պատմական բախտի փոփոխութիւններին, — այս հարցը վերին աստիճանի կարեւորութիւն ունի, որ ընդհանրապէս մեր մէջ չի հետազօտուած և պ. Նիկողոսեանն էլ, հարկաւ, չի շօշափում, և որ, սակայն, ահագին նշանակութիւն է ունեցել մեր ազգի ճակատագրի համար: Պարզել այդ հարցը կարելի է միմիայն հետազօտելով ազգային հոգու արտադրութիւնները և համեմատելով դոքա ուրիշ ազգերի համապատասխան արտադրութեանց հետ: Ազգային հոգու իսկատիպ արդիւնքը հեթանոսական շրջանում եղել է կրօնը և դիւցազնական բանաստեղծութիւնը, և ուրեմն այս երկու տարերց հետազօտութիւնը հին հայերի մէջ և համեմատութիւնը դրացի ազգերի հետ թերեւս պարզի մեզ հայկական հոգու անայլայլելի բնածին յատկութիւնը: Թէ ինչո՞ւ հայոց ազգային աստուածութիւնը իգական սեռի է, և ոչ արական, ինչպէս է, օրինակ, Որմիզդը հին Պարսից մէջ, թէ ինչո՞ւ Հայկ դիւցազնը ըմբոստանում է բռնակալի դէմ և թողնելով Բաբելոնի տափարակները՝ քաշուում է հիւսիսի ցրտաշունչ լեռները և այնտեղ հերոսաբար պաշտպանում է իւր և իւրայինների ազատութիւնը, — սոքա պատահական ու աննշան երևոյթներ չեն, այլ ունին իրենց խորին իմաստը, և բացատրւում են միմիայն հայ ազգի հոգու մէջ տիրող յատկանիշներով: Այդ յատկանիշների էութիւնն այն է, որ Հայերն արեւելեան Արեաց ընտանիքի ազգերի մէջ իսկզբանէ անտի եղել են ներկայացուցիչներ մատերիալիստական (նիւթապաշտական) սկզբունքի կրօնում և դեմոկրատիական (ազատական) գաղափարների ու ձգտումների քաղաքական կեանքում: Անտեղի համարելով աւելի երկար կանգ առնել այստեղ սոյն խնդրի վերայ, յուսով ենք, որ ուրիշ անգամ կը վերադառնանք այս վերին աստիճանի հետաքրքրական կէտին:

Գալով երկրի բնութեան ազդեցութեանը ազգի բնաւորութեան վերայ, մենք արդէն տեսանք, և պ. Նիկողոսեանն էլ ցոյց տուեց իւր զրքում, որ Հայաստանը զարգացրել է իւր բնակիչների մէջ անկախութեան ու անհատականութեան ոգին, այսինքն՝ այն ոգին, որ արդէն իբնէ յատուկ է եղել հայկական ցեղին: Եւ այս շատ հասկանալի է: Մի ազգ, ինչպէս և ամեն մի անհատ, ընտրում է իւր բնակավայրը՝ համապատասխան

իւր տրամադրութեանը, իւր հակումներին ու ձգտումներին, և քանի որ Հայերը ի ծնէ անտի տոգորուած են եղել ազատութեան ոգով, ուստի և ընտրել են իրենց հայրենիք Հայաստան երկրի ազատ լեռները:

Ինչ վերաբերում է արինակցութեանը դրացի ազգերի հետ, այստեղ էլ պէտք է որոնել այն տարրը, որի հետ Հայերը խառնուելով ամուսնութեամբ («նմանն զնմանն սիրէ») աւելի ևս զօրացրել են իրենց հոգու միակողմանի բնածին յատկութիւնը: Թէ Հայաստանի նախկին բնիկները և թէ հարաւի սեմական ազգերը, որոնց հետ Հայերը շարունակ եղել են խաղաղ և պատերազմական յարաբերութեանց մէջ, ունեցել են մի ընդհանուր յատկանիշ, որ բնածին է բոլոր լեռնականներին և սեպհական է հայկական ցեղին էլ, — յարատեութիւն և տոկունութիւն պահպանելու իւր հոգեւոր առանձնայատկութիւնը: Այս կէտը նմանապէս արժանի է լուրջ ուշադրութեան և նոյնպէս չի շօշափուած պ. Նիկողոսեանի գրքում:

Եթէ բնակավայրն ու արինակցութեան կապերը կախուած են մասամբ ազատ ընտրութիւնից, պատմական զէպքերն արդէն անկախ են որեւէ մարդկային կամայականութիւնից և աւելի զօրեղ ազդեցութիւն ունեն ազգերի բնաւորութեան կազմութեան վերայ, քան բնածին հակումները, երկիրն ու խառնուրդները: Անցնելով պատմական զէպքերի բովից՝ մի ազգի բնաւորութիւնը դուրս է գալիս մերթ այլանդակուած և խեղաթիւրուած, մերթ ագնուացած, զտուած ու կոկուած: Ուստի պատմական զէպքերին իրաւամբ առաջին տեղն է տալու մի ազգի բնաւորութեան կազմութեան խնդրում:

Պ. Նիկողոսեանը ուրիշ բացատրութիւն չունի հայ նախարարների անմիաբանութեան և զօրեղ կենդրոնական ոյժի բացակայութեան՝ հին Հայաստանում, եթէ ոչ դարձեալ տեղազրական արգելքներն ու ընդհանուր բառեր՝ «արտաքին և ներքին պայմանները» (էջ 88): Եթէ ժողովուրդը «շարունակ իւր գլուխը պաշտպանելու հետամուտ լինէր» արտաքին թշնամու դէմ (էջ 89), այն ժամանակ նա և նրա իշխանները կոյր չէին, որ չտեսնէին, թէ այդ նպատակին աւելի հեշտութեամբ կարելի է հասնել միացեալ ոյժերով, քան թէ բաժան-բաժան: Իսկ եթէ միութիւն տեղի չի ունեցել, գորա պատճառն ուրեմն բոլորովին այլ իրողութեան մէջ պէտք է որոնել: Հին Հայաստանի մեղ ծանօթ պատմական շրջանում թագաւորում էր աւատական կարգը, որի ներքոյ ծայրայեղ զարգանում է առանձնականութիւնն ու անհատականութիւնը, հին հայերի այս

ընածին յատկանիշը: Աւատական կարգը մեր քաղաքական կեանքում տեւեց մինչև Ռուբինեանց իշխանութիւնը, որը իւր կողմից ոչ այլ ինչ էր, եթէ ոչ արեւմտեան Եւրոպայի աւատական իշխանութեանց արտանկարուած ճշգրիտ պատկերը: Բայց մինչ Եւրոպական ազգերն իրենց մէջ յաղթահարեցին աւատական սկզբունքը և նրա աւերակներն վերայ բարձրացրին միահեծան թագաւորութեանց հսկայ շինուածքները, հայերը մնացին կէսճանապարհին կանգնած և չկարողացան ստեղծել կենդրոնական ոյժ: Մինչև սրանից մօտ 40 տարի առաջ Ճափոնիան էլ գրտնւում էր աւատական շրջանում, և միմիայն 1868-ի յեղափոխութեամբ անցաւ քաղաքական յաջորդ աստիճանը: Հայերը չբարձրացան այդ աստիճանը: Պատճառն այն էր, որ նրանք մահմեդական տիրապետութեան շնորհիւ բոլորովին կտրուեցին արեւմտեան Եւրոպայից, որտեղ միջին դարերից հետէ կենդրոնացել էր պատմութեան ընթացքը:

Մահմեդական տիրապետութեան տակ, ինչպէս պ. Նիկողոսեանն էլ դիտում է (էջ 94), Հայերն, իրաւ է, ունեցել են մեծ ինքնավարութիւն, պահպանելով իրենց կրօնը, բարքերն ու եկեղեցական կազմակերպութիւնը, — ինչ որ, սակայն, բացատրելու է ոչ թէ մահմեդական վեհապետների առանձին բարեհաճութեամբ առ քրիստոնեայ Հայ ազգը, այլ նրանով, որ մահմեդական տիրապետութիւնը, չբերելով նուաճեալ ազգերին քաղաքացիական կեանքի գերագոյն ձևեր, չի կարողանում նրանց շաղկապել իւր հետ, ուստի և գոհանում է լոկ արտաքուստ հպատակութեամբ, հարկ և զինուորական օգնութիւն առնելով (չքրիստոնեայ հպատակներից) առանի դիպչելու նոցաներին կեանքին: Ծնշումներն արդիւնք են ոչ թէ հոգևորականների ազդեցութեան, որոնք, ընդհանրապէս, չնչին դեր են խաղում արեւելեան բոնակալ կրօնապետութեանց մէջ, այլ պարզապէս վարչութեանց անկարգ սխատմի, որ թոյլ է տալիս պաշտօնեաներին անպատիժ կեղեքել հպատակներին՝ առանց ենթարկելու կենդրոնի հսկողութեան: Կրօնական խտրութիւնը, հարկաւ, մեծ վիճ է կազմում իշխողների և նուաճեալների մէջ, բայց չարեաց արմատը ամենեւին այդ չէ, այլ օրինական կարգի բացակայութիւնը, որով կամայականութեանը լայն զուռ է բացուած: Քանի որ վեհապետը օրէնքից վեր է, և ոչ թէ նորան ենթակայ, անկարելի է ստեղծել կարգաւորեալ քաղաքացիական կեանք, անկարելի է կազմակերպել և օրինաւոր վարչութիւն, անկարելի է պահպանել և կանոնաւոր պետութիւն: Պ. Ն. ըստ երևոյթին, պարզ չի ըմբոսնել մահմեդական կրօնապետութեան էութիւնը:

Բայց պ. Ն. շատ մեծ հմտութեամբ է դուրս բերել հայի բնաւորութեան գծերը՝ իբրև արդիւնք մահմեդական տիրապետութեան (էջեր 95—97)։ Այդ գծերի ընդհանուր նշանն է դարձեալ մեկուսացումը, առանձնացումը և ժըխտական վերաբերութիւնը դէպի իւր նմանները, ուրեմն դարձեալ ծայրահեղ զարգացումը հայկական հոգու բնածին յատկութեան։ Նմանապէս ճիշտ է և պ. Ն.-ի այն դիտողութիւնը, թէ քրիստոնէական կրօնը չեղբայրել է այդ անհամակրելի ստացական գծերը և մշակել ընտիր բարեմասնութիւններ, որոնք պատուարեր են մեր ազգի համար (էջ 97)։

Պարզ է ուրեմն, որ միմիայն քրիստոնէութեան մէջ և քրիստոնեայ աշխարհի հետ յարաբերութիւններ հաստատելով կարող էին հայերն ազնուացնել իրենց բնաւորութեան միակողմանի յատկանիշները և բարձրանալ այն նոր աստիճանը, որ նրանց սպասում է պատմական կեանքում։ Այդ աստիճանը, ինչպէս արդէն տեսանք, հայերին տանելու էր քաղաքական միութեան, զարգացնելու էր նրանց մէջ իշխանութեան սկզբունքը և փոխանակ նոցա մեկուսացնելու և զօրացնելու նրանց մէջ անհատականութիւնը, առաջնորդելու էր դէպի միջազգային և հանրամարդկային յարաբերութիւնները և այդպիսով զարթեցնելու էր նրանց մէջ հասկացողութիւն ընդհանուր սկզբունքների, ձգտումն դէպի ընդհանուր շահերը, հնազանդութիւն ընդհանուր օրինաւոր իշխանութեան և վերջապէս քաղաքական ու քաղաքացիական իրաւունքների գիտակցաբար գործադրութիւն,—բոլորն էլ այնպիսի յատկութիւններ, որոնք հակառակն են հայի անհատականութեան և որոնց պակասը այնքան աղէտալի է եղել մեր անցեալ պատմութեան համար։ Այս բարիքները կարելի էր ստանալ միմիայն քրիստոնեայ երոպական ազգերից, ուստի հայերը մահմեդական աշխարհում երբէք չեն դադարել ձգտելուց Եւրոպա և յատկապէս դէպի հարեան Ռուսիան, որ կոչումն էր ստանձնել արեւմտեան քաղաքակրթութեան միջնորդ լինելու Արևելքի համար։

Թէ Հայերը, դէպի Ռուսիա ձգտելով, փափագում էին ոչ թէ կրօնական ազատութիւն կամ կեանքի, աշխատութեան և գոյքի ապահովութիւն (էջ 99), այլ միմիայն քաղաքական բարձրագոյն զարգացում, այդ երևում է այն հանգամանքից, որ հայկական հանճարը, ուսու պետութեան մէջ փայլեց ոչ այնքան տնտեսական, կրօնական, ուսումնական և գեղարուեստական ասպարէզներով, որքան քաղաքական կեանքի շրջանում, տալով ուսու ազգին բազմաթիւ ականաւոր զօրավարներ ու վար-

չական անձինք: Նիւթական ապահովութիւնը միմիայն միջոց էր լինելու այդ նպատակի համար, զի քաղաքական գործերով զբաղուել կարող է միմիայն մտաւոր պատրաստութիւն ունեցողը, իսկ այդպիսի պատրաստութիւն ստանալու համար անհրաժեշտ է ունենալ ապահովութիւն:

Պ. Ն. յարձակում է ուսաց միջնակարգ ու բարձրագոյն դպրոցներում մեծ յառաջադիմութեամբ ուսանող հայ երիտասարդութեան վերայ, որի իդէալը դարձեալ ոչ այլ ինչ է, եթէ ոչ մի կողմից նիւթական ապահովութիւնը, միւս կողմից էլ «համազգեստը, աստիճանը և շքանշանը» (էջ 103), այսինքն, այն պայմանները, որոնք անհրաժեշտ են քաղաքական կեանքում յառաջանալու համար: Հայ ազգը, չունենալով ինքնուրոյն քաղաքական կեանք, ասպարէզ չի ներկայացնում այդ երիտասարդութեան համար, ուստի նա ստիպուած է դիմել օտարին և ամեն ճիգ թափել հասարակական գիրք ձեռք բերելու համար, որ չլինի թէ դուրս մնալով հասարակութիւնից, ինքն էլ իւր կողմից ստուարացնի թշուառ մտաւոր պրոլետարիատի բազմամարդ շարքերը, կազմուած հայ ուսուցիչներից ու գրագէտներից: Յամենայն դէպս, հայը, պաշտօնավարելով ուսուպետական այլ և այլ հաստատութեանց մէջ, հմտանում է կառավարութեան զանազան մասերում, — ինչ որ դարձեալ նպաստաւոր պայման է մեր քաղաքական հասունութեան համար:

Սակայն այդ հասունութեանը հասնելու համար՝ բաւական չէ ունենալ նիւթական կարողութիւն և մտաւոր պատրաստութիւն կառավարական գործերում: Պէտք է ձգտել նաև շաղկապելու իրար հետ հասարակութեան ցիրուցան անդամները: Այդ շաղկապող ոյժերից առաջինը ընտանիքն է, որտեղ դրուած են պետական կեանքի բաղադրիչ տարրից էական սաղմերը: Պ. Ն. իրաւամբ յայտարարում է հայ ընտանեկան կապերի քակտումը՝ կորստաբեր մեր ապագայի համար (էջ 102): Մանաւանդ հայ կնոջ այլասեռումը խիստ վտանգաւոր իրողութիւն է հայ գերդաստանի, ուրեմն և հայ ազգի յարատև գոյութեան և ամբողջութեան համար: Սակայն այս բոլոր երևոյթները անխուսափելի հետևանքներ են նոր ազգերի մէջ տիրող բարքերի (որ պ. Նիկողոսեանը «միջավայր» ընդհանուր բառով է բացատրում), որ ընդունում է հներին անժանօթ կընոջ ընկերական ազատութեան սկզբունքը: Դարմանը ոչ թէ վերադարձն է դէպի նահապետական կեանքի ձևերը, որ անդառնալի անցած պիտի համարել ժամանակակից ազգերի համար, այլ բարքերի ազնուացումը մի կողմից քրիստոնէական:

կրօնի ազդեցութեամբ իւր բարոյական բարձր իդէալներով, միւս կողմից էլ, ինչպէս տեսանք, ճշմարիտ գիտութեան և գեղեցիկ գրականութեան կրթիչ ներգործութեամբ: Ուստի թէ մեր եկեղեցին, թէ ուսեալ դասը և թէ մանաւանդ մեր գրականութիւնը մեծ դեր ունին խաղալու ապագայի մասին:

Բայց միութեան շաղկապը պէտք է հաստատուի ոչ միայն ազգի հոգեւոր կեանքում, այլ նաև տնտեսական գործունէութեան մէջ, որ նիւթական միջոցներ է մատակարարում հոգեւոր նպատակներն իրագործելու համար: Ամեն մի տնտեսական հասարակութեան մէջ բնականաբար յառաջանում են ընկերական դասակարգեր՝ ունեւորներ և չունեւորներ, լուսաւորեալներ և խաւար ամբոխ: Ունեւորներն ու լուսաւորեալները, բարձրանալով ամբողջից, մեծամասնութիւնից, ոչ թէ խորթանալու են և խորշիլու նրանից, այլ ամեն կերպով նպաստելու են նրա լուսաւորութեանն ու բարեկեցութեանը՝ սերնդէ սերունդ իրենց տոհմի մէջ զօրաւոր շաղկապ հանդիսանալով քաղաքական կեանքից զուրկ հասարակութեան: Նրանք են լինելու գիտութեան, գրականութեան և գեղարուեստի սիւներն ազգի մէջ, նրանք են լինելու խաւար ամբոխի լուսաւորութեան պայծառ ջահերը: Նրանք են լինելու թշուառ ժողովրդի յոյսն ու ապաւէնը ճգնաժամերում: Եթէ նոքա չեն հասկանում իրենց վեհ կոչումը, ապա ուրեմն ոչինչ յոյս չկայ այդ ժողովրդից ու հասարակութիւնից:

Դուրս բերելուց յետոյ Պրոտոպոպովի վերոյիշեալ տիպաբը, որ լինելով մեծատուն հայ վաճառական, չի կատարում սակայն, իւր հասարակական դերը ազգի մէջ, պ. Ն. նրան իւր պաշտպանութեան տակ է առնում՝ ոչինչ անբնական բան չգտնելով նրա ընթացքի մէջ թուրքի ու պարսկի տեսակէտից (էջ 127): Պ. Ն. կարող էր աւելացնել, որ գերմանացին ու ֆրանսիացին էլ չէին գտնիլ ոչինչ դատապարտելի բան, եթէ Պրոտոպոպովը իրենց մէջ ծնուէր: Բայց, օրինակ, լեհացին կամ իտալացի կը դատապարտէր իւր ազգի մէջ յայտնուող Պրոտոպոպովին, և եթէ լսէր, որ մեր մէջ այդպիսի տիպաբներ սակաւ չեն, հայ ազգի վրայ մեծ համարում չէր ունենալ այնուհետև: Պատճառն այն է, որ առաջին ազգերը ունին սեպհական կառավարութիւններ, որոնք հոգում են ազգի լուսաւորութեան և այլ պէտքերը՝ հարկ առնելով ժողովրդից՝ նայած հպատակների նիւթական կարողութեանը, — հարստից շատ, աղքատից՝ սակաւ: Ինչ անկախութիւնից զուրկ փոքր ազգերի մէջ այդ դերը բնականաբար ստանձնում են բարձր

դասակարգերը, որոնք և կոչուած են հասարակութեան գլուխ կանգնելու ներկայում և ապագայում:

Տնտեսական հասարակութեան մէջ բարձրագոյն դասը կազմում են ոչ միայն դրամատէրները կամ վաճառականութեան ու արդիւնարբերութեան խոշոր ներկայացուցիչները, այլ և կալուածատէրները, անշարժ կայքերի և հողերի սեպհականատէրերը: Դրամը նպատակ չէ, այլ լոկ միջոց է ոչ միայն հոգևոր, այլ և տնտեսական կեանքի համար, նպատակն այստեղ հողն է, անշարժ կայքը, ուստի հողային սեպհականութեան զարգացումը անհրաժեշտ պայմանն է ազգերի ոչ միայն տնտեսական, այլ և այդու իսկ հասարակական յառաջադիմութեան: Հողատիրութիւնը մի հասարակութեան նիւթական պատուանդանն է և ուրեմն շողկապը նրա ցանուցիր մասերի: Բայց այդ դերը նա կարող է կատարել, երբ որ կազմում է միապաղաղ անընդհատ տարածութիւն՝ միևնոյն ազգի հոծ բնակչութեամբ: Կովկասի վերջին անցքերը ցոյց տուին ցանուցիր բնակչութեան ծանր վտանգը հայ հասարակութեան գոյութեան համար: Վրաց ազգի կալուածատիրութիւնը, որի հետ պ. Ն. համեմատում է Պրոտոպոպովին (127), ունի այն մեծ առաւելութիւնը մեզանից, որ կենդրոնացած է մի տարածութեան վերայ, ուստի և կազմում է զօրաւոր նեցուկ ազգային գոյութեան և ինքնուրոյնութեան: Նիւթապաշտութիւն և շահամուլութիւն, հարկաւ վրացիների մէջ էլ կայ, ինչպէս և Եւրոպայի ու Ամերիկայի «լուսաւոր և մեծ ազգերի մէջ» (128), բայց չպէտք է մոռանալ, որ այդ ազգերն ունին հակակշռող ուրիշ առաւելութիւններ, որոնք պակասում են մեզ, չարաբախտներիս: Համեմատելու ժամանակ այս հանգամանքը աչքաթող է արել պ. Նիկողոսեանը:

Ընհանրապէս պ. Ն. զուր է աշխատում արդարացնել Պրոտոպոպովին և փառաբանում նրան արտադրող ազգը: Սիրելի իւր ազգը, իւր հայրենիքը, մարդուս գերագոյն պարտքն է երկրիս վրայ, բայց այդ սէրը չպէտք է գոցի նրա աչքերը իւր ազգին յատուկ պակասութեանց վերայ: Չնայած Ռուսաց դարաւոր տիրապետութեանը, չնայած յաճախ յարաբերութեանցը Եւրոպայի կիրթ երկրների հետ, հայը դեռ չի ազատուել իւր բնաւորութեան ճակատագրական յատկանիշներից: Նա դեռ չի կարողանում յաղթահարել իւր անհատականութիւնն ու նիւթապաշտութիւնը և վերանալ դէպի ընդհանուր շահերը, սկզբունքներն ու ձգտումները: Հէնց որ հայը բարձրացաւ իւր ժողովրդից, նա դառնում է անպատճառ մի

Պրոտոպոպով, լինի դա Տաճկաստանում թէ Ռուսաստանում: Պրոտոպոպովը բուն հայկական տիպ է՝ հայ ժողովրդի մսից ու արիւնից: Զի կարելի նրան բաժանել սրանից, գովաբանել մէկին, պարսաւել միւսին, մինչ նա արմատն է, իսկ սա պըտուղը: Այս պատճառով օտարները մեր մասին գաղափար են կազմում՝ ծանօթանալով այդ տեսակ տիպերի հետ և ենթադրելով որ ռամիկ ամբողջ գրեթէ միևնոյնն է ամեն ազգի մէջ: Երբ որ կարգում ենք ճապոնական և մանաւանդ չինական հասարակ դասի մաքուր բարքերի նկարագրութիւնը ճանապարհորդների ձեռքով, զարմանում ենք, որ այդպիսի օրինակելի կեանք վարել կարող է մի հեթանոս ժողովուրդ, ուր մնաց քրիստոնէական սկզբունքներով դարէ դար մնում հայ ազգութիւնը: Սակայն և այնպէս, մեզ համար իդէալ չի կարող դառնալ ոչ իւր նախահարց ամանդութիւններին խստիւ հետևող չինացի ժողովուրդը, որ խորշելով խորշում է Եւրոպացիներից, ոչ էլ պահպանողական ու առանձնական, ցանուցիր, յետամնաց և դեռ ստորուկ հայ ազգը: Մեզ համար իդէալ առհասարակ չի կարող լինել ազգութեան պաշտամունքը, աստուածացումը, ինչպէս որ դա է պ. Ն. ի. նման մոլեռանդ ազգասէրների համար: Մեր իդէալը հանրամարդկային է և միմիայն այդ հանրամարդկային հողի վրայ է որ կարող է սնուել, աճել ու զարգանալ ազգային գաղափարն ու գիտակցութիւնը: Իսկ այդ հողից կտրուած, չինական պարսպով «Երիշ ազգերից իրեն բաժանող հասարակութիւնը, իրաւ է, անկորուստ կապրի դարէ-դար երջանիկ և կեանքով պահպանելով իւր հոգու ընտիր բարեմասնութիւնները, որոնցով նրան օժտել է բարերար Աստուածը, սակայն այդ կեանքը մեռելալի կեանք է, զի նա գոյութիւն չունի ուրիշների համար, և ինքն էլ իւր համար ապրում է անգիտակցաբար, առանց հասկանալու իւր գոյութեան խորհուրդը: Ազգային գիտակցութիւնը, որի պակասութեան վրայ մեր հասարակութեան մէջ այնքան տրտնջում է պ. Ն. կարող զարթնել միմիայն մասնակցելով ընդհանուր շարժմանը, ստանալով ուրիշներից հոգևոր բարիքներ և տալով նոցա իւր մտքի արգասիքները, ճոխացնելով հանրամարդկային գանձարանը գիտութեան ու գրականութեան խոշոր երկերով, պայծառացնելով իւր հասարակական կեանքը քաղաքացիական ու քաղաքական ընտիր հիմնարկութիւններով, և ոչ թէ դրուատելով իւր ազգի անհատական առաքինութիւնները և իդէալացնելով նրա թերութիւնները:

Վեննա

(Վերջը միւս անգամ)

ԳԷՈՐԳ ԱՀԱՐՈՆԵԱՆ

ԱՌԵՏԱՐԱՆԻ ԵՂԲԱՅՐՆԵՐ ¹⁾

II.

Անցաւ մի շաբաթ:

Սակայն այդ մի շաբաթուայ ընթացքում Դարբնենց տան մէջ զգալի փոփոխութիւն էր առաջ եկել:

Լուսաբերին արդէն թաղել էին հենց մեռնելու առաջին օրը. դէ՛հ խօլերայի զոհերին հօ չի կարելի երկար անթաղ պահել: Թաթուլն այդ մի շաբաթուայ ընթացքում միայն մի անգամ էր այցելել Սահրատին, այն էլ Լուսաբերի յուղարկաւորութեան ժամանակը: Եւ այդ բանը առաւել ևս բազմապատկել էր Սահրատի կասկածը. չէ՞ որ առաջներում, եթէ օրական մի տասն անգամ նա շտեմնուէր Սահրատի հետ, անգաղաք կըրկնու՞մ էր՝ սիրտս պատուում է, որ չեմ տեսնում քեզ, ասես մի բան կորցրած լինիս:

«Այժմ ո՞ւր կորաւ այդ սիրտը»,—մըմուռ էր յաճախ ինքն-իրան Սահրատը. «այժմ ինչո՞ւ նա չի պատուփում. օ, ես այդ լաւ եմ հասկանում, լաւ եմ ըմբռնում, թէ որքան անգութ ես դու եղել...»

Անցաւ մի շաբաթ էլ, մի ամիս էլ, սակայն Թաթուլը չկար ու չկար: Վերջապէս, Սահրատի կատաղութիւնը իր գագաթնակէտին հասաւ: Նա այդ մի ամսուայ ընթացքում հազար անգամ չափել, ձեւել էր Թաթուլի նախկին իւրաքանչիւր քայլը, իւրաքանչիւր հայեացքը, նիստուկացը իւր յարկի տակին, և ամեն անգամ

¹⁾ Լուսայ 1906, № 1.

էլ ներքին աւելոծութիւնը նրան իւր խռովագին նաւի վրայ տարել էր հեռու, շատ հեռու, դէպի կեանքի յուսահատութեան տարտարոսը, վիհը, ուր խուլ մըռնչիւնը չարագուշակ բուռի նման ոչ մի աւետաբեր երջանկութիւն չէր խոստանում նրան, այլ այն, ինչ նա գուշակում էր, սոսկալի էր և ցնցող:

Այդ մի ամսուայ ընթացքում նա մի քանի անգամ էր խօսել, այն էլ իւր մօր հետ, այն էլ, երբ մայրը սրտի խորին կարեկցութեամբ, տեսնելով որդու յարատև լռութիւնը, ջանքեր էր գործ դնում մխիթարելու նրան:

—Ախր այ որդի, ինչո՞ւ չես խօսում. դէհ Աստծու կամքն է էլի. մենք ինչ կարող ենք անել:

—Իհ, մարէ, ինչպէս խօսեմ, երբ ամեն բան յիշում եմ, ներքին զայրոյթը պապանձեցնում է լեզուս, — պատասխանում էր դառն յուսահատութեամբ լցուած Սահրատը:

—Աստուած ողորմած է, կանցնի:

—Ձէ, մարէ, քանի այ այստեղ սա թրփրտում է, — ցոյց տալով սիրտը. — չի կարող ոչ մի բան անցկենալ: Սրտերի համար ամեն բան յաւիտենական է:

—Քեզ կ'վնասես:

—Ախ, ուր էր. գոնէ կազատուէի այս սոսկալի տանջանքներից. գոնէ այս հոգետանջ տառապանքներս կ'լռէին գերեզմանական քար լռութեան մէջ: Բայց ոչ, ոչ, նրանք ընկեր են ինձ ամեն ժամ, ամեն րօպէ՝ այստեղ էլ, այս վէրան աշխարհումն էլ և գերեզմանական քարասիրտ կապանքներումն էլ:

—Եղբայրդ էլ չի գալիս. նրան ինչ է պատահել. այ հիմի է նրա ներկայութիւնը քեզ պէտք. իզուր չեն տեսել մեր լուսահոգի նախնիները թէ՛ «նա է քո բարեկամը, ով փորձանքիդ ժամանակ անբաժան է քեզանից»:

Մի խուլ հառաչանք դուրս թռու Սահրատի կրծքից. թշուառ մայրը չգիտէր, որ հենց այդ «եղբայրն» է իւր որդու դժբախտութեան պատճառը:

—Այո, մարէ, չի գալիս. յիշում ես առաջներում ամեն օր հէնց այստեղ վեր ընկած էր լինում: Յիշում ես, երբ միանգամ հարսդ հէրանց էր գնացել, նա դարձեալ չերեաց մինչև այն ժամանակ, երբ նա վերադարձաւ: Նա մեզ համար չէր գալիս, նրա համար մեր խաչն ու աւետարանը ոչինչ են եղել: Յիշում ես, մի անգամ, երբ մենք կալում չեղջ էինք հանել, կարիք եղաւ տուն վազել ջուալները բերելու, յիշում ես ինչպէս ծտի նման թռաւ ու երկաւր—երկար ուշացաւ. ինչն էր պատճառը. չէ որ ջուալները պատրաստի դարսած էին ծալքի վրայ, հարկաւոր էր հարսիցդ ուզել նրանց ու վերադառնալ: Բայց նա, օ, ուշացաւ...

—Հոգուդ մեղք ես անում, որդի:

—Մէկ այդ չէ, մարէ, մի անգամ ամառը դու եայլաղ էիր գնացել, ես էլ արտն էի ջրում, տանը մենակ հարսդ էր մնացել: Երբ ջրեցի վերջացրի, շտապեցի տունը, սոված էի և ի՜նչ... հեռուից տեսնեմ, որ նա մեր տանիցն է դուրս գալիս: Հարցրի հարսիցդ, բայց նա պատասխանեց, թէ եկաւ հարցրեց քո մասին: Ախր, չէ որ նա գիտէր, որ ես ջուր անելու եմ գնացել: Այժմ եմ ամեն բան գլխի ընկնում: Վերջապէս, որն ասեմ: Մի անգամ էլ բաւոր Ապրօնեց հարսանիքին՝ դիչերը գեօնդի ժամանակ հարսդ աչքովս չընկաւ, ստիպուած եղայ դուրս գալ, անցայ «աթարի ամրոցի» մօտով: Նրա միջից փսփսոցի շշուկ լսեցի, բայց առանց կասկածանքի հեռացայ: Շատ չանցաւ, այնտեղից դուրս եկաւ մէկը, յետոյ մի ուրիշը: Սակայն խաւարի թանձրութիւնը խանգարեց ինձ ճանաչելու նրանց: Իսկոյն հետեւեցի նրանց և կարողացայ միայն մէկին հասնել՝ դա թաթուլն էր: Երբ մտայ հարսանքատունը, հարսիդ այնտեղ գտայ: Ախ, մարէ, շատ բան կայ... Բայց ես եմ միայն միամիտ եղել:

—Առանց աչքովդ տեսնելու, որդի, զրպարտում ես դու, զրպարտում:

—Աչքերս չատ բան են տեսել, սակայն հոգուս անմեղութիւնը իր անարատ աչքերովն էր ըմբռնում ու դատում այն ամենը: Իսկ այժմ, այժմ, երբ...

Այդ ժամանակ լսուեց եկեղեցու զանգակների տխրահնչիւն զօղանջիւնը, որը ընդհատեց մօր և որդու խօսակցութիւնը:

—Գնանք եկեղեցի, Սահրատ, խօլերայի պատճառով մասունք են բերել:

—Մասունքն էլ, խաչն էլ, աւետարանն էլ սուտ են, սուտ, մարէ, երբ մարդիկ տակաւին գաղանային հակումներով են շնչում: Օ, այդ մարդիկը խախտել են իմ մէջ այն գերագոյն սէրը, այն խորախորհուրդ հաւատը, որը ես հոգուս անշեղ էութեամբ տածում էի դէպի մեր սրբութիւնները: Եւ այդ մարդիկը իրանց կոյր, իրանց արեւոուշտ կրքերին յագուրդ տալու բաւականութեամբ ոտնատակ տուեցին խաչի էլ, աւետարանի էլ, մասունքի էլ հրաշապանծ զօրութիւնը և նրանց նշանակութիւնը: Սուտ չէ ասած թէ՛ խաչը տէրը կանէ զօրաւոր:

—Տէր, դու ողորմաս, մըմնջաց մայրը և ուղևորուեց դէպի եկեղեցին:

Խուռն բազմութեամբ քահանաները եկեղեցու լայնարձակ բակում թափուր էին կատարում: Բազմութիւնը աղի արցունքներ էր թափում, որ Աստուած խղճայ իրանց և վերացնէ համաճարակի սարսափը իրանց միջից:

Վերջապէս, երբ թափորը վերջացաւ, ուսուցիչը, որը նոյնպէս քահանաների հետն էր, խնդրեց բազմութեանը մի փոքր ուշադիր լինել:

Սրա ձայնի հետ բազմութիւնը վայրկենաբար լռեց և ծունկ չոքեց: Ուսուցիչը դարձաւ դէպի ամբօխը:

—Սիրելի ժողովուրդ, սրտի խորին դառնութեամբ այսօր առաջին անգամն եմ ձեզ այսպէս միաձայն համախմբուած տեսնում. ասացի՝ սրտի խորին դառնութեամբ, որովհետեւ ձեր այս ահաւոր բազմութիւնը պարզ ապացոյց է՝ թէ որքան ենք մենք տակաւին յետ կան-

գնած առօրեայ կեանքի ամենատարրական հարցերում, որոնց միմիայն ժողովրդի բանիմաց և գիտակցական վերաբերմունքով կարելի է ուղղել: Այո, մենք այս խուռն բազմութեամբ այսօր երևան ենք հանել մեր դարաւոր խեղճութիւնը. մենք մեր այսօրուայ սուգ ու շիւանով հաստատում ենք մեր անճար տգիտութիւնը: Թող տապալուեն, թող արցունքների գետեր կազմեն այստեղ ձեր զգայուն սրտերը, բայց դարձեալ անկարող կլինեն նրանք մազի չափ անդամ մեղմել ձեր վիշտն ու տառապանքը: Այն տեղ, ուր միմիայն աղօթքն է յոյս ու ապաւէն կազմում, այնտեղ, ուր աղօթքի հետ ձեռք-ձեռքի տուած չէ ընթանում հացի ու ջրի պահանջ դարձած առօրեայ գիտակցօրէն կենցաղը, այնտեղ արցունքների վիշտ ու տառապանքի, լացուկոծի, սև սարսափի սոսկալի իրականութիւնն է իր դժգոյն ուրուականը երևան հանում, ուր մարդկութիւնը զեռունների նման փորսող է տալիս առանց ուշքի առնելու ոչ աջը և ոչ ահակը և կուրօրէն կատարում է այն, ինչ բօպէի տակ թելագրում է իրան իր սիրտը: Թող մեզանից ամեն մէկը յիշէ, որ երբ իւրաքանչիւր անգամ մեր նախնիների գլխին դիզւում էր թշնամու ճակատագրական օրհասը, նրանք խաչ ու աւետարանի հետ սուր էլ էին միացնում. նրանք աղօթքի հետ դիմադիր ոյժեր էլ էին երևան հանում: Յիշեցէք Աւարայրի հերոսներին. մէկը խաչն էր բարձրացրել, միւսը սուրը: Իսկ մեր այսօրուայ թշնամին լոկ մեր տգիտութեան ծնունդն է, որը նոյնքան սոսկալի է, որքան մի խուժադուժ հակումներով առաջնորդուած բռնակալ — թշնամի: Որքան ձեզանից ամեն մէկը համոզուած է, թէ իր արցունքներով կմեղմէ իր հոգեւանջ, իր սրտամաշ դրութիւնը, այնքան էլ մանրազննին տոկունութեամբ պիտի ծունկ չօրէ գիտութեան առաջը, և վերջնիս հետ անխզելի կապերով հաստատուած՝ պիտի լինի թէ տունը՝ իր յարկի տակին, թէ դուրսը՝ իր առօրեայ նիստուկացի, արտ ու

ափի հետ և իր իւրաքանչիւր քայլը պիտի աշխատէ յարմարեցնել նրա պահանջների հետ, որոնցով և պիտի առաջնորդուի ամեն ժամ, ամեն րօպէ։ Թող ամեն ընտանիք, ամեն անհատ ինքն իրան համար բժիշկ դառնայ կեանքի բարդ խնդիրներում և յոյսը սրա նրա վրայ չդնելով, աշխատէ ամօքել իր վերքերը։

Ֆառում եմ, որ ես եմ ստիպուած լինում ձեզ այս ա- սելու, այն ինչ ձեր կողքին կանգնած ձեր քահանանե- րը, որոնց սեպուհ պարտականութիւնն է այս պատգամները ամեն ժամանակ հաղորդելու ձեզ։ Սակայն յուսով եմ, որ կգայ մի օր, մի ժամանակ, որ նրանք էլ այս խուլ ու մութ վայրերում հոգի կանոնեն և իրանց ազդու ու փրկարար խօսքերով կառաջնորդեն իրաց տարաբախտ հօտը...

Թափօրը վերջացաւ։

Խառնիճազանն ամբոխը հետզհետէ ցրուեց։

III

Գիշեր էր։

Գեղ լեռուը ամբողջովին կորել էր անթափանցելի խաւարի գրկում, որը քանի գնում սաստկանում էր և խորին գերեզմանական լուսթիւնը տարածում այդ լեռան չըջակայքում, որը մերթ ընդ մերթ ընդհատուում էր մի խուլ քչքչոցով։

Դա այն կարկաչահոս վտակն էր, որը սկիզբ առնելով այդ լեռան ստորոտներից, անցնում էր, գնում հեռու ոռոգելու այդ աշխարհի քրտնաշան երկրագործի դաշտն ու արտորայքը։ Լեռան ստորոտից փոքր ինչ հեռու այդ վտակից մի նուազ ճիւղ էր սկիզբ առնում։ Դա մեր գիւղի առուակն էր, որը ոռոգում էր մեր դար ու դաշտը։

Գիշերուայ այդ տագնապալի պահուն, եթէ հետե-ւէինք մեր առուակի ընթացքին, անշուշտ կարելի կլի-նէր նշմարել խաւարի մէջ երկու կանգուն ստուերներ, որոնք ստէպ-ստէպ կուզու պարզ անելով ասես ասում

էին ձեզ, որ իրանք գիշերային շրջիկ ոգիներ, ուրուականներ կամ լոկ ստուերներ չէին, այլ կենդանի մարդիկ, որոնցից մէկը իր կուզ ու պարզով աշխատում էր որքան կարելի է լաւ ջրել իր արտը, իսկ միւսը՝ մի ինչ որ փոս էր փորում: Սրանցից մէկը՝ այն, որ ջրում էր արտը, անտեղեակ էր միւսի գործողութիւնից, այն ինչ միւսը՝ քաջ գիտէր, որ իրանից փոքր ինչ հեռու կայ մի տըրիշը, իր նմանը, որը նոյնպէս այդ բօպէին բահը ձեռքին ոչ թէ իր նման ինչ-որ խորհրդաւոր փոսփորելով էր զբաղուած, այլ՝ արտ ջրելով: Այս վերջինը, երբ փոսը փորեց, վերջացրեց, դանդաղ քայլելով շարժուեց դէպի միւսը:

Նրա դէմքը, եթէ գիշերուայ այդ պահուն կարելի լիներ նշմարել, այլայլուած էր, որը մերթափ գունաթափուում էր և մեռելային կերպարանք ստանում, ապա յանկարծ մի ներքին ալէկոծութիւնից խռովուում և բոցավառ դոյներով ներկում նրա թխամորթ այտերը: Նրա կրծքում ներքին խուլ կռիւը կատաղի կերպով առաջ էր դնում, որը պատրաստ էր իր դժոխային ամենայն դարչանքով վայրկենաբար ժայթքել: Սակայն նա խորին զգուշութեամբ զսպում էր իր խռովայոյզ փոթորիկը և առաջ ընթանում դէպի միւսը-ջրւորը և որքան մօտենում էր, այնքան առաւել նրա կրծքում կռիւը մրկածուփ կերպարանք էր ստանում, և նա ամբողջ մարմնով ստէպ-ստէպ ցնցումներ էր գործում ու դողդողում:

Վերջապէս, նա հասաւ:

— Բարի երեկոյ, Թաթուլ աղբեր, — նրա դէմքի կընճիւղները աւելի ևս բարդուեցին:

— Ա՛յ, Աստուծոյ բարին, Սահրատ աղբէր, խէր է այս պահուն. երեւի որ և է դժբախտութիւն պատահած լինի:

— Ո՛չ, ո՛չ, Աստուած մի արասցէ. այլ էնպէս եկայ քեզ օգնելու. գիտէի, որ մենակ ես, ջուրդ պաշտպանող չկայ: Որքան տանջուեցի, տեսայ, որ բոլորն ապարդիւն է, մտածեցի՝ աւելի լաւ է, դարձեալ առաջուայ

նման շարունակենք մեր աղբերութիւնը. որը ահա մի տարի է, չգիտեմ ինչո՞ւ, բայց այդպէս լինելու վրայ է,— այս ասելով նա ուսից վայր բերեց բահը, ապա դէպի բամակը տարաւ գօտիկից կախուած պարանը, որի մի ծայրը օղակ ունէր:

— Դէհ, փառք Աստուծոյ, որ զգաստացել ես. իհարկէ լաւ կ'լինի, որ շարունակենք մեր աղբերութիւնը:

Այս ասելով, նա դուրս եկաւ ջրի միջից և մօտեցաւ Սահրատին, և երկուսով միասին նստեցին առուակի եզերքին:

— Գործդ ինչո՞ւ թողեցիր, Թաթուլ. բանի ժամանակը ձեռքումդ է՝ օգտուիր. բանի ջուր կայ՝ ջրիւ, թէ չէ կարող է ջուրը պակասիլ:

Ես էլ ոտքերս կհանեմ և բեզ կօգնեմ: Դէհ, ինչի համար եմ բռն եկել:

— Ո՛չ, ոչ, նստենք. քիչ է մնացել ջրելու: Ես մի քիչ հոգեպահուստ ունիմ. մինչև խմենք, ջուրն իր բանը կտեսնի:

Այս ասելով, նա դուրս հանեց խուրջինից օղիի շիշը, պանիր ու հացը:

— Ի՛նչ լաւ պատրաստութիւնով ես եկել, Թաթուլ աղբեր, այո՛, լաւ է միշտ հեղպէս պատրաստ լինել. զգոյշ լինել, բայց ես նոր եմ այդ հասկանում:

— Առ, անուշ արա, — այս ասելով Թաթուլը մեկնեց նրան օղին, որը՝ բաժակ չլինելու պատճառով՝ ածել էր մի պղնձեայ թասի մէջ:

— Տօ, հէր օրհնած, էդ ինչ է:

— Ա՛ռ, հապէս լաւ է:

— Կհարբենք, գործներս կմնայ:

— Դարդ մի արա, աղբերդ գործ մոռացող չէ:

— Դէհ ողջ լինիս, Աստուած ամեն մի մարդի գործը առաջ տանի, նամարդին կորագլուխ կործանի և վերջներս բարի անէ, — այս ասելով խմեց, թասը դատարկեց ու տուեց Թաթուլին:

—Անուշ, անուշ, արժէ էսպէս ջուր անելը:

—Սաղ լին... բահ էս ինչ թունդն էր:

Թաթուլը թասը լցրեց:

—Սահրատ աղբեր, ողջ մնաս. քո կենացն եմ խմում, և տես ինչպէս եմ խմում:

—Անուշ, անուշ:

Թաթուլը մի չտեսնուած ագահութեամբ թասը դատարկեց ու նորից լցրեց:

—Անուշ, տօ բաւական է, էդ ինչ ես անում:

—Ոչ, Սահրատ աղբեր, կիսատ եմ լցնում. մի վախեցիր, ախր ինչանեմ. քեզ որ տեսնում եմ, աշխարհը գլխիս փուլ է գալիս. դարդերս թազանում են: Էս զահրումարը մարդի սիրտ է բաց անում, էս մի տարի է՝ ես թունդ դոստացել եմ էս անտէրի հետ: Համա քեզ ասեմ, լաւ բան է եարալու սրտիս համար:

—Ախր դու ինչ եարա ունես:

—Էհ, Սահրատ աղբեր, հենց եարան էնտեղն է, օրտեղ մարդիկ ոչինչ չեն տեսնում: Գալտնի եարան առաւել ևս զարհուրելի է. մարդ կասեմ, որ նրան դիմանայ: Ես էլ չկարողացայ դիմանալ և էս անտէրի մէջ գտայ ինձ փրկութիւն:—Այս ասելուց յետոյ, նա կարծես թէ զգաց, որ իր լեզուն սկսեց բացուել և ամեն ինչ դուրս տալ, այդ պատճառով իսկոյն փոխեց խօսակցութիւնը.—դէհ առ, առ, քեզ ասում եմ, որ լաւ բան է:

Սահրատն առաւ և լռութեամբ դատարկեց ու թասը վերադարձրեց նրան:

—Վերջն է, էս էլ ինձ, նկատեց Թաթուլը, դատարկելով թասի մէջ նոյն իսկ օղիի վերջին կաթիլը:

Մինչ դեռ այդ ըօպէին ալկօհօլը աւելի սոսկալի էր դարձրել Սահրատի կրծքում բուն դրած վրէժինդրութեան անյադ ծարաւը: Եւ այնտեղ մղուող խուլ կռիւը մի աննկարագրելի մաքառման մէջ էր, որի կատաղի ազդեցութեան տակ նրա սիրտը ըօպէ առ ըօպէ արագաց-

նում էր իր բաբախումները և շնչարգելութեան անտիճանին հասցնում նրան ու ջղաձգական ցնցումների մատնում: Շնորհիւ թանձր խաւարի սև շերտերին, Թաթուլը նկատել անկարող էր ոչ նրա հոգեկան երերումները և ոչ էլ բոցավառ դէմքի փոփոխակի գունաթափութիւնն ու ցնցումները: Խաւարին յատուկ արեկոծութիւնը տակաւ առ տակաւ մօտեցնում էր Սահրատին նոյնպիսի խաւար գործունէութեան իրագործմանը, որն առաւել ևս բորբոքուել էր ակօհօլի կաթիլների ազդեցութեան տակ: Երկար նա պիտի երերուէր այդ հոգեւորանջ դրութեամբ, եթէ Թաթուլի ձայնը ուշքի չբերէր նրան:

— Սահրատ աղբեր, դու սաղ լինիս. ինչո՞ւ ես սուս արել, արար աշխարհ էս անտէրի հետ դոստութիւն է անում, որ իր ցաւստ սրտի լացը խլացնի և ուրախութիւն անի, իսկ դու սուս ես անում: Տօ աղբեր, էս աւեր, էս քանդուած աշխարհը լացի աշխարհ է. պիտի աշխատել մի հոգեկան մխիթարութիւն, մի սրտի զուարճութիւն գտնել, ինչ գնով էլ որ լինին նրանք: Ծիշտ է, հասարակական կարծիք կայ, հասարակական խաւերի ասեկօսէներ կան, բայց միթէ հասարակութիւնը իմ գլխի տէրն է: Թ՛քել նրա էլ, նրա կարծիքների էլ վրայ:

Սահրատը ցնցուեց և մի սուր շեշտով, որի մէջ որոշակի լսւում էր և մաղձ և դառնութիւն, նկատեց.

— Իսկ կրճբումդ պարտկուող խղճմտանքը:

— Էհ, ինչ կարող է անել:

— Նա հասարակական կարծիքից վտանգաւոր է. նա այս ու այն ասեկօսէներից հզօր է, և զօրեղ է, և առօրեայ կեանքում նրա ձայնը պիտի գերակշիռ դեր կատարէ: Ով խլացնում է նրա ձայնը, նա զուրկ է մարդ անուն կրելուց. նա ամենի գազանի է նման. նա իր համար փորում է դժբախտութեան գերեզմաններ...

— Սահրատ աղբեր, — ընդհատեց նրան Թաթուլը. — ախր քեզ բան ասացի. էս անտէրի առաջ ոչ թէ

խղճմտանքն է պապանձում, այլ աշխարհի, նոյնիսկ հոսկալի ոյժերը: Եթէ կրժքումդ գլուխ կբարձրացնէ էդ ասածդ գազանը, դու էս անտէրը ձեռքդ վերցրու և մի քանի հատ իրար ետևից դատարկիր, այն ժամանակ ամեն ցաւ ու չօռից հեռու կ'լինիս և...

— Եւ կ'դաւաճանես թէ՛ խղճմտանքիդ, թէ ազգային սուրբ աւանդներին և թէ ընկերիդ նուիրական զգացմունքներին, չէ՛, և ամեն ինչ անսասան անզգայութեամբ ոտնատակ կ'տաս, հա՛:

— Սահրատ աղբեր, մեր ի՛նչ գործն է շատ հեռու գնալ. մենք մեր ցաւերն ունինք. ես խմում եմ, թոյլ նեւք:

— Իսկ ես չ'եմ թողնի, ես խմել եմ և պիտի դատարկեմ, ահա...

Վերջին բառերի հետ նա մի կատաղի արագութեամբ դուրս բերեց գօտկից պարանը և իր հզօր ձեռքերի նոյնքան շտապ շարժումներով տարածեց նրան տիրող խաւարի մէջ: Պարանը մի սուր շվեց արձակեց, և նրա օղակը ընկաւ Թաթուլի պարանոցը: Վերջինս ոչինչ չ'կարողացաւ նկատել և մինչդեռ պատրաստուում էր ոտքի թռչելու, պարանը զարհուրելի կատաղութեամբ ձգուեց, նա ծանր-ծանր խրխուոց արձակելով թնդացրեց տիշտը խորհրդաւոր լռութիւնը և անկենդան փռուեց գետնի վրայ: Օղիի չարաքաստիկ թասը մի սրտամաշ զրնգոցով վայր գլուխուեց գետնի վրայ, և ամեն ինչ վերջացաւ:

— «Անաստուած», — մռմռաց Սահրատը:

Ապա բռնեց պարանի ծայրից, քաշեց աղբօր դիակը դէպի նախօրօք պատրաստուած գերեզմանը, մի արտասովոր փութկոտութեամբ նետեց նրան այնտեղ և բահի արագ-արագ շարժումներով թաղեց ու վերադարձաւ խուրջինի մօտ, վերցրեց այնտեղից հաց ու պանիրը և իր հաստատակամ քայլերը ուղղեց դէպի սահմանի լեռները: Սակայն փսքը ինչ գնալուց յետոյ, դարձեալ

մոմաց. «Անատուածի հացը չի գնայ իմ կոկորդովս».
—այս ասելով, նա նետեց նրան. Ապա փոխեց իր քն-
թացքը դէպի գիւղը. Մի ժամից յետոյ նա իր խրճի-
թումն էր. Այստեղ նրա պառաւ մայրը և աղջիկը խոր
քնի մէջ էին. նա խորին զգուշութեամբ մի պարկի
մէջ տեղաւորեց փոքր ինչ հաց ու պանիր, վերցրեց իր
զէնքերը, մօտեցաւ մօրը, նոյնպիսի զգուշութեամբ
համբուրեց նրա ձեռքը, յետոյ դառնալով դէպի Սան-
դուխտը, երկաթ, շատ երկաթ ակնապիչ նայեց նրա
մատաղ դէմքին, յետոյ կռացաւ, գրկեց նրա փոք-
րիկ գլուխը և հայրական սրտառուչ համբոյրներով տո-
ւեց և նրան իր հրաժեշտի «մնաս բարեւը». «Այսպիսի
մայրեր, այսպիսի փոքրիկներ շատ կան այնտեղ՝ ար-
ցունքների աշխարհում, այն արիւնոտ հողի վրայ, եւ
կերթամ, նրանց արցունքները կանչում են ինձ, իմ մը-
նալն այլևս անկարելի է այստեղ»...

Եւ առանց ձայն ծպտուն հանելու դուրս ելաւ
տանից ու կորաւ խաւարի մէջ...

IV

Հետեւեալ առաւօտ Թաթուլի քոյրը՝ Վարդանուշը
նախաճաշ տարաւ եղբօրը. նա այնտեղ եղբօր փոխա-
րէն գտաւ խուրջինը և բահը. Երկար նա նստած մնաց
առուակի մօտին և եղբօր ճանապարհը սպասեց. Սա-
կայն նա չկար ու չկար. Այսպէս նա թերեւ մինչև ե-
րեկոյ սպասէր եղբօրը. դէհ, քրոջ ջիգեարը յայտնի է.
Իզուր չէ ասած. Քոյրն ասաց. Եղբայր ունիմ, եղբայրն
ասաց՝ քոյր չունիմ»:

Վերջապէս, հարևան արտից ճաշուայ հաց տանե-
լուց վերադարձաւ նրանց հարևանի կինը՝ Հոռոմը:

—Քան, աղջի Վարդանուշ, քեզ ինչ է պատահել
«ազրաստից» մինչև հիմի բանդ ես եղել. շատերը ճա-
շուայ հացից են վերադառնում, իսկ դու դեռ չես ու-
ղում տուն գնալ,—նկատեց նրան Հոռոմը:

— Խնամի, ախր էս բանի ժամ է եղբորս եմ սպասում, բայց նա չի երևում, արտումը չէ։ Իսկ բա՛ն ու խուրջինը ընկած են կօրու մէջ։

— Յիսուս ու Քրիստոս, աղջի, ինչեր ես խօսում, աւր պիտի գնացած լինի եղբայրդ. եթէ ջրի գնացած լինի, բա՛հը պիտի վերցրած լինէր։ Ձէ, էստեղ մի հանելուկ կայ. գնանք տուն, խաբար տանենք։

— Գնանք։

Այս ասելով, նրանք վերցրեցին Թաթուլի բա՛հը ու խուրջինը և շտապեցին դէպի գիւղը։ Մի ժամից յետոյ ամբողջ գիւղը մի տարօրինակ իրարանցման մէջ էր։ Թաթուլենց բարեկամները այստեղ ընկան, սյնտեղ զարկուեցին, իրանց դար ու դաշտը ոտքի տակ տուեցին, բայց Թաթուլի մասին մի բան իմանալ չկարողացան։ Երեկոյեան դէմ նրանք մտան և Դարբնենց տուն։ Այստեղ Վարդերը պատմեց, որ Սահրատն էլ չի երեւում։ Երկու «աւետարանի եղբայրներն» ասես խօսք— խօսքի տուած՝ «բէ գիւման» անյայտացել էին, կամ թէ չէ մի նոր խաղ են խաղում իրանց բարեկամների գլխին։

Մի չաբաթ էլ, մի ամիս էլ, երկու էլ, երեք էլ նրանք տակն ու վրայ արեցին իրանց ամբողջ չըջակալքը, տեղեկութիւն տուեցին կառավարութեանը, սակայն ոչ իրանք և ոչ վերջինս մի բան իմանալ անկարող եղան։ Երկու «եղբայրները» կորած էին։

Ոչ ոք ոչինչ չգիտէր դրանց խորհրդաւոր անյայտանալու մասին։ Միայն մի մարդ փոքր ի շատէ գլխին էր ընկնում, թէ ինչ է կատարուել։

Դա մեր ուսուցիչ Սահունին էր։

Շուտով ամեն բան էլ հետզհետէ սկսուեց մոռացուել։ Բարեկամները երկար, շատ երկար փնտրեցին վերջապէս, դադարեցին։ Նրանք իրանց յոյսերը կտրեցին։ Ամեն ինչ իր օովորական դերի մէջ մտաւ։

Այդ օրից սեւը եկաւ ու տարաւ խեղճ Վարդերին։ Օր

ու գիշեր մայրական աղի արցունքը լուռ ու մունջ թափուում էր նրա աչքերից:

Նա կորցրել էր Սահրատի նման ասլան բալայի: Նա անտէր-անտիրական մնացել էր լոկ ճակատագրի կամքին: Այդ դեռ ոչինչ: Նա ողջ մարմնով դողում էր, երբ մտածում էր, թէ վաղը, միւս օրը ինքն էլ գուցէ մեռնելու լինի, - դէհ, աղամորդու վերջը մի բուռ հող է, այն ժամանակ ինչ է լինելու թշուառ Սանդուխտի օրը: Ով պիտի հոգս տանէ նրա մասին, ով պիտի խնամէ այդ անմեղ արարածին: Սակայն ճակատագիրը նրանից առաջ էր իր հոգատարութիւնն ունեցել նրա վրայ: Սահունին միակ մարդն էր մեր գիւղում, որ խղճի անհուն կարեկցութեամբ աշխատում էր ամօքել իր մերձաւորի արտասուքները և կարելիին չափ մեղմել թշուառների օրը:

Եւ Վարդերից առաջ նա վճռել էր իր օգնութիւնը չխնայել նրան ու նրա թոռանը:

Ամեն առաւօտ նա իր առօրեայ աղքատիկ պաշարից ուղարկում էր Վարդերին և յաճախ ինքն էլ անձամբ այցելում էր նրան, մխիթարում ու սիրտ տալիս և այսպէս ամեն ժամանակ:

Որպէս զի անկեղծ կարեկցական զգացմունքը խոր արմատներ գցէ և ըստ այնմ աճէ ու զարգանայ իր մի հատիկ փոքրիկ որդու սրտում, Սահունին կենսական մշտօրեայ պիտոյքները Վարդերին իր որդու Վարազդատի ձեռքով էր ուղարկում:

Այսպէս անփոփոխ սահում էին տարիներ: Եւ մատաղահաս Սանդուխտը իւրաքանչիւր առաւօտ արշալոյսից առաջ միշտ իրանց բազի դրան հանդիպում էր պատանի Վարազդատին, որը մի համեստ կապոց ձեռքին, սիրալիր ողջունում էր նրան, ապա նոյնքան սիրալիր կերպով յանձնում էր նրան այդ կապոցը ու վերադառնում:

Նրանք այնքան ընտելացել էին օրուայ այդ ժամերին որ երբ իւրաքանչիւր անգամ Վարազդատը մուտք էր

գործում Դարբեննց բազը, Սանդուխտը ժպիտը երեսին հանդիպում էր նրան, Եւ այսպէս անվերջ:

Սակայն տարիների ընթացքում Վարազդատը այնքան անխղճի և սերտ կապերով կապուեց Դարբեննց տան հետ, որ օրական մի բանի անգամ մտնել նրանց տունը յաճախ և ժամերով մնալ այնտեղ մի ջերմ պահանջ էր դարձել նրա համար. Եւ նա անկարող էր դիմադրել իր ներքին այդ հզօր զգացմունքին, որը մի ահեղ հոսանքով մղում էր նրան Դարբեննց բազը: Այդ տեսնում էր պառաւ Վարդերը, մի ինչ որ արտասուտը փոփոխութիւն էր նկատում և Սանդուխտի առօրեայ նիստ ու կացի մէջ: Նա հասկանում էր պատճառը, սակայն մտքովն անգամ չէր անցնում, որ իւրաքանչիւր ժամ, իւրաքանչիւր րօպէն բազմապատկում է այդ ջահիլների խռովայոյզ և հոգետանջ դրութիւնը ու սուր կերպարանք է տալիս նրանց այրուող կրծքի վէրքերին:

Մեծերը շատ անգամ տեսնում են սոսկալի իրողութիւնը, բայց չեն հաւատում իրանց աչքերին, երբ գործի դրութիւնը բարձր է իրանց խելքից: «Միթէ Վարազդատը և Սանդուխտս սիրահարուած են» — մըմջում էր նա. — «սխալ ինչպէս կարելի է, չէ որ հայրը՝ մեր բարերարը, որդեգրել է իմ եղջերուիս, էլ ինչպէս որդին կարող կլինի այդպիսի բան անել»:

Թշուառ պառաւը չգիտէր, որ սիրոյ համար չկան պատնէշներ, չկան արգելանքներ, որ նա խորտակում է իր ճանապարհի վրայ եղած անթիւ ու անհամար դիզուած ճակատագրական ամբողջութիւնները և այնպէս առաջ ընթանում:

Շուտով Վարդերի տարակուսանքը գրեթէ բոլորովին փարատուեց. նա սրտի խորին բերկրանքով նկատեց, որ Սանդուխտը կարգում է Վարազդատը, որպէս զի վարագուրէ իր յաճախակի այցելութիւնները Դարբեննց տունը, վճռել էր գրել-կարդալ սովորցնել Սանդուխտին և ամեն ժամանակ ազատ ել ու մուտ ունենալ նրանց տանը:

Այս դէպքում Սահունին տուել էր օրդուն իր համա-
ձայնութիւնը:

Որդին ազատ էր:

Սէրը միշտ գիտէ մի ելք գտնել իր համար. նա
բազմահնար է:

Հայրը իւրաքանչիւր օր կրթում, գաստիարակում էր
օրդուն, իսկ որդին միևնոյնը սովորեցնում էր իր սիրած,
իր փայփայած արարածին:

Ով կարող էր դրանից առաւել երջանկութիւն տալ
նրան, նրա սիրտը ժպտում էր անսահման սիրոյ գող-
արիկ օրօրկերով, և նա այդ ջերմ սիրոյ ներքոյ
ասես երազների աշխարհում լինէր և անմահ
ոգիների հետ եթերային թռիչքներ էր գործում
և սաւառնում անհունութեան մէջ, և այդ երկ-
նային անմեղ ոգին ամեն ժամ, ամեն րոպէ խօ-
սում էր, քայլում նրա առաջ և իր նազելի, իր չնաշ-
խարհիկ ձայնի անուշիկ շեշտերով դուրս բերում նրան
ցնորքների այդ հմայիչ աշխարհից: Նրա չքնաղ դէմքը
օրէցօր զուարթանում էր և լուսատիպ կերպարանք
ստանում, նրա հոլանի բազուկները, նրա նազելի
հասակը, ծփան վարսերը երկնային դշխոյի տեսք էին
տալիս նրան, երբ Վարազդատը գտնւում էր խորունկ
հոգեզմայլ դրութեան մէջ, իսկ երբ անցնում էր այդ
րօպէն, նա իր առաջ տեսնում էր մարդկային հան-
ճարեղ հոգու կատարելագործուած մի տիպար. այստեղ
նա դիցունհու տպաւորութիւն էր թողնում նրա
վրայ:

Եւ Վարազդատը երջանիկ էր:

Իսկ Վարդերը զուարճանում էր իր աննման Սան-
դխտով: Տարակուսանքը փարատուած էր:

Ծով վշտի դառնութիւնը մեռցրել էր նրա կրծքում
երիտասարդական բոցավառ սիրոյ նուիրական յիշա-
տակները, և նա չգիտէր, թէ ինչ է կատարւում իր
չուրջը:

Ծերութիւնը սուսնութիւն է, նա ցուրտ է:

Այսպէս էր և Վարդերը:

Մինչ այն աստիճան Վարազդատը առաջ խաղաց
իր երջանկութեան նաւի վրայ, որ գիշերային այցելու-
թիւնների էլ ելք գտաւ: Եւ յաճախ թէ մեր երկրի
գեղածիծաղ արեւը և թէ վախլուկ լուսինը փոփոխակի
վկայ էին լինում այդ սիրահարների այցելութիւններին:

Օ՛, սրբան խորախորհուրդ գաղտնիների, որքան
արիւնոտ անցքերի են նրանք անզգայ զիտող հանդի-
սանում և դեռ պիտի հանդիսանան:

Եւ այս ոչ առաջինն էր և ոչ վերջինը:

ԼԵՒՈՆ ԽԱՆՁԱՏԷ

ՀԱՐԱԿԻ ԱՅՐԻՆ

Այնտեղ, ուր վանայ, Գեղամայ ծովեր
Հալիս են երկնի սեւ ամպերի հետ,
Այնտեղ, ուր Ծփրատ, Արաքս մայր գետեր
Երգում են տխուր, սրտառուչ ողբերգ,

Այնտեղ է ապրում վաղուց չարատանջ
Մի խեղճ, քայց հզօր, դժբախտ այրի կին.
Իր նախկին փառքը կորցրած, ըազմատանջ
Երկիրն է գրկել Հարաւի այրին...

Մեռած իր փեսան, նրա աչերից
Քամում է արեան, լացի առուններ.
Այն հարաւային թագը իր գլխից
Խլեցին, տաւան սէգ վայրենիներ...

Քայց նա պինդ գրկած երկրի, մոխիրներ
Այն մոխրի տակից հանում է կայծեր.
«Օ, կայծեր, ձեզնից սիրտս է վառում
«Ես պիտի ապրեմ... ծայնում է կարմրում...

Քայց ահա գլուխ ծոնց երբեմն էլ
Նա լաց է լինում, թէ ինչպէս ընկաւ.
Ինչպէս դրախտի ծովեր ու գետեր
Արնով ներկուեցին, — խոր վիշտը նկաւ...

Ցանջուած, հիասթափ միմունջն է հնչում.
Ինչպէս անցորդներ նուրբ անպատուեցին.
Ինչպէս զոհ եղած իր երկրի սիրուն.
Պատիւը ծախեց, կաւա իր երկրին. .

Շատ հին է այրին. քայց երբ կանգնում է
Աչերը վառուած երկնքի քոցով,
Կարծես դեռ կոյս է, որ պէտք է ապրէ
Մի գալոց կեանքի նորոգ արեւով...

ՍՈՍՎԱԼԻ ՊԱՏԻԺ

«Աֆրիկեաների ծեր զօրավարը գերի տարուեցաւ. Ազատ խնորդու բազկից շատ թշնամի էր ընկել: Ոչ ոք այդպիսի կշռող աչք չունէր. ոչ մի թուր այդպիսի հզօր բազուկ չէր տեսել և երբէք այդպիսի խիզախ հեծեալ տեսնուած չէր: Քաջարի զինուոր էր նա և շատ բան էր անցել նրա գլխով: Պատիւ քեզ, լեռների կտրիճ արծիւ: Այնտեղ հեռուում, ուր կապուտ կին են տալիս լեռները, դառնագին պիտի ողբան քեզ քո բռնաքոյշ դստերը: Վշտերի ամպը պիտի սքօղէ նրանց խոշոր սևորակ աչքերը: Մետաքսէ ծածկոցով նրանք պիտի սրբեն իրենց բիւրեղափայլ արցունքները: Ալլահի անունն աղաղակող նրանց բարձրաւոյ ողբերը պիտի հուր բորբոքեն նորատի քաջարանց մարտիկների սրտում. իսկ վրէժխնդրութեամբ լի կրակոտ հայեացքը պիտի մղէ նրանց դէպի արնալից ճակատամարտը: Ենթադր խիզախները առիւծների նման պիտի յարձակուին թշնամու շարքերի վրայ և այն ժամանակ վնայ ազատասէր ժողովրդի գերիչներին: Քո մահն, ով զօրավար, վրէժով պիտի չռեծուի և դրախտական պարտէզներում հանգչող քո վեհ հոգին գեղանի հուրիների հմայանքը պիտի վայելէ...»

Ներքևում, հովտի մէջ թշնամու բանակում տառապում է քաջարի զօրապետը: Հեռու հայրենիքից ու բարեկամներից, նա իւր առանձնութեան մէջն իսկ պահպանեց հոգու վեհութիւնը: Նոյն իսկ գիտակցութիւնը սոսկալի մահուան, որ չարախինդ բերկրութեամբ պատրաստում էին նրա համար զոռող թշնամիք, ամենևին չ'ի սարսեցնուժ նրա անվեհեր սիրտը: Նա պաղարիւնութեամբ և վեհութեամբ ընդառաջ պիտի ելնի նոր օրուայ առաջին շողերուն և՛ հաստատուն քայլերով կառավարեալը պիտի գնայ և՛ վերջին վայրկեաններում նա պիտի՝ մտածէ սիրուն հայրենիքի վրայ և՛ ջերմագին աղօթքով պիտի խնդրէ մեծ Ալլահին խորտակել անհատներին:

Հաջալի քուսնակ պիշեր: Գերեալ զօրապետի վրանի առաջ միապաղաղ քայլերով շրջում են պահակները: Լուսթիւն է չորս

կողմը: Յոգնավաստակ—բանակը ննջում է խոր քնով: Մերթ ընդ-
մերթ արթուն պահապանների ձայներն են հնչում միայն:
Մերթ արագաթև գեփիւռի շունչն է թեթևակի շնչում ծառերի
տերևների մէջ, մերթ հեռուից ինչոր անորոշ ձայներ են գալիս
և ամեն ինչ վերստին լռում է:

Գլուխը լայն հակայական կրծքի վրայ խոնարհած նստած է
վրանում մեծ աֆրիտը: Անցեալի պատկերները շարք շարք
կանգնում են նրա երևակայութեան առաջ: Պայծառ արև օր: Կայ-
տառ մանուկների խումբ: Մուգ դէմքերի վրայ վարդն է ծաղկել:
Շուրջը լեռներ ու լեռներ, իսկ այնտեղ՝ ներքևում, ասում են,
չար թշնամին է ապրում, որ ամբողջ Հնդկաստանը նուաճեց:
Մանուկներն ուրախանում, խնդում են, արձագանքը լեռների
վրայ է սփռում ապագայ զինուորների զիւ արծաթահնչիւն
ձայները: Ահա մի խոշոր տղայ մի սիրունիկ աղջկանից խլեց
նրա ժապաւէնը: Փրօւեցան աղջկայ շրթունքները, ուրախ դէմ-
քը վայրկենապէս մոայլունեցաւ և վիրաւորուածը բարձրաձայն
հեծկտաց: Յանկարծ բոյով թիկնաւէտ մի տղայ, որ ինքը
գօրավարն էր, վրայ է տալիս վիրաւորողին, մի հարուածով
վարձատրում նրան և ժապաւէնը խլելով՝ յանձնում է վշտա-
ցած աղջկան: Ապա տեսնում է նա թէ ինչպէս փոքրիկ աղջիկն
աճեց, ուռճացաւ և բարձրահասակ, գեղակազմ օրիորդ դարձաւ:
Այժմ նա նրա հարսնացուն է: Ամէնքը նրան են նախանձում,
ամէնքի աչքը գեղանի Ֆատմայի վրայ է յառած և մէկից շատ
աւելի յանդուգն քաջարի կտրիճներ նրա համար հերոսական
փառքի ետևից ընկնելով իրենց անհանգիստ գլուխները գետին
դրին: Բայց նա սիրում է միայն իւր ամենաման Ռուստէմին. նա
և քաջ է, և ուժեղ է ամենից և նա երբէք չի մոռանայ թէ ինչ-
պէս մանկութեան օրերում Ռուստէմը միշտ պաշտպանում և
նոյն իսկ խաղում էր նրա հետ: Եւ հնօրեայ ափրիտը, որ պատ-
կերներ է տեսնում:

Ահա նա՝ ընտանիքի բաղդաւոր հայրը: Նա հինգ դուստր
ունի. նրանք նրա պորժանքն են, ուրախութիւնն են և միակ
սփոփանքը և բոլորն էլ հատընտիր գեղեցիկ: Ապա տեսնում է
նա ինքն իրեն մշտական պատերազմներում այն անհաւատների
դէմ, ու Հնդկաստան եկան և այժմ անդուսպ հոսանքով զիծում
են գէպի նրա հայրենի լեռները:

Նա վեր բարձրացրեց գլուխն ու նայեց շուրջը: Ցնորքնե-
րը ցնդեցան: Շուրջը վրանի պատերը, իսկ վրանի այն կողմը
լոկ թշնամին: Իրականութեան անմխիթար գիտակցութիւնից

ցնցուեց զօրապետը և մի կաթիլ արցունք թափեց դէպի արծաթափայլ մօրուսը: Փորձուած ռազմիկի սիրտը կսկիծով սեղմուեցաւ կրծքի մէջ և անպատմելի ցաւ զգաց նա անդարձ անցեալի այն չքնաղ պատկերների առաջ: Սակայն անյողողող կամբը յաղթանակ տարաւ սրտի վայրենական թուլութեան դէմ: Ատելութեան անշէջ հուրը փայլատակեց նրա կրակոտ աչքերում: Նրա ամբողջ պատկերը վեհութիւն էր բուրում: Այո, նա կ'մեռնի որպէս իւր ժողովրդին արժանի զաւակ. նա ցոյց կ'ը տայ այս վատահոգի շիկահեր շներին, թէ արհամարհում է նրանց չարութիւնը: Թող համոզուին նրանք թէ հեշտ չէ ոյժով ընկճել աֆրիտին, որին կարելի չէ ոսկով գնել:

Ահա աղօթարանը բացուեցաւ. լուսանում է օրը: Յանկարծ անակնկալ կերպով բացուեցաւ դուռը և վրան մտան զինեալ սիպայներ: Հպարտութեամբ բարձրացրեց զօրապետն իւր ալեգարդ արծուահայիաց զլուխը և վեհարար ուղևորուեցաւ դէպի պատժավայրը:

Լայն հրապարակի վրայ, որին շուրջ բոլորել էին սիպայների երկար շարքերը, դրուած էր լցրած թնդանօթը:

Նրա ահագին լայն բացուած բերանը դիտմամբ ուղղուած էր դէպի այն լեռները, ուր ամբացել էին կամակոր աֆրիկները:

Կալանաւոր զօրագլխին անմիջապէս թիկունքից կապեցին հրազէնի բերանին: Քոմիտի կեցած կարմիր համազգեստով սպան ժամացոյցը ձեռքին բռնած, վայրկեաններն էր համարում:

Սոսկալի տաղտուկ անհունութիւն, ահեղ տանջանք, գերազանց քան հաւատաքննութեան բոլոր հնարները:

Եւ տիրող չարագուշակ խաղաղութեան գրկում յանկարծ որոտաց զօրավարի ահեղ ձայնը:

— Ալլահի անէծքը ձեզ վրայ, նենգաւոր, ստոր մարդիկ. և դուք ուզում էք ոսկով գնել ազատութիւնն այն ժողովրդի, որին վայրենի էք անուանում: Ո՛չ, մենք ձեզնից առաւել քաջարի ենք, անարգ չարչիւներ: Մենք ազնուաբար ենք կուռւմ և գերիներէից վրէժ լուծելու զազիր գործին չենք դիմում: Ամենահզօր Ալլահը ձեզ խտուրթեամբ կպատժի: Կգան օրեր երբ հեռու աշխարհից քաջարի զօրք կարշաւի և ձեզ խայտառակաբար ի փախուստ դարձնելով, կազատի և մեզ, և՛ դժբախտ Հնդկաստանը, որը վաղ ժամանակներից հեծում է ծանր լծի տակ:

Զայրոյթով եռաց բրիտանական գոռոզ սպայի խոցուած սիրտը: Հնչեց բեկբեկուող հրամանը և հլու ուժեղ սիպայը պատրոյկը դրեց:

Թնդաց խլացուցիչ հարուածը և ամբողջ հրապարակը ծխով ծածկուեցաւ: Մի քանի վայրկեանից յետոյ թարմ հողմի հոսանքը ցրուեց ծուխը և հարիւրաւոր հայեացք բեռեցան հրազէնի վրայ: Այլևս չկար ափրիզների փառաւոր զօրավարը, բայց նրա հզօր հոգին սաւառնեց այնտեղ, ուր չկան «ցաւք և հեծութիւնք»:

Թարգմ. ԲՆՆԻԿ Վ.

*
* *

Այս տարին էլ եկաւ, անցաւ,
Մեզնից հեռո՛ւ սլացաւ,
Լացով եկաւ, արի՛ւն բերեց,
Խորունկ վէրքեր մեզ թողեց:

Քանի՛ այսպէս սե՛ւ տարիներ
Մեր կեանքովը անցնում են.
Ո՛րքան արդեօք կարմիր օրեր
Մեզ դժողքի մատնում են:

Կարծես լացող, խղճուկ ազգին
Միշտ վիճակուած է տանջուել.
Կարծես նրա կնճռո՛տ ծակտին
Արեան կնիք դրոշմուել:

Դու էլ եկար, ա՛յ նոր տարի,
Լացո՛վ եկար, չա՛ր տարի
Աչքից ընկած, դարդոտ երկրում
Պանծալի հիւր չես լինի:

Ա՛խ նո՛ր տարի, գնա՛, անցի՛ր
Մեր հայ երկրից հեռացի՛ր.
Մեր դաշտորայք արի՛ւնոտ են,
Մեր սրտերը դարդոտ են:

Հայ երկնքի մութ կամարում
Էլ չերեւես, սե՛ւ տարի.
Մեր հայ եղբարց խոցոտ ծոցում
Դու տեղ չունես, սե՛ւ տարի:

Արագ թռի՛ր, դէ՛հ սլացի՛ր
Դժողք դարձած հայ երկրից.
Լայն թեւերիդ հառաչք բարձիր,
Քար աշխարհին ցաւ պատմիր:

Տ. ՇՈՌԼՈՒԵԱՆՑ

ՖՐԻԴՐԻԽ ԷՆԳԵԼՍ

Կարլ Կադուցկու

Տասը տարի սրանից առաջ՝ 1895 թ. օգոստոսի 5 ին (ն. տ.) գերմանական բանուորական կուսակցութիւնը և ընդհանրապէս ամբողջ աշխարհի բանուորական կուսակցութիւնները կրեցին մի ծանր կորուստ—վախճանուեց Ֆրիդրիխ Էնգէլսը, որը Կարլ-Մարկսի հետ միասին հանդիսանում է հիմնադիր արդի գիտական սոցիալիզմի:

Այս մարդի ամբողջ կեանքը նուիրուած է եղել բանուորական դասակարգի ազատութեան պայքարին: Նա և Կարլ-Մարկսը կանգնել են ներկայ բանուորական շարժման որորանի մօտ, նրանց ճակատագիրը անխզելիօրէն կապուած է եղել միջազգային սոցիալ-դէմօկրատիայի ճակատագրի հետ: Նրանց ջանքերի արդիւնքն եղել են այն գիտական հիմունքները, որոնց վրայ կառուցուած է արդի սոցիալիզմը իր բոլոր առանձնայատկութիւններով, որոնք տարբերոււ են նրան ուտոպիական²⁾ (ցնորական) սոցիալական զառանցանքներից:

Նրանք՝ երկուսը բանուորական դասակարգի այն ուսուցիչներն էին, որոնք յայտնագործեցին հասարակական կեանքի երևոյթների ներքին կապը: Նրանք էին անխոնջ մարտիկները աշխատաւոր ժողովրդի իրաւունքների համար:

Բնութիւնը օժտել էր Էնգէլսին ամենալաւ պարզեցնելով: Նա տուել էր նրան հազուագիւտ ընդունակութիւն գէպի թէօրէտիկ մտածողութիւնը, նրա ամենագէտ խելքին օտար էր ու է միակողմանիութիւն: Նա ուսումնասիրում էր նիւթական ուժերը, որոնց շարժում են մարդիկ, և միևնոյն ժամանակ պարագլու էր փիլիսոփայական բարձր հարցերով: Նա գրում էր քաղաքական բրօշուրներ և միևնոյն ժամանակ ուսումնասիրում

²⁾ Մի գիտութիւն, որ զբաղւում է վերացական մեծութիւններով:

էր մատեմատիկան, ֆիզիկան ³⁾, քիմիան ⁴⁾, պատերազմի պատմութիւնը: Նա հետապնդում էր կապիտալիստական արտադրութեան ձևի գաղտնիքները և նա էլ ուսումնասիրում էր գերմանական և ֆրանսիական բանականորի տակտիկան ⁵⁾ 1870 թուականի կռուի ժամանակ: Նա նկարագրում էր Ռուսաստանի քաղաքական և տնտեսական դրութիւնը այնպէս, որ կարծես ինքը մեծացել և սնուել էր այնտեղ, նա էլ ուսումնասիրում էր մարդկային սկզբնական պատմութիւնը: Գործնական քաղաքականութիւնը հետաքրքրում էր նրան ոչ պակաս, քան մտածողութեան բարձր խնդիրները (պրօբլէմները): Բոլորը, ինչ որ նա անում էր, խօսում, գրում, մտածում,—այս բոլորը նուիրում էր տանջուող և կռուող մարդկութեան: Նրա կեանքի պատմութիւնը ներկայացնում է իրանից վերջին յիսնամեակի բանուորական շարժման պատմութիւնը:

Ներքևում մենք տալիս ենք Ֆրիդրիխ Էնգելսի կենսագրութիւնը, գրուած կարլ Կաուցկու կողմից 1880 թուի աշնանը:

Ֆրիդրիխ Էնգելսը ծնունդ է 1820 թ. նոյեմբերի 28-ին Բարմենում: Նա գործարանատիրոջ որդի էր: Նրա հայրենիքը — Ռէյնեան նահանգը — թէ՛ գործնական և թէ՛ քաղաքական տեսակետից ներկայացնում էր Գերմանիայի ամենածաղկեալ մասը: Անգլիայի և Ֆրանսիայի մերձաւորութիւնը մի կողմից, ամխային և երկաթեայ հարստութիւնները միւս կողմից,—այս բոլորը ծնեցին Ռէյնեան նահանգում աւելի, քան որեւիցէ Գերմանիայում խոշոր արդիւնաբերութեան հզօր աճումը և յեղափոխական բուրժուազիայի ⁶⁾ դէպի ֆեոդալիզմը ⁷⁾ ունեցած թշնամօրէն տրամադրութիւնը:

Այս հանգամանքները ծնեցին, ի հարկէ, աճումն պրօլետարիատի, ⁸⁾ որը արդէն կրում էր իր մէջ առանձին դասա-

³⁾ Ֆիզիկան ուսումնասիրում է բնութեան երևոյթների ներքին կապակցութիւնը և նրա օրէնքները: ⁴⁾ Քիմիան զբաղւում է առարկաների բաղադրիչ մասերի զննումով: ⁵⁾ Մի սրի է գործի վարելու ձևը. ⁶⁾ շահագործող դասակարգը, որը ապրում է և ի՞նչ դրամագլուխը (կապիտալը) աճեցնում ուրիշի քրտինքով, կոչւում է բուրժուազիա: ⁷⁾ Ֆեոդալիզմը — միջնադարեան աւատական հողատիրութեան եղանակըն է, որը մինչև հիմայ էլ կարելի է նկատել օր. Պարսկաստանում: ⁸⁾ իրաւագուրկ, շահագործուող դասակարգ, որը, զրկուած է և սեպականութիւնից:

վարդապետին ինքնաճանաչման սաղմերը: Այս բոլորի վրայ պէտք է աւելացնել և այն, որ Ռէյնեան նահանգը ընդհանրապէս զերծ չէր յեղափոխական զգացմունքներից և սովորութիւններից:

Բայց չէ՞ որ նա 18-րդ դարի վերջերից և 19-րդի սկզբից՝ ամբողջ երկտասնեակ տարիների ընթացքում գտնուում էր Ֆրանսիական յեղափոխութեան ազդեցութեան տակ և մասամբ էլ Ֆրանսիացիների ձեռին: Այդ պատճառով մեծ յեղափոխութեամբ ծնուած աշխարհայեցողութիւնը և իրաւունքը իրանց կատարեալ ծաղկման մէջ էին էնգելսի պատանեկութեան օրերում:

Բայց այդ շրջանը նաև գերմանական փիլիսոփայութեան ծաղկման շրջանն էր: 18-րդ դարի ժողովրդական յեղափոխութիւնը, որ արտայայտուեց Անգլիայում արդիւնաբերական յեղափոխութեան ձևով, Ֆրանսիայում քաղաքական յեղափոխութեամբ, Գերմանիայում արտայայտուեց փիլիսոփայական իդէանների⁹⁾ շրջանում:

Իրա ամենարարձր կէտում նա հասաւ Հեգելի փիլիսոփայութեան մէջ: Շատ յաճախ դուք լսում էք այն կարծիքը, որ իբր Հեգելի փիլիսոփայութիւնը հանգէս եկաւ որպէս յետադէմ նմանողութիւն այն ամենի, ինչ որ հին էր և ինչ որ արդէն վերջացել էր: Բանը նրանումն է, որ Հեգելը ասում էր՝ «ինչ որ իրական է — խելացի է, ինչ որ խելացի է — իրական է»: Այն կարճատես պարոնները, որոնք տեսնում էին իրանց ժամանակի միայն հնացած և վերջացած քաղաքական և հասարակական ձևերը, կարծում էին, որ՝ ըստ Հեգելի՝ այդ ձևերն են միայն խելացի: Նրանք մոռանում էին, որ նորի սաղմերը գոյութիւն ունէին հին մնացորդների հետ հանդերձ:

Հեգելեան փիլիսոփայութիւնը իր էութեամբ ոչ միայն պահպանողական չէր, այլ և խիստ յեղափոխական էր: Բայց նա յեղափոխական էր ոչ թէ ոստիկանական, այլ փիլիսոփայական մտքով — նա խօսում էր գոյութեան մշտական փոփոխութիւնների և յեղաշրջումների մասին, նա խօսում էր մշտական նոր հակադրութիւնների ծագման և դրանց յաղթանակի մասին հին հակադրութիւնների դէմ: Եւ այդ ուղղութեամբ հեգելեան փիլիսոփայութիւնը ներգործում էր ժամանակակիցների վրայ:

Հենրիխ Հէյնէի, Ֆէյէրբախի, Մարկսի և միւսների հետ միասին Ֆրիդրիխ էնգելսը գտնւում էր Հեգելի փիլիսոփայու-

⁹⁾ Իդէա — գաղափար:

Թեան ուժեղ ազդեցութեան տակ: Բայց այն գործնական և թէօրէտիկ տնտեսագիտական շկօլան, որ անցաւ Էնգէլսը, խնամակալից և այն միտքը, թէ հեգելեան փիլիսոփայութիւնը չմնաց ընդիմախօսութեան (դիալեկտիկա) խաղալիք, այլ գիտական հետազոտութեան միջոց, նա հոգ տարաւ, որ դա (հեգ. փիլ.) դառնայ մի մեղօթ՝ իրապէս փոյութիւն ունեցող պայմաններից շինելու նոր գաղափարներ, և ոչ մի այնպիսի մեթօդ, որով գաղափարներից շինուէին իրական պայմաններ: Սկզբում Էնգէլսը ցանկանում էր պարապել համալսարանում տնտեսական գիտութիւններով, ուստի և Բարմէնի ընթացական դպրոցը աւարտելուց յետոյ ընդունուեց Էլբերֆէլդի գիմնազիան: Բայց ընտանեկան հանգամանքները և վաղ զարթնած քաղաքական գաղափարները, որոնք ատիլի դարձրին նրան չինովնիկական ասպարէզը, ստիպեցին նրան աւարտելուց մի տարի առաջ թողնել գիմնազիան և պարապել առևտրով: Աշխատելով մի առևտրական տան մէջ Բրեմէնում (1838-թուից), նա միևնոյն ժամանակ պարապում էր փիլիսոփայութեան ուսումնասիրութեամբ, նա իր փիլիսոփայական աշխատութիւնները չը թողեց նոյնպէս և յետագայում, երբ ծառայում էր Բերլինում որպէս կամաւոր զինուոր և երբ յետոյ աշխատում էր Մանչեստրը (1842-1844 թ.) գործարանում, որի մէջ իր հայրը ընկեր էր:

Անգլիայում՝ կապիտալիզմի հայրենիքում՝ նրան ներկայացաւ կապիտալիստական ձևի արդիւնաբերութեան մեքենայութիւնը: Այստեղ աւելի քան ուրեիցէ նա պարզ կարող էր ըմբռնել պրօլէտարիատի դրութիւնը, նրա տանջանքները և նրա պատմական ապագան:

Նա խիստ հետաքրքրուեց բանուորական հարցով, և յուսով սկսեց սրտանց ուսումնասիրել թէ՛ այն ժամանակ տիրապետող ուտօպիական (ցնորական) սօցիալիզմը և թէ՛ բանուորական շարժումը, որը հեռու էր սօցիալական (ընդհանրական) լինելուց: Բայց նա չը մնաց լոկ հանդիսատես հասարակական կեանքի այդ հոսանքներին: Նա սկսեց աշխատակցել (չարտիստների¹⁰) կուսակցական օրգանին «Nortern Star» («Հիւսիսային Աստղ») և

¹⁰) Չարտիզմը անգլիական բանուորական շարժումն էր, որի նպատակն էր մասնակից անել չորրորդ դասակարգին քաղաքական իրաւունքներին և բարուղքել իրանց տնտեսական-սօցիալական դրութիւնը. այդ անունը «չարտիզմ» գոյացել է իրանց ծրագրից «Chorta», որ անգլիերէն արտասանւում է «չարտէ»:

Պօքերտ Օուէնի «New Moral World» («Նոր բարոյական աշխարհ») լրագրին:

Վերադառնալով Գերմանիա, նա այցելեց Մարկսին Փարիզում, որի հետ նախօրօք գրագրութիւն ունէր: Այդ ժամանակից և սկսուեց նրա բարեկամութիւնը, որ այնքան մեծ դեր կատարեց նրանց երկուսի կեանքի մէջ: Նրանց աշխարհահայեցողութիւնները այնքան միանման էին, որ նրանք վճռեցին միասին մի գիրք գրել, որի մէջ պէտք է պարզօրէն հասկացուէր իրանց ազանդը նորածին հեգելեան շկօլայից:

Հեգելականութիւնը, ինչպէս և ամբողջ գերմանական փիլիսոփայութիւնը, իր սկզբնաւորութիւնը վերցնում էր այն նախաբանից, թէ գաղափարները (իդէաները) առաջանում են ոչ թէ իրականութեան երևոյթների սնդրադարձմամբ, այլ վարում են միանգամայն ազատ գոյութիւն, որ գաղափարների զարգացումը հիմք է ծառայում իրերի, երևոյթների աճման: Դրա դէմ կանգնեցին Մարկսը և Էնգէլսը: Նրանք չը մերժեցին Հեգելի ընդիմախօսական մեթօդը, այլ տապալեցին նրա փիլիսոփայութեան զօգմատիքական (դաւանաբանական) շինուածքը: Վերոյիշեալ բնորոշ իդէօլօգիայի ¹¹⁾ փոխարէն նրանք ընդունեցին մատերիալիզմը ¹²⁾: Նրանք վճռեցին ընդունել իրական աշխարհը իր այնպիսի դրութեամբ, որպէս նա կը ներկայանալ ամեն մէկին, որը կը մօտենար նրան առանց վերցրած իդէալական կարծիքների: Նրանք վճռեցին դէն շարտել իդէալիստիքական նախապաշարմունքները, որոնք առնչութիւն չունեն իրական երևոյթների հետ: Դրանումն է կայանում մատերիալիզմի էութիւնը:

Առաջին անգամ նոր ընդիմախօսական մատերիալիզմը հանդէս եկաւ «Սուրբ ընտանիք, կամ քննադատութիւն քննադատական քննադատութեան» գրքում: Այդ գիրքը գրել է 1844 թուին գլխաւորապէս Մարկսը և լոյս տեսաւ 1845 թուին Ֆրանկֆուրտում: Ըստ իր բովանդակութեան այդ գիրքը պէտք է համարել պատմա-փիլիսոփայական: Տնտեսական հարցերը այդտեղ շօշափուում են շատ սակաւ չափով:

Բայց յետոյ Մարկսը սկսեց աւելի և աւելի խորասուզուել տնտեսական կեանքի առաջադրած հարցերի ուսումնասիրութեամբ, իսկ Էնգէլսը 1845 թուին շարադրեց իր տնտեսագի-

¹¹⁾ Մտածողութիւն: ¹²⁾ Մատերիալիզմ — նիւթապաշտութիւն:

տական հետազոտութիւնների հետեանքները իր յայտնի գրքում «Բանուոր դասակարգի դրութիւնը Անգլիայում»

Դիւ առաջ էնգելսը գրում էր յօդուածներ տնտեսական հարցերի վերաբերմամբ, բայց առաջ նրա ծանօթութիւնը բազաւական տնտեսութեան¹³⁾ հետ բաւական մակերեւոյթային էր, և ուստի այդ յօդուածներում կարելի է գտնել մի քանի սխալներ: Բոլորովին այլ կերպարանք ունի նրա «բանուոր դասակարգի դրութիւնը Անգլիայում» գիրքը: Մինչ այդ ժամանակ էնգելսը ձեռք բերեց արդէն քննադատական վերաբերմունք ինչպէս դէպի չարտիզմը, նոյնպէս և դէպի օուէնիզմը—հիմայնա պահանջում է միաւորումն այդ երկու հոսանքների ի մի ուժեղ և ընդհանուր շարժումն:

Անգլիական ուսուպիական (ցնորական) սօցիալիզմը, օուէնիզմը¹⁴⁾ լսել անգամ չէր ուզում բանուորական շարժման, ընդհարումների, համբարական ընկերակցութիւնների, բաղաբական գործունէութեան մասին: Իսկ այն ժամանակի բանուորական շարժումը Անգլիայում, չարտիզմը դուրս չէր գալիս գոյութիւն ունեցող տնտեսական սխալէմի սահմաններից—չարտիստների մեծամասնութեան համար ընկերակցութիւնների լիակատար ազատութիւնը, ընտրողական իրաւունքը, նօրմալ բանուորական օրը հանդիսանում էին լոկ իրանց դրութեան կազմի բարուրման միջոցներ, մի այլ կազմի մասին նրանք չէին էլ երազում:

Սրա դէմ էնգելսը յայտարարում էր, որ նախ և առաջ՝ սօցիալիզմը պէտք է ձուլուէր չարտիզմի հետ, և որ միայն այն ժամանակ պրօլէտարիատը կը դառնայ տիրապետող դասակարգ Անգլիայում: Բայց սօցիալիզմի և բանուորական շարժման ձուլումը ամենաէական, հիմնական գիծն է ժամանակակից գիտական սօցիալիզմի մէջ: Եւ որովհետեւ «բանուոր դասակարգի դրութիւնը Անգլիայում» գրքի մէջ այդ ձուլման անհրաժեշտութիւնը առաջի անգամն է յայտնուած, ուստի և այդ գրքի երևան գալու մօմէնտից և սկսւում է գիտական սօցիալիզմի դարազուխը:

Այդ գրքի հիմունքների մէջ կան «Միջազգային Հրովար-

¹³⁾ Քաղաքական տնտեսութիւնը վերին աստիճանի հետաքրքիր գիտութիւն է. այդտեղ, ի միջի այլոց ծանօթանում ենք այն շարժառիթների հետ, որոնցից արտահանութիւնը թանկանում կամ էժանանում է: ¹⁴⁾ Անգլիական բարենորոգիչ Օուէնի ծրագիրն է, որի նպատակն է օգնել բանուորներին ընկերակցական միջոցներով:

տակ»-ի իդէալներին, որը լոյս տեսաւ երկու տարուց յետոյ: Բայց այդ վերջինում դասակարգային հակադրութիւնների և դասակարգային պայքարի դերը աւելի պարզութեամբ և վառ գոյներով է ներկայացուած:

Սակայն, Էնգէլսի գրքի արժանաւորութիւնը չէ սահմանափակուում նրանով, որ նա առաջի անգամն է կանգնում արդի հայեցակէտին՝ այն ժամանակուայ բանուորական շարժման և ուսուցիչների վերաբերմամբ: Բացի դրանից, ուշագրաւ է նրա Անգլիայի բանուոր դասակարգի դրութեան պատկերացման մեթոդը: Էնգէլսը իր գրքում հեռու է այն գրողների ֆիլանտրոպիկ¹⁵⁾ ձևից, որոնք զբաղուած են բացառապէս նիւթեր հաւաքելով՝ նկարագրելու բանուորների ծանր դրութիւնը: Նա աշխատում է իր գրքում բացատրել արդիւնաբերութեան կապիտալիստական ձևի պատմական ձգտումները այն չափով, ինչ չափով այդ ձևը որոշում է բանուոր դասակարգի այս կամ այն դրութիւնը: Էնգէլսը կարիքի մէջ տեսնում էր ոչ միայն հասարակ կարիք, այլ և նոր, բարձր սօցիալական ձևի սաղմերը: Մինչ Էնգէլսը՝ գրողները բացասում կամ ողբում էին բանուորների տանջանքները, բայց ոչ ոք նրանից առաջ չը հետազոտեց այդ տանջանքները՝ ինչպէս օղակ պատմական զարգացման:

Էնգէլսը մշակեց իր գիրքը «Բանուոր դասակարգի դրութիւնը Անգլիայում» Բարմէնում իր Մանչէստրից վերադառնալուց յետոյ: Բայց այստեղ նա համոզուեց, որ մնալ տանը՝ թունդ կրօնամոլ և ծայրայիտ արմատական ընտանիքում իրան անկարելի է: Ուստի և նա վճռեց թողնել առ այժմ առևտրական գործունէութիւնը, և ուղևորուեց Բրիւսսէլ, ուր պէտք է տեղափոխուէր նաև Մարկսը՝ արտաքսուած պրուսական կառավարութեան խնդիրքով Ֆրանսիայից: Այդ մօմէնտից և սկսում է ուժեղ, միաբան գործակցութիւնը այդ երկու մեծ խելքերի: Իրանց գործունէութեան թէօրէտիկ հիմունքները կանխաւ կային, և նրանց պէտք էր մի կողմից շուտափոյթ հաստատել այդ հիմունքների վրայ մինոր գիտական սխտէմ, իսկ միւս կողմից — հիմնել դրանց վրայ այն ժամանակուայ պրօլէտար շարժումը:

Նրանք սկզբից վճռեցին վերջնականապէս հաշիւ տեսնել այն ժամանակուայ տիրապետող փիլիսոփայական հոսանքների հետ, այսինքն՝ երիտասարդ հեգելեան շխալի ներկայացուցիչների հետ: «Բայց - գրում է Էնգէլսը մի տեղ — մենք բոլորովին մտադիր չէինք մեր այն տեղից հանած գիտական հետեանքնե-

¹⁵⁾ Մարդասիրական:

ըը շարագրել հաստ գրքերի մէջ, որոնք մատչելի են միայն գիտնականների աշխարհին: Ընդհակառակը, մենք երկուսս էլ խորն էինք գնացել քաղաքական շարժման մէջ, և մեզ կային ինտելիգէնտ-կողմնակիցներ, մենք կապեր ունէինք արդէն կազմակերպուած պրօլետարիատի հետ: Մենք պարտ էինք ձեռակերպել գիտնականօրէն մեր հայեացքները. բայց ոչ աւելի պակաս նշանակալից էր մեզ համար յաղթել յօգուտ մեր համոզմունքների գերմանական և ընդհանրապէս եւրոպական պրօլետարիատը: Ուստի հենց որ մեր աշխարհայեացքը մեզ համար միանգամայն պարզուեց, մենք անմիջապէս սկսեցինք միասին գործել: Բրիսսէլում մենք հիմնեցինք գերմանական բանուորական միութիւն և ձեռք բերինք «Գերմանական Բրիսսսելեան լրագիրը»: Միևնոյն ժամանակ մենք սարքեցինք մի ինչ-որ բան, նման միութեան բրիսսսելեան դեմօկրատների (Մարկսը «Դեմօկրատիական ընկերութեան» փոխ-նախագահն էր) և Ֆրանսիացի սօցիալ-դեմօկրատների հետ: Մէկ խօսքով՝ մեր կապերը արմատական քաղաքական կազմակերպութիւնների և լրագրների հետ աւելի քան լաւ էին:

Բայց առանձնապէս նշանաւոր էին Մարկսի յարաբերութիւնները միջազգային «Արդարամիտների ընկերութեան» հետ, որ յետոյ վերածուեց համայնականների (կոմմունիստ ¹⁶): Այդ ընկերութիւնը՝ շնորհիւ այն ժամանակուայ քաղաքական պայմանների՝ պահում էր իր գոյութիւնը բոլորովին գաղտնի և հիմնուած էր Փարիզում գերմանական յեղափոխականների ձեռքով: Նա շուտով մեծացաւ, իսկ բաժանմունքները հիմնուեցին Անգլիայում և Շվէյցարիայում. 1839 թուից յետոյ ընկերութեան կենդրոնատեղին դարձաւ Լօնդօնը, և շուտով կազմուեցին նրա բաժանմունքները Բելգիայում և Գերմանիայում: Այդպիսով, գերմանական նօդեհների ընկերութիւնը Փարիզում վերածուեց միջազգային համայնական ընկերութեան:

Բայց այդ ընկերութիւնը մեծացաւ ոչ միայն քանակով, այլ և որոշ չափով փոխուեց որակով. իր հին ուսուցիական համայնականացման լաւագոյն ներկայացուցիչներին նա աւելի և աւելի քիչ էր բաւականութիւն տալիս: Նմանապէս Վէյտլինգի աղանդային համայնականացումը սկսեց աւելի և աւելի կորցնել իր համախոհներին: Իսկ միևնոյն ժամանակ

¹⁶) Կոմմունիստների վարդապետութեան էութիւնը կայանում է մասնաւոր սեպհականացման և դրանց համայնականացման մէջ:

Մարկսի և Էնգելսի հայեցակէտը այդ ընկերութեան մէջ աւելի և աւելի էր տարածուում:

Եւ ահա 1847 թուին Մարկսին և Էնգելսին այցելեց ժամագործ Մոյլլը՝ ընկերութեան ամենայալտնի անդամներից մէկը: Մոյլլը իր ընկերների անունից առաջարկեց նրանց մտնել ընկերութեան կազմի մէջ, հաւատացնելով նրանց, որ ընկերութեան անդամները պատրաստ են հրաժարուել ընկերութեան դաւադրական բնոյթից և ընդունել նոր սկզբունքային հայեցակէտներ: Մարկսը և Էնգելսը ընդունեցին Մոյլլի այդ առաջարկը: 1847 թուի ամառը կայացաւ ընկերութեան առաջին կօնգրէսը Լօնդօնում: Այդտեղ ընկերութիւնը ստացաւ նոր անուն՝ «Համայնականների ընկերութիւն» և բոլորովին նոր կազմակերպութիւն: Դաւադրական ընկերութիւնը դարձաւ քարոզչութեան (պրօպագանդայի) ընկերութիւն: Երկրորդ կօնգրէսը կայացաւ նոյն տարուայ նոյեմբերի վերջերին և դեկտեմբերի սկզբին: Առաջին կօնգրէսին ներկայ էր Էնգելսը, իսկ սրան՝ նաև Մարկսը: Նրանց յանձնարարուեց կազմել ընկերութեան «Հրովարտակը»:

Այդ վայրկեանից սկսուում է Մարկսի և Էնգելսի նոր դարազուրկ: Նրանք շտապեցին անմիջապէս Փարիզ, այնտեղից Գերմանիա և Կեօլնում սկսեց խմբագրել «Նոր Ռէյ-նհան լրագիրը»: Էնգելսի կեանքի այդ շրջանի պատմութիւնը ներկայանում է ինքնըստինքեան այդ լրագրի պատմութիւնը: Իսկ պատմել այդ լրագրի անցեալը մենք այստեղ չենք կարող, որովհետեւ դա նշանակում է պատմել 1848 թուի պատմութիւնը¹⁷⁾: Մի բան պէտք է ասել, որ Էնգելսը և Մարկսը երբէք իրանց կեանքում չէին յայտնագործել իրանց ինքնուրոյնութիւնն այն չափերով, ինչպէս ներկայ մօմէնտում: Թէօրէտիկ և գործնական աշխատութիւնը, գիտնականի և քաղաքագէտի, մարտիկի և քննադատի գործունեութիւնները խառնուել էին՝ ի մի: Ոչ ոք չէր ընդունում այն ժամանակուայ յեղափոխական կռուի մէջ աւելի վճռական մասնակցութիւն, քան նրանք, ոչ ոք այնքան ազատ չէր ցնորքներից, որքան նրանք:

Իսկ միևնոյն ժամանակ ոչ մի շարժումն այնքան լի չէ եղիլ ցնորքներով, որքան 1848 թուականինը: Յեղափոխութեամբ տրամադրուած մանր բուրժուազիան բանուորների հետ

¹⁷⁾ 1848 թիւը եւրոպայում ընդհանուր յեղափոխութեան տարի է:

կարծում էին, որ յետադիմական (րէակցիօներ) կառավարութիւնների տապալմամբ սկսուեց զրախտը աշխարհում: Նրանք գաղափար անգամ չունէին, որ նոր պէտք է սկսուի իսկական կռիւը և որ կռուով խլուած քաղաքական ազատութիւնը ներկայանում է որպէս հիմունք, որի վրայ պէտք է տաքանայ դասակարգային կռիւը բուրժուպիայի և պրօլետարիատի մէջ: Նրանք չէին երևակայում, որ ազատութիւնը բերեց ոչ թէ սօցիալական աշխարհ, այլ սօցիալական կռիւ: Դուք յաճախ կը լսէք, որ 1884 թուի յեղափոխութիւնը անյաջող անցաւ: Իրապէս անյաջող անցան այն ցնորքները, որոնք քօղարկում էին գոյութիւն ունեցող հակադրութիւնը, որ կար ապստամբուած դասակարգերի մէջ և որոնք ստիպում էին կարծելու, որ բանուորները, գործարանատէրերը և արհեստաւորները եղբայրներ են հանդէս գալիս՝ ընդհանուր շահերով և ընդհանուր նպատակներով: Այն ինչ, ընդհանուրը այդ երկու դասակարգերի մէջ միայն այն էր, որ գոյութիւն ունէր ապստամբութիւն գոյութիւն ունեցող միահեծան սխտէժի դէմ: Յեղափոխութիւնը յայտնագործեց բուրժուազիայի և պրօլետարիատի հակադրութիւնները և միևնոյն ժամանակ ապացուցեց մանր բուրժուազիայի քաղաքական անընդունակութիւնը:

1848 թուի շարժման հոգին էր մանր բուրժուազիան, որը միևնոյն տարին ստիպուած հղաւ յայտարարել իրան քաղաքական անանկ: Ամենուրեք պրօլետարիատը կռոււմ էր մանր բուրժուազիայի հետ հանգերձ և ամենուրեք նա նուիրուած է հղիլ նրան (մ. բ.—ին): Բայց բանուորական դասակարգը այն ժամանակ շատ փոքր էր, որ իր ըիսկին տանէր քաղաքականը: Դրա փոխարէն նա սովորեց զանազանել իր բարեկամը թշնամուց, նա առաջին անգամ ծանօթացաւ այն հակադրութիւնների հետ, որոնք բաժանում են նրան բուրժուազիայից, նա առաջին անգամ զգաց մանր բուրժուազիայի անյուսալիութիւնը: Ներկայումս այն ամենը, ինչ որ մենք ասացինք վերելում, քիչ թէ շատ պարզ է: 1848 թուին «նոր Ռէյնեան լրագիրը» միակն էր, որը հասկանում էր այս, և որը ոչ թէ չէր կերակրում իր ընթերցողներին ցնորքներով, այլ, ընդհակառակը, մղում էր նրանց հետ ամենակատաղի կռիւ: Միևնոյն ժամանակ լրագիրը պահանջում էր յեղափոխականներից ժրջան գործունէութիւն քանի դեռ հակառակորդը չէր ուղղուել:

Բայց հանգամանքները «նոր Ռէյնեան լրագրից» ուժեղ էին— րէակցիան ¹⁸⁾ յաղթեց: Ռէյնեան նահանգի մի մասը

¹⁸⁾ Յետադիմութիւնը:

ապստամբուեց 1849 թ. մայիսի վերջերին, որպէս զի ընդդէմ-
մադրէ ըէակցիային. լսելով դրա մասին Էնգէլսը անմիջապէս
ուղևորուեց Կեօլնից Էլբերֆելդ, բայց նա տեսաւ միայն, թէ
ինչպէս ապստամբութիւնը ճնշուած էր: Ամենուրեք բուրժուա-
զիւան դաւաճանել էր բանուորներին:

«Յեղափոխութեան այս պարտութիւնը վճռեց նաև «նոր
Ռէյնեան լրագրի» ճակատագիրը: 1849 թ. մայիսի 19-ին նա
փակուեց: Մարկսը հեռացրուած էր, Էնգէլսը, որին ոստիկա-
նութիւնը որոնում էր ապստամբութեան մէջ մասնակցութիւն
ունենալու համար, կարողացաւ փախչել Կեօլնից: Մարկսը գնաց
Փարիզ, Էնգէլսը ուղևորուեց Պֆայլց նահանգը, որը Բա-
դէնեան դքսութեան հետ ապստամբուել էր ըէակցիայի դէմ:
Այդտեղ նա անցաւ ինքնակամ զօրաբաժնի շարքը, որպէս ա-
դիւտանտ այդ բաժնի հրամանատարի մօտ: Նա մասնակցութիւն
ունէր երեք կռիւներում, նոյնպէս նաև վերջնական ճակատա-
գրական կռոււմ Մարգ գետի վրայ, որը գետի Ռէյնի աջ վտակն է:
13000 յեղափոխականներ կանգնած էին 60000 պրուսական և ար-
քունական զինուորների դէմ և, չնայելով ուժերի այդ գերակշռման,
յեղափոխականները յաղթուեցին միայն նրանով, որ Վիւրտեմ-
բերգի չեզոքութիւնը խախտուեց, որի շնորհիւ յեղափոխական
Ֆլանգները ¹⁹⁾ պաշարուեցին: Ապստամբութեան ճակատագիրը
արդէն որոշուած էր:

Էնգէլսը ամենավերջին յեղափոխականներից էր, որոնք
անցան շվէյցարական սահմանագլուխը նրանից յետոյ, երբ
արդէն ամեն ինչ կորցրուած էր: Մի քանի ամիս նա ապրեց
Շվէյցարիայում: Այդ ժամանակ Մարկսը տեղափոխուեց Լօն-
դօն: Երբ նա Գերմանիայից հեռացուեց՝ նա ճանապարհուեց
Փարիզ դեմօկրատական կենդրոնական կոմիտէների ներկայա-
ցուցչի պաշտօնով: Փարիզում զէմօկրատները նախապատրաս-
տել էին ապստամբութիւնը, որից անմիջապէս կախուած էր
ոչ միայն ֆրանսիական դէմօկրատիայի ճակատագիրը, այլ և
գերմանականի: 1849 թ. յունիս 13-ի ապստամբութիւնը ան-
յաջող անցաւ, և Մարկսը հարկադրուեց հեռանալ Փարիզից:
Նա պէտք է տեղափոխուէր Բրետանի, կամ բոլորովին թողնէր
Ֆրանսիան. նա վերջինը գերադասեց:

Որովհետև Շվէյցարիայում Էնգէլսը հնարաւորութիւն չու-
նէր զբաղուելու մի այնպիսի գործով, որ բաւարարութիւն տա-
րիւն, ուստի և նա ուղևորուեց Լօնդօն:

¹⁹⁾ Զօրաբանակի կողքի մասերը:

Լօնդօնում յայտնուեցին «Համայնական ընկերութեան» ամենագլխաւոր անդամները, նոյնպէս գերմանական 1848 թուի «մեծ մարդկանց» մեծամասնութիւնը: Այստեղ ձեռնարկուեց կազմակերպութեան վերանորոգմանը, որպէս զի կարելի լինի սկսել պրօպագանդայի գործունէութիւն: Յեղափոխական գըրգիւրը դեռ չէր հանդարտուել, իսկ շատերին թւում էր, որ պէտք է կազմէ պատրաստ լինելնոր յեղափոխական ապստամբութեան. վերջինիս պատրաստութիւնների վրայ Մարկսը և Էնգէլսը նայում են բոլորովին այլ կերպ, քան նօղեհներին մեծամասնութիւնը: Մինչդեռ մնացած նօղեհները աւելի և աւելի անձնատուր էին լինում զառանցական նախագծերին, Մարկսը և Էնգէլսը հանգիստ զբաղուած էին համայնականների ընկերութեան կազմակերպութեան ամրապնդմամբ: Միևնոյն ժամանակ նրանք աշխատում էին զարգացնել իրանց հոգեպէս: Իրանց քննադատական և գիտական գործունէութեան հետեւանքները նըրանք տպագրում էին մի ամսագրի մէջ, որ հրատարակում էին նըրանք 1850 թուին և որը կոչւում էր նոյնպէս «նոր Ռէյնեան լրագիր»: Այդ ամսագիրը լոյս էր տեսնում Համբուրգում ²⁰): Մարկսը այդ հանդիսում հրատարակեց 1848—1849 թուի ֆրանսիական շարժման պատմութիւնը որ ծառայեց յետագայում նորա աւելի նորագոյն աշխատութեան «Բրիւմէրի 18-րդի» հիմքը: Էնգէլսը մի շարք յօդուածներում նկարագրեց այն ժամանակուայ գերմանական շարժումը, բայց աւելի նշանակալից էր նրա նոյնպէս մի շարք յօդուածները գիւղացիական կոուր մասին Գերմանիայում, որոնք յետոյ 70-ական թուականներին հրատարակուեցին առանձին գրքոյկով: Այդ աշխատութիւնը հանդիսանում է նախակապիտալիստական էպօխայի (ժամանակաշրջանի) երևոյթներից մէկի առաջին պատմական նկարագրութիւնը, որը հիմնուած է եղել պատմութեան նշանակութեան նիւթապաշտական հասկացողութեան վրայ: Միևնոյն ժամանակ Գերմանիայի ընդհանուր աճումը գալիս էր ենթադրելու, որ նոր յեղափոխութեան յուսալ չի կարելի: Ինչքան էլ որ այս իրողութիւնը անախորժ լինէր Մարկսի և Էնգէլսի համար, այնուամենայնիւ նրանք գիտակցօրէն հաշտուեցին սրա հետ. հասարակական կեանքի մայիսից մինչև հոկտեմբեր իրանց տեսութեան մէջ, որ գրուած է 1850 թ. նոյեմբերի 1-ին, նրանք ուղղակի յայտարարում են, որ առևտրի և արդիւնաբերութեան

²⁰ Համբուրգը 3 տարւած քաղաքներից մէկն է, պատկանում է Գերմանիային:

արդի կենդանութեան ժամանակ, որում բուրժուական ընկերութեան արտադրող ուժերը աճում են այնքան, ինչքան դա, ընդհանրապէս, հնարաւոր է բուրժուական մթնոլորտում, չի կարելի իսկ մտածել յեղափոխութեան մասին: Յեղափոխութիւնը հնարաւոր է միայն այն ժամանակամիջոցներում, երբ այդ երկու ֆակտորների ¹¹⁾ մէջ, այսինքն ժամանակակից արտադրող ուժերի և արտադրութեան ձևերի մէջ կ'արտայայտուի հակադրութիւն:

Բ. ԹՈՐՈՅԵԱՆ

¹¹⁾ Գործօն:

(Ներշնչ հետեւեալ համարում).

ԹԱԳՍԻՈՐԻ ԴԱՍԸ

Ժամանակով մի թագաւոր էր ապրում, որի բարեպաշտութեան համբաւը ողջ աշխարհում տարածուած էր: Սա մի անգամ պատահամբ լսեց, որ իւր երկրի մեծամեծները ժողովրդին շատ նեղում են, հարկատու շինականները ուժից վեր չարչարւում են ու խիստ սակաւ վարձատրւում: Իսկոյն խորհրդականներին կանչեց ժողովի, ապա պալատ հրաւիրեց իւր ընտիր քաղաքների պետերին, երկրի մեծամեծներին, կառավարիչներին, կալուածատէրերին ու հարցրեց. «արդեօք ճիշտ է որ իմ ժողովուրդը հեծում հառաչում է տուրքերի տակ»: Նրանք ամենը սկսան պատասխանել թագաւորի լսածի հակառակը.

«Ինչ էք ասում. տէր արքայ. մեր շինական ժողովուրդը շատ ուժեղ է և միշտ էլ աշխատելու ընդունակ. օրական վատակից ուտել խմելու համար բաւական փող է տնտեսում. կոպիտ արարածին ուրիշ ինչ է հարկաւոր: Եթէ նրանք շարունակ չաշխատէին, իրանց համար էլ վատ կլինէր, տէրերի համար էլ, բոլի շինականին երես չպէտք է տալ, որքան շատ ունենայ, այնքան աւելի կուզի ունենալ: Երբ հարստութեան համն առնի, կը հետաքրքրուի իմանալ իրան ուրիշ ինչ է պակաս, ճիշտ այնպէս, ինչպէս մեր տատ ու պապին դրախտում պատահեց:

Նրանց այսպէս խօսելու ժամանակ, թագաւորը նստած էր լուռ, անձայն. նրա սիրտը քիչ էր մնում տրաքի, աշկաւայ նկատելով, որ բոլորն էլ սուտ են խօսում: Մեծամեծները խորհրդից հեռացան առանց որոշ հղրակացութեան գալու, բայց թագաւորը իւր եզրակացութիւնն ունէր. շինականի ճնշումը վիճակը սրտին շատ մօտ առաւ իբրեւ արդարասէր ու վեհանձն մարդ: Չէ որ այդպէս էին լինում մեծ մասով հին ժամանակի թագաւորները: Մանաւանդ սա, որ մի բարի հոգի կրն ունէր, որ միշտ մշակ դասի օգտին էր յորդորում:

Երկու երեք օր հազիւ էր անցել, թագաւորը յանկարծ կանչեց իւր նշանաւոր խորհրդականներին, երկրի իշխաններին,

գորապետներին, կալուածատէրերին ու հրամայեց ձի նստել: Էլ ժամանակ չըտուեց հարցնելու, թէ ուր են գնում: Ձիաւորուած քաղաքից դուրս եկաւ հին ժամանակի տարազով շքեղ ու փառաւոր հագնուած, թագաւորը ծին մտքերի մէջ խորասուզուած քշում էր. իւր ուղեկիցներն էլ հետևում էին անխօս, մինչև որ հասան մի գիւղ, նրա միջով անցնելով հանդիպեցին միայգու, գետի վերի կոանը, հարաւին նայող: Այգոււմ մշակներ էին բանում:

Ձը գիտեմ ձրտեղ էր այդ գիւղը կամ գետի անունն ինչ էր. այսքան միայն կարծում եմ, որ գարնան վերջն էր կամ ամառուայ սկիզբը, որովհետեւ խաղողի հատիկները վազների վրայ պարզ երևում էին: Այգոււմը գիւղականներ էին՝ մարդ, կնիկ, աղջիկ, տղայ ջաններին կրակ ածածի պէս տանջւում, բանում էին: Մի քանիսը վազների արանքի գետինը բահով վարում էին ու հողը շուռ տալով տափակացնում. մի քանիսը փէխնով լիք կթոցները շալակած այգու վերի կողմն էին տանում: Իւրաքանչիւրն ինչքան ուժ ունէր, չարչարում էր. բայց գիտէր որ այդ չարչարանքով հասցրած ոչ պտղի համն է առնելու և ոչ գինու ճաշակը տեսնելու, որովհետեւ պարոնը, աղէն իրաւունք չէր տալիս:

Թագաւորը այդ կողմն ուղղեց ձիու գլուխը ու թամբից ցած թռչելով ձին յանձնեց մէկի ու քարէ սանդուխքով բարձրացաւ վերև: Նրան հետևեցին իշխաններն ու միւս մեծամեծները, իրանց մէջ զարմանալով թէ այս ուր է տանում իրանց պետը: Թագաւորը շուռ եկաւ ու հտեկց գնացողին ժպտալով ասեց, — իշխան, այսօր մի հետաքրքիր զբօղմունք պէտք է ունենանք և նոր բան պէտք է սովորենք:

Իշխանը նայնպէս ժպտաց, բայց մի տեսակ մտածուիւրով թեան մէջ: Գիւղականները մեծ երկիւղի մէջ էին ընկել փայլուն, ոսկեշող անձերին տեսնելով: Անկասկած է, որ նրանք թագաւորին չէին ճանաչում, ոչ մինը նրա երեսը տեսած չունէր. այսքան լսել էին նրա մասին որ պապի պէս բազմած է գահին. հզօր պատերազմող է, որ թուրքերին իրանց աշխարհի սահմաններից քշել հալածել է: Նրանց շատ փոյթը չէր, արդեօք թուրքն է նրանց թագաւորը թէ պարսիկը, տարուայ մէջ բանած օրերից հարկի բաժին պէտք է հանէին թագաւորին ջոկ, սեպհական պարոնին ջոկ, մնացածը որ չնչին բան էր, պէտք է բաւականացնէր թէ իրանց և թէ իրանց բազմանդամ ընտանիքին:

Ճիշտ է, նրանք թագաւորին չէին ճանաչում, բայց շքեղ

զարդարուն մեծամեծների շարքում տեսան ու ճանաչեցին իրանց պարոնին, իրանց աղին, այդ պատճառով էլ դողները բռնեց։ Սրտները ուզում էր փախչել, բայց ոնց փախչէին այդ հզոր մարդկանց ու նրանց արագավազ ձիերի առջևից. մանաւանդ նրանք, որ լուսածէգից դէսը գլխակախ բանի վրայ էին և այժմ մի ժամ էր մնացել մինչև ճաշ հասնելը։ Այդ էլ որ չլինէր, թագաւորն ու մեծամեծները հետները վերցրած ունէին զօրականների մեծ շքախումբ, որ այդու միւս կողմը կանգնած էր, ամենն էլ լաւ նետաձիգ մարդիկ էին։ Խեղճ բանւորները փախչելը մտնելից հանելով իրանց այնպէս պահեցին, իբր թէ կողքներին մարդ չըկար և աշխատելը հանդարտ շարունակեցին։

Թագաւորը մտաւ նրանց մէջները և հարցրեց. — սիրելիք, ով է ձեր գլխաւորը։

Իսկոյն առաջ եկաւ ուժեղ, երեսը արևից խանձուած, ալեխառն մի մարդ ու ասեց. — Ես եմ. ինչ էք հրամայում։ — Ահա թէ ինչ, խօսեց թագաւորը, բահդ տուր ինձ, ես կամենում եմ քու տեղը բանել, որովհետև այս մեծամեծները նոր զբաղմունք են ուզում և ցանկանում են իմ ձեռքի տակ այգում աշխատել։ Բայց դու մի հեռանալ. կաց այստեղ ուղղիր, երբ սրանց պատուէրներ տալիս սխալուեմ. միւս մշակները կարող են փնալ և զուարճանալ որքան սրտները ուզում է։

Մշակների վերակացուն չգիտէր ինչպէս վարուի. թագաւորին թողել էր իւր առաջ ձեռը պարզած։ Յանկարծ ալդ շուարած միջոցին աչքն առաւ իւր պարոնին իւր աղին, որ զայրադէմ նրան գլխով նշան էր տալիս, կարծես ասելիս լինէր — այ հաստագլուխ. ինչ ես կանգնել, ինչ ասում է տուր։

Գիւղացին հնազանդուեց, բահը տուեց թագաւորին. սա հրաւիրեց իւր իշխաններին նոր զբաղմունքն սկսելու, այգում մշակութիւն անելու, մէկին այստեղ կանգնացրեց, մէկին այնտեղ ու պատուէրներ տալով բանուգլխու դրեց։ Վերակացու մշակը կողքից այո էր ասում կամ ոչ։

Պէտք էր տեսնել, թէ իշխանները, կալուածատէրերը ոնց էին տաք-տաք բանի կպիլ-թաւիշէ բաճկոններ ու թանկագին կարմիր կտորից կարած նուրբ զգեստներ էին, որ իրար հաճից փոշու մէջ շարտում էին դէն, որ աւելի աջողակ ու ազատ բանեն։

Այգում մշակութիւն անելը մեծ մասին թւում էր մի

զուարճալի բերկրալի զբաղմունք. բացի մէկից, որ ծիրանե-
գոյն զգեստը դէն զցելուց ետ մուտքը կախած կանգնել էր.
զրա բաց գոյնի բաճկոնակը պարսկական ոսկեպոյն կտորից
էր, որի նման այժմ գործել չգիտին. մի արշինը արժէր հա-
րիւր դահեկան: Թագաւորը լուրջ դէմքով դէպի նա դառնալով
պատուիրեց, որ վերցնի առջևի ամենամեծ ու ամենավատ կը-
թոցը ու նրանով փէին տանի ներքեկից վերև: Ոսկում պլպլող
իշխանը քիթ ու պռունկը թթուացրեց. նրա ծոված երեսնար-
քից բոլոր բանողների ծիծաղը պրծաւ: Ճարահատած շուռ ե-
կաւ կթոցը ուսին գործի գնալու և ինքն իրան փնթփնթաց.
«Միթէ նրա համար եմ մեծ հարբանի տղին ծառայում, որ բե-
րի ինձ այստեղ փէին կրել տայ: Նրան էժան չեմ ուտացնիլ,
թող սպասի»:

Իշխաններն ու մեծամեծները առ ժամանակ քաջաբար ա-
ռաջ տարան մշակութիւնը. նրանց ուրախ ծիծաղն ու քրքիջը
հնչում էին ամեն կողմ. բահին քացի տալիս մինչև ճիւղը
թաղում էր գետնում. բերանն ընկնող քարերից պէճեր էին
բարձրանում. փոշու ամպերով օդը մաքել էր: պարծենալով մէկն
ասումէր միւսին. «մտիկ արա, ազնուական մարդը ինչպէս
գերազանցում է գոհնիկ մարդուն թեկուզ հասարակ մշա-
կութիւն անելիս. այս ծոյլ, անհասկացող դիւղացիք հողը
մի անգամ են շուռ տալիս, իսկ մենք այդ երեք անգամ ենք
անում»:

Սակայն թագաւորը որ աշխատելում ոչ մէկից պակաս չէր, բե-
րանը ծիծաղ չէր բերում:

Այդ միջոցին այդու ողորմելի մշակները կանգնած էին մի
կողմ և նրանց աշխատելուն մտիկ անելով չէին համարձակում
իւրար հետ խօսել, ահն ու երկիւղը դեռ նրանց սրտներից չէր
դուրս եկել. նրանք մտածում էին այսպէս. այս մեծամեծ զօ-
րեղ մարդիկն եկել են, որ փորձով իմանան թէ մի մարդ որ-
քան կարող է բանել մինչև լաւ յոգնելը: Եթէ սրանց նպատակն
է մեր ճորտական ծառայութիւնը դարձեալ ծանրացնելը, այն
ժամանակ մենք հողից հող կորած ենք»: Այսպէս մտածելով
նրանք անչափ սրտակոտոր էին եղել:

Արեգակը քանի գնում, գլորւում էր: Իրիկնադէմին մե-
ծանձն մշակների մուխը բռնացել էր. այլ ևս առաջուայ նման
փառ փառ չէին ծիծաղում, բահի հարուածները աւելի դան-
դաղ էին հնչում. փէին կրողը նստել էր բլրի ծայրին և նա-
յում էր ցած դէպի գետը: Միայն թագաւորն էր որ առաջուայ
պէս եռանդով բանում էր իւր երկրի մեծամեծներին ամա-
չեցնելու համար: Յանկարծ նրա կողքի աշխատողը բահը

լումայ

ուժով դէն գցեց ու խոր հառաչեց: Նա մի ամրակազմ, սեւամորուք մարդ էր, այդ աներկիւղ զօրավարը քանի անգամ թիւրքական զօրքի շարքերը փշրել անցել էր. իւր անկեղծութեան համար թագաւորից սիրուած անձն էր. ուստի թագաւորը սիրալիւր կերպով հարցրեց. «Ի՞նչ եղաւ, իմ զօրավար:— Ծշակաների վերակացուն հարցրէք, թէ ի՞նչ եղաւ մեզ, պատասխանեց ուժասպառ զօրավարը:—Վերակացու, ասեց թագաւորը, ասա տեսնեմ, ի՞նչ է եղել հզօր ասպետներիս. չլինի՞ ես նրանց սխալ պատուէրներ եմ տուել:—Ոչ, պատասխանեց վերակացուն, նրանք յոգնել են, ուզում են հանգստանալ: Չարմանալու էլ չի, յանձն առած աշխատանքը կոշտ էր. իսկ իրանք քնքոյշ մեծացած, ազնուարիւն մարդիկ են:—Արդեօք ճշմարիտ է, որ դուք յոգնել էք, քաջ ընկերներ, բարձրաձայն հարցրեց թագաւորը: Բոլորն էլ մնացին գլխակախ լուռած. միայն զօրապետը, որ աներկիւղ էր ու ճշմարտախօս, խօսեց հետեւեալը.

—Թագաւոր տէր, ինձ համար պարզ է քո նպատակը, այստեղ բերի՛ր մեզ, որ մի խելօք խրատ տաս: Ծշմարտութեան անունը վկայ, ես այս տանջանքը մարսելու անկարող եմ, ինչ տեսակ էլ ծանր լինի վերջին խրատդ, ասա, լսեմ, միայն միջոց տուր որ ճաշեմ: Եթէ դու քահանայ ես, թող տուր ես էլ քու տիրացուն լինեմ: Ես կամենում եմ այս վերակացուն երկու կամ երեք հարցմունք անեմ, իրաւունք տալիս ես:—այո՛, ասեց թագաւորը ու մոայլ մտածմունքների թղպով դէմքը պատեց: Չօրապետը ձեռները տրորեց, նրանց մէջ մի վայրկեան նայեց ու դարձաւ գիւղականին հարցրեց...

—Ի՞նչքան ժամանակ է, ինչ որ այստեղ բանում ենք, քարեկամ:

—Երկու ժամի չափ, արտասանեց նա ու նայեց արեգակին:

—Ձեր գործից ի՞նչքան ենք շինել այդ ժամանակում, հարցրեց զօրապետը և դէպի նա աչքերը կըկոցեց:

—Տէր իշխան, խօսեց վերակացուն և ահամայ ժպտաց, չընեղանաք իմ խօսքերից, առաջի կէս ժամուայ մէջ մշակութիւն արիք քսանուհինգ ըրպէ. երկրորդի մէջ երեսուն ըրպէ, երրորդի մէջ տասնուհինգ ըրպէ, իսկ չորրորդի մէջ միայն երկու ըրպէ:

Այնուհետեւ ժպիտը գիւղականի դէմքից փախաւ, երբ նա խօսքը այսպէս շարունակեց.—Ես կարծում եմ, դուք ձեր գործը վերջացրել էք, այժմ գնալու էք ճաշի. կուտէք, կըվայելէք քաղցր ընտիր բաներ: Մենք ուտում ենք միայն մի կտոր սև հաց և բանում ենք, մինչև արևը մայր է մտնում և

դուսինն սկսում աջ ու ձախ շուաք սփռել: Չըզիտեմ թէ դուք
 ռոտեղ և ինչպէս էք քնելու և ինչ չքնաղ կին է հանգստա-
 նալու ձեր գրկում մինչև գիշերն անցնելը և ասողերի կուլ
 գնալը, իսկ մենք թշուառներս կրկին բանի ենք կանգնելու,
 դեռ ասողերը երկնքում եղած ժամանակ: Չեմ իմանում, ձեզ
 վաղը ի՞նչ զբաղմունք է սպասում. երբ տուն հասնէք, իսկ
 մեզ համար գրեթէ «երէկ» չըկալ. կարծես թէ բան չենք շի-
 նում. այսօրուայ աշխատանքն էլ կորած է, որովհետև ձեր
 արած մշակութիւնը մեր վրայ չեն հաշուել: Վաղը թէ միւս
 օրը նոյն բանը, նոյն տանջանքը պէտք է կրկնուի մինչև
 շունչներին փչելը: Եթէ ձեր այստեղ գալու նպատակը ստրկա-
 կան ծառայութեան ծանրացնելն է, երկու անգամ շատ ծան-
 րացրէք, մի բան ո՞ր, կատարողը չենք, այս բոլորը ասում եմ
 առանց երկիւղի անշուշտ գիտենալով, որ կողքիս թաւիշէ սև
 բաճկոնակով, ոսկէ շղթայով կանգնող մարդը թագաւորն ինքն
 է, բայց հաւատացած եմ, որ նա իմ այս խօսքերի համար ինձ
 չի սպանիլ, նրա փառքի ու զօրեղ թրի համար բաւականա-
 չափ թուրքեր կան:

Այս խօսքի վրայ էր, որ զօրապետը գոչեց.—Թագաւոր
 տէր, ինչպէս կը հրամայես, սպանեմ այս մարդուն, թէ նա
 քու փոխարէն է խրատ խօսում:—Չհամարձակուես դիպչել,
 նա իմ փոխարէն է խրատում, պատասխանեց թագաւորը.
 սակայն դրա ասածները իմ մէջ նոր մտքեր ծնեցրին, ուստի
 ես ուրիշ խրատ, ուրիշ դաս ունեմ ասելու, առ այժմ ներքև
 գնանք ընթրիք ուտելու:

Թագաւորը և իւր հաւատարիմներն իջան և նստոտեցին
 գետափին, արդէն ծառերի ճիւղերի մէջ զօվարար սոսափիւնն
 սկսուել էր. կերան, խմեցին մեծ ախորժակով և զուարթացան:
 Թագաւորը պատուիրեց այգու մշակներին իւր ճաշից բաժին
 հանել, նոյնպէս հրամայեց իւր լաւ գինուց խմացնել: Վերա-
 կացուին ընծայեց մի ոսկի դրամ, իսկ մշակներից իւրաքան-
 չիւրին երեք երեք արծաթ: Երբ չքաւոր մարդիկը իրանց
 ափերի մէջ այդ պսպղան դրամները շօշափում էին, թւում
 էր թէ երկինքը նրանց համար ներքև է իջել:

Իրիկուայ մօտ թագաւորը իւր մեծամեծների հետ ճա-
 նապարհ ընկաւ դէպի պալատ: Նա լուռ էր ու մտածմունք-
 ների մէջ խորասուզուած: Ջօրապետը կողքից գնում էր.
 չը կարողացաւ լուռ համբերել, խօսք բաց արեց. «Թագաւոր
 տէր, սպասում եմ խրատիդ, ասա լսեմ»:

Թագաւորն ասեց.—Ես կարծում եմ, դու արդէն գիտես,
 այլապէս գիւղականի հետ այնպէս չէիր խօսիլ. Բայց և այն-

պէս, լսիր, ասեմ: Ի՞նչ է բու և բոլոր մեծամեծների արհեստի-
անունը, ի՞նչ միջոցով են ապրում նրանք: Բրուտը կճուճ ու
քրեղան չինելով է ապրում, իսկ դժուր»:

Զօրապետը պատասխանեց.— Ինչպէս որ բրուտը կճուճ
ու քրեղան չինելով է ապրում, մենք էլ ապրում ենք խեղճ ու
աղքատ մարդկանց գրգռելով, յափշտակելով:

Թագաւորը պատասխանեց.— Լաւ, այդ իմացայ. այժմ երկ-
րորդ հարցս լսիր. իմ արհեստի անունն ի՞նչ է:

Զօրապետն ասեց. Քու արհեստն է գողերի, յափշտակիչ-
ների Թագաւորը լինել, բայց նրանցից վատթարը չըդառնալ:
Թագաւորը ակործակով ծիծաղեց ու ասեց նրան.— Իմ զօրա-
պետ, այդ ասածդ չըմոռանաս. այժմ լսիր թէ ես ինչ էի մտա-
ծում, երբ այն գիւղականը խօսում էր: Ես մտածում էի— այ-
ժարդ, եթէ ես լինէի քու տեղ տանջուելիս, չէի համբերել,
կը զինուէի թրով, տէգով, մինչև անգամ մահակով և կյորդո-
րէի ուրիշներին, որ այդպէս անեն, այնքան կսպասէի մինչև
ստուար մեծ խուճը դառնայինք. մեր ունեցած չունեցածը մի
թշուառ կեանք է: Կսկսէի ընկերներիս հետ յարձակուել բոլոր
Թագաւորների արհեստը, մեծամեծների արհեստը կործանել,
բնաջինջ անել. երկրիս վրայ կըթողնէի միայն մի հատիկ ար-
հեստ կամ պարապմունք. այսինքն ուրախասիրտ աշխատելը
մեր և մեր նման չքաւորների համար և մի ուրախ բաղդաւոր
կեանք անկացնել:

Զօրապետն ասեց — ուրեմն այդ է եղել բու խրատը, քու
դասը: Ո՞վ է ականջ դնելու, ուշ դարձնելու. ասում ես, ասա:

Թագաւորն ասեց.— Նա ուշ կդարձնի, ով ցնորուած Թա-
գաւորին կը կալանաւորի ու Թագաւորների զփատանը կը փա-
կի: Որպէս զի այդ չըպատահի, արգելում եմ այս իմ խրատը
ուրիշին հաղորդել: Բայց ուզեմ, չուզեմ, նա բերանէ բերան
անցնելու է:

— Եւ ոչ ով էլ դրա վրայ ուշ չի դարձնիլ, վրայ բերեց
զօրապետը, բացի այն մարդկանցից, որոնք իբրեւ հմուտ խու-
զարկու լրտեսներ ամենայն նոր միտք քարոզողին կը բռնեն ու
Արքայհամի գոգը կուղարկեն: Այդ պատճառով մեր պէսների
արհեստը դեռ շատ դարեր ապահովուած է:

Այսպէս խօսելով Թագաւորն ու իւր երկրի նշանաւոր-
ները հասան պալատ, կերպն վայելեցին, պակասը լրացրին
ու քնեցին: Առաւօտը դարձեալ ամեն ինչ գնաց իւր սովորա-
կան ճանապարհով:

գերմ. ԲԱՄԱԼԵԱՆՅ Ս.

ԳԻՏՈՒԹԻՒՆ ԵՒ ԱՐՈՒԵՍ

ՎԻՐԱՀԱՏՈՒԹԻՒՆ ԱՌԱՆՑ ՅԱԻԻ. Երբ ներքին բժշկութիւնն անզօր է մնում, ստիպուած են լինում դիմել վիրահատութեան՝ քնացնելու և գիտակցութիւնը թմրացնելու այլ և այլ միջոցներով, որի համար ծառայում են գլխաւորապէս քլորոֆորմը և եթերը: Բայց այս միջոցները, որքան էլ արդի տեխնիկան կատարելագործած լինի, քիչ թէ շատ վնասակար հետեանքներ ունին և առհասարակ անվտանգ չեն:

Այս պատճառով բժիշկները վաղուց ի վեր այնպիսի միջոց էին որոնում գտնել, որ անգամահատութիւնը անզգալի լինի հիւանդի համար, առանց զրկելու նորան գիտակցութիւնից: Բիրլինի բժիշկ Շլէյխին յաջողեց գտնել միջոց, որով շատ զէպքերում առանց ցաւ պատճառելու կարելի էր լինում վիրահատութիւն կատարել՝ յայտնի դեղային խառնուրդով. այս լուծուածքը սրսկում են կաշուի տակ, ուր որ պէտք է վիրահատել: Միաժամանակ առաջ են բերում կատարեալ անզգայացում կօկախնով, որ շարունակուում է նոյն իսկ երկարատեւ վիրահատութեանց ժամանակ: Անզգայացումը ուժեղացնում է նոյնպէս արիւնը հեռացնելով վիրահատելի տեղից: Արիւնից ազատ տեղը ուշացնում է կօկախի ծծուելը և սորանով պակասեցնում նորա թունաւոր ազդեցութիւնը: Տեղական անզգայացման փորձերը հետաքրքրական հետեանքների են հասցրել, որ մարմնի մէջ կաշին աւելի զգայուն գործարան է, քան խորը գտնուած հիւսուածքներ: Այսպիսով՝ կտնարքի վիրահատութիւնը դրեթէ անցաւ է անցնում: Կարելի է կտրտել, ծակծրկել և ճխտել ստամոքան ու աղիքները, առանց զգացողութիւն առաջ բերելու: Սորա հակառակ հիւսուածքների և ներքին մասերի զրգուումը խիստ ցաւաբեր է լինում, այնպէս որ փորի ներսը անկարելի է այդ եղանակով անգամահատել:

Նշանաւոր յաջողութիւն ունեցաւ առանց ցաւի վիրահատութեան, այսինքն առանց գիտակցութիւնից զրկելու դէպքում մէջքի ուղեղում անզգայացնող դեղ սրսկելու եղանակը,

որ գտան գերմանացի գիտնականներ՝ Կվինկէն և Բիրլը, իսկ Բիրլը առաջին անգամ Բօննում սրսկեց մէջքի ուղեղի խողովակում կօկախն առանց որևէ փնաս պատճառելու և բոլորովին կատարելագործեց այդ եղանակը: Այժմ կարելի է առանց ցաւի շատ վիրահատութիւններ կատարել ուղիղ աղիքում, իջուածքներում և այլն, բոլորն էլ Բիրլի շնորհիւ: Մէջը ծակ ասեղով թեթև ծակելով ողնուղեղը, որ գրեթէ ցաւ էլ չէ պատճառում, ծակից դուրս է գալիս ողնուղեղի հիւթը, իսկ բժիշկը ներսրսկում է ստովաինը: Մի քանի րոպէից հիւանդն զգում է, որ ծնկները դնջանում են, իսկ 10 րոպէից արդէն բոլորովին անզգայանում է և չէ կարողանում ոտները շարժել: Մէջքի ուղեղի անդգալութիւնը առաջ է բերւում ազդելով նեարդերի վերայ, որոնք դուրս են գալիս ողնուղեղից և տարածւում մարմնի ամեն կողմ: Բայց առ այժմ այս եղանակը չէ կարելի գործադրել մարմնի վերին մասերի համար:

Այս եղանակով վիրահատելը այնքան յարմար միջոց է, որ ինչպէս քաջասիրտ հիւանդը, այնպէս էլ թուլանեալը, միակերպ չեն զգում ցաւ, և շատ հիւանդներ նոյն իսկ երկարատև վիրահատութիւնից յետոյ դեռ անհամբերութեամբ հարցն են տալիս՝ թէ երբ պէտք է սկսուի վիրահատութիւնը:

ՕՐ. ՆՈՒԱՐԴ ԱՂԱՆԵԱՆՑ

ՄԱՏԵՆԱԽՕՍԱԿԱՆ

1) Գրիգոր ՄՍՏՄՆՑԻ. Մկա վախ չունիմ (պատկեր հայ գաղթականների կեանքից) Թիֆլիս 1905 թ. էջ 48.

Դարձեալ մի «պատկեր հայ գաղթականների կեանքից».
Թշուառ հայ ժողովրդի ճակատագիրը կարծես անխզելի կերպով
կապակցուած է «գաղթականութիւն» անողորմ ու տնաւէր
գողափարի հետ: Դարերի ընթացքում գաղթականութեան խնդիրը
չի հնանում, ասպարէզից չի իջնում հայ կեանքի դառն իրակա-
նութիւնից, այլ միշտ թարմ, օրուայ խնդիր է մնում. անիծեալ
ճակատագիր: Այդ հանգամանքի շնորհիւ է ահա, որ մեր
առաջնակարգ վիպագիրներից սկսած մինչև վերջին գրական
մշակը էջեր ու երկեր է նուիրել այս անթառամ ու յարատե-
գոյութիւն պահպանող խնդրին. Սաչատուր Աբովեան. Պօռնան.
Ռաֆֆի, Նոյնպէս և մեր ժամանակակից հայ վիպագիրները
հազար ու մի ելևէջներով նկարագրել ու ողբացել են գաղթա-
կանութիւնը, յուզիչ ու սրտամաշ պատկերներ են ստեղծա-
կործել, աղբատութիւն, հիւանդութիւն, թշուառութիւն ու
մահ են պատկերացրել՝ իբրև հետևանք անողորմ ու սերունդ-
ներ սպանող գաղթականութեան, բայց այնու ամենայնիւ հա-
լածական հայն միշտ գաղթել ու դարձեալ գաղթում է... Ի՞նչ
կօզնի մարդուս սիրտը տակն ու վրայ անող, դառնութեան և
անօգնականութեան զգացմունքներ առաջացնող հրաշալի, գե-
ղարուեստական նկարագիրը, երբ մարդիկ թողնում են իրենց
սիրելի հայրենիքը, տարիների ընթացքում ճակատի քրտինքով
ձեռք բերած գոյքն ու իրենց սիրելիների աճիւնները պարփա-
կող գերեզմանները ո՛չ թէ բարեկեցութեան տենչով վառուած,
այլ իրենց կեանքը, պատիւը, ամբողջ գոյութիւնը փրկելու,
մարդկային արժանապատուութիւնը սարսափելի ստորութիւնից
ազատելու նպատակով:

Գիւլիստանցու «Մկա վախ չունիմ» պատմութեանը՝ չնա-
յելով նիւթի շատ ծանօթ և աւելի հմուտ գրիչներից հազար ու
մի ձևով նկարագրուած լինելուն, այնուամենայնիւ կարգացում է
է առանց ճանճրայթի և տեղ տեղ նոյն իսկ յուզում է ընթեր-
ցողի այս խնդրի նկատմամբ բթացած զգացմունքը և տպաւո-
րութիւն թողնում: Ջահել—ջիւան Մարկոսը թողնում է իւր
հօր մի անգամ հարուստ, այժմ աւերուած օջաղը, որպէս զի

փրկէ իւր «պատիւը», իւր սիրելի ամուսնուն՝ բարբարոսների ձեռքից. նա գալիս է մեր կողմերը. օրական տաս կոպէկով է պահում ընտանիքը, բայց երջանիկ է զգում իրեն, երբ արուզաւակ է ունենում. «կը վախնայի որ հոս մեռնեմ անզաւակ, կողակիցս մնայ անտէր՝ ուրիշներու գոնեքուն կտոր մը հաց փութալիս, իսկ մըրը ճրագը հոն—մըրը երկրին մէջյաւիտեան մարի... Ասօր կնոջս ըսի, ալ հոգ չընես, Տէր մի արասցէ, եթէ մեռնելու ալ ըլլամ, Մուկուչս քրդի կը տանի մըրը երկիր...» (էջ-36)

Չնայելով ուրեմն այն զարհուրելի պայմաններին, որից փախուստ են տալիս թշուառներն, այնուամենայնիւ դարձեալ իդէալը մնում է «մըրը երկիր»։ Կենց այս է հայի կենսունակութեան ապացոյցը։

2) Ռ. ՀԱՈՒՊՏՄԱՆ. *Ջուհակներ*. Ղրամա 40-ական թուականից. թարգ. (ռուսերէնից) տ. Ս. Արտեմեան. Ս. Պետ. 1905 թ. էջ 106

Փրանսիական մեծ յեղափոխութիւնն ազատութեան և հաւասարութեան սկզբունքներն իրականացնելու ձգտելով՝ փշրեց այն շղթաները, որով կապուած էին չքաւոր, ստորին կոչուած դասակարգի մարդ արարածները և իրենց սեպհական ճակատի քրտինքով վաստակող մարդիկն ևս հաւասար ճանաչուեցին արտօնեալ և հարուստ դասակարգի մարդկանց հետ։ Մարդկային հասարակութեան այն խոշոր զանգուածները, որ Ֆրիդրիկական ամենածանր և ամենաստոր աշխատանքն էին կրթում և հնադարեան հասարակապետութիւնների մէջ իրաւազուրկ ստրուկներ, իսկ միջին դարերում սեպհականութիւնից զուրկ կամ ճորտ գիւղացիական դասակարգն էին կազմում, այժմ հասարակական կեանքի ասպարէզը մտան իրեն հաւասար իրաւունքի տէր քաղաքացիներ և որոշ պահանջներ արին՝ իրենց մարդկային իրաւունքները պահպանելու նպատակով։ Երբ յեղափոխութեան մրկածուփ փոթորիկն անցաւ և կեանքն իւր բնական ընթացքը գտնելով՝ երկրագործութիւնը, վաճառականութիւնն ու արուեստները նորից ծաղկեցին և կեանքի վաւելքն ու փարթամութիւնը դարձեալ ուժեղ թափով առաջացան, շուտով երևան եկան հասարակական կեանքի նախկին կազմակերպութեան քայքայման հետեանքները։ Ժառանգական իրաւունքի բոլոր զաւակների վրայ հաւասար բաշխուելու հետեանքն եղաւ այն հանգամանքը, որ կալուածները հետզհետէ բազմաթիւ մանր կտորների բաժանուելով՝ առաջացրեց գիւղացիական մի նոր ազատ դասակարգ՝ մանր կալուածատէրներից բաղկացած։ Սկզբում ցանկալի այս երևոյթը հետզհետէ ամե-

նամիժ թշուառութեան պատճառը դարձաւ. ժամանակի ընթացքում հողի բաժանումն այնքան մանրացաւ, որ կալուածատէրն այլ ևս չէր կարողանում հողի արդիւնքով իւր ընտանիքի գոյութիւնը պահպանել. այս պատճառով և ազատ գիւղացիները հետզհետէ դարձան օրավարձով աշխատող բանուորներ և հետզհետէ աւելի վտտթար ու թշուառ կացութեան մէջ ընկան, քան ճորտութեան ժամանակները: Կարիքից ստիպուած, գիւղացին սկսեց պարտքեր անել և վաշխառուների գերին դարձաւ. միւս կողմից արդիւնաբերութեան զանազան ճիւղերն ընդարձակուելով, գիւղացիները թողին իրենց խրճիթները և կենդրոնացան քաղաքների մեծ գործարաններում՝ իբրև բանուորներ: Այժմ բանուորները դարձան հարուստ գործարանատէրերի ստրուկները և դրամապլուսը դարձաւ մի այնպիսի բռնակալ իշխող, որի նմանը չէր տեսնուած իսկական բռնակալութեան ժամանակները. ազատութեան և հաւասարութեան գաղափարը, որի համար այնքան մարդկային արիւն թափուեց, այժմ կարծես աւելի հեռու փախաւ մարդկանցից, քան երբևիցէ: Ի՞նչ օգուտ, որ բուրժուազիան հաւասարուեց իւր իրաւունքներով ազնուականութեան և կղերականութեան հետ, քանի որ ինքը ստրկացրեց նոր առաջացած չորրորդ դասակարգը, պրօլետարիատը: Գոյութեան կռիւը նոր յոյգեր և պահանջներ առաջացրեց. արհեստաւորներն ու բանուորներն իրենց աղքատութիւնից ու թշուառութիւնից ստիպուած՝ սկսեցին կամաց կամաց գլուխ բարձրացնել գործարանատէրերի դէմ և համբերութիւնից զուրս գալով, բանն ապստամբութեան հասցրին և սկսեցին շարքել ու քարուքանդ անել գործարանները: Այսպիսի շարժում տեղի ունեցաւ Գերմանիայում քառասնական թուականներին և ահա այս գիտակցական շարժման նկարագիրն է տալիս յայտնի գերմանացի դրամատուրգ Հաուպտմանը իւր տաղանդաւոր «Ջուլհակներ» դրամայի մէջ:

Այսպիսի շարժումները մեզնում այս վերջին տարիների ընթացքում այնքան սովորական երևոյթ են դարձել, որ «Ջուլհակները» կարգալիս մարդ մոռանում է թէ Հաուպտմանին, թէ Գերմանիան և կարծում է՝ թէ իւր շրջապատող կեանքի երևոյթներից վերցրած մի դէպքի նկարագիրն է կարգում:

«Ջուլհակները» բաղկացած է հինգ գործողութիւնից. առաջին գործողութեան մէջ նկարագրուած է՝ թէ ինչպէս ևն գիւղացի Ջուլհակներն իրենց տանը պատրաստած գործուածքները յանձնում քաղաքի գործարանում և վճարները ստանում. այս գործողութեան միջոցին նրանց խօսակցութիւններից

պարզում է նրանց չբաւորութեան աստիճանը և թշուառ վիճակը: Մի կին ջուլհակ ասում է. «ես հօ բոլորովին ծոյլ չեմ, ալ ուղղակի աշխատելու անընդունակ եմ դարձել: Ինձ հասանելիք վարձից առանց այն էլ արգէն երկու անգամ դուրս են եկել: Իսկ մարդս, նա հաշուից դուրս է եկել...: Ծշմարիտ մենք աշխատում ենք, որքան հնարաւորութիւն կայ: Ես քանի շաբաթ է աչք չեմ խփել: Ոսկորներս ցաւում են: Եթէ գոնէ մի քիչ ոյժ առնեմ, գործը դարձեալ լաւ կերթայ: Իսկ դուք դէպի ինձ ներողամիտ եղեք: (Համոզիչ շողոքորթ խնդրանօք) ես ձեզ շատ եմ խնդրում. թոյլ տուէք որ այս անգամ գոնէ մի քանի զրոշ տան ինձ (էջ 8): Քաղցը ստիպում է բանուորին նոյն իսկ շան միս ուտիլ. «Տանը ալ ևս ուտելու բան չի մնացել, ես էլ ասացի որ փոքրիկ շնիկը մորթեն, բայց նրանից էլ խելքս բան չի կտրում, նա էլ երկար ժամանակ քաղցած էր: Այնպէս սիրուն գեղեցիկ շնիկ էր. ես ինքս չկարողացայ նրան մորթել. սիրտս չտուեց» (էջ 10-11):

Ո՛րչափ դառնութիւն և տրագիկ կայ այդ երկու պարզ նախադասութիւնների մէջ...: Երբ ջուլհակներից մէկը համարձակ պատասխաններ է տալիս գործարանատիրոջը, վերջինս հրամայում է, որ նրան այլ ևս ոչ մի աշխատանք չտան իւր գործարանում. այս խօսքերին ջուլհակը պատասխանում է՝ «Ինձ համար բոլորովին միևնոյն է, դազգեա՛հի տակ քաղցած մեռնել թէ փողոցում, փոսերի մէջ» (էջ 13): Ուրիշները, «այստեղ վարմանալու չէ, որ քաղցածութիւնը նրանց կուչ է ածել»։ «Իսկ ինչ կանենք ձմեռը, եթէ շարունակեն այսպէս մեր վարձը կտրել»: «Մեզանում ոչ մի փոփոխութիւն չի լինիլ, մինչեւ ամենքս չսատկենք»։ «ամենից լաւը նետովինգ ջուլհակի նման խեղդուելն է, թեկը գցել վզին եւ կախուել դազգեա՛հից» (էջ 15): Իսկ գործարանատէ՛րը. նա էլ է գանգատւում. «...Ամենի մեղքերը բարձւում է (են) գործարանատիրոջ վրայ. չէ՞ որ նա անսիրտ մարդ է, քար է, վնասակար արարած է, ուրի ոտը ամեն մի լրագրական շուն կարող է կծել: Նա ապրում է իւր գուարճութեան և շքեղութեան մէջ, իսկ խեղճ ջուլհակների գրոշներ է վճարում. բայց թէ այդ մարդը նոյնպէս հոգսեր ու անքուն գիշերներ ունի, թէ նա իւր վերայ մեծ պատասխանատուութիւն է վերցնում, որի մասին, բանուորը երազել անգամ չի կարող...» (էջ 17) և այլն այսպիսի սուփեստութիւններ:

Երկրորդ գործողութեամբ ընթերցողը տեղափոխւում է ջուլհակների իսկական միջավայրը. նրանց ընտանեկան կեանքն է նկարագրուած. նոյն ճնշող տպաւորութիւնը, նոյն

անասելի չքաւորութիւնն ու թշուառութիւնը. «երեսաներս քաղցից մեռնում են, չգիտեմ թէ որ ջուրն ընկնեմ. ինչ ուզում ես արա, աշխատիր մինչև բոլորովին ուժից կընկնես: Ես առանց այդ էլ հազիւ եմ ոտի վրայ կանգնում, բայց միեւնոյն է, ինչպէս որ եղել է այնպէս էլ կայ: Խնձը քաղցած բերաններ, համեցիր, նրանց կշտացրու: Իսկ լինչով կերակրեմ, երեկ երեկոյ մի կտոր հաց կար, բայց երկու փոքրիկին էլ չկշտացրեց: Ո՛ւմ տայի համեն կեղմից բղաւում են, մայրիկ ինձ տուր, մայրիկ ինձ տուր: Հիմա դեռ ոտերս քաշ եմ տալիս, իսկ որ պառկեմ, այն փամանակ լինչ կլինի» (էջ 25): «Հաւատում եմ, մենք այն տեղն ենք հասել... հայրս փոքրիկ շնիկին իւր հետ տարաւ նորան էլ մորթեցինք ու կերանք, չէ որ մի բանով պէտք է փորներս լցնել» (էջ 26): «Ես ոչինչ չեմ կարողանում անել առանց ուրիշի օգնութեան, ոչ միայն ինքս եմ հիւանդ, ուրիշների համար էլ ծանր բեռ եմ դարձել. թէ քանի անգամ եմ ես Աստուծուն խնդրել որ կեանքս առնի... աղջկերանցս կերպարանքին նայիր, տես ինչ են դառել: Ծուտով նրանց մէջ արեան հետք էլ չի մնալ: Սպիտակել, կտաւ են դարձել... Այսպիսի աղջկերանց վիճակուած է մեքենայի տակ աշխատել... Լինչ կեանք է սրանց կեանքը. ամբողջ տարին տեղից չեն շարժւում... Չահիլ աղջկերք են 15, 20 տարեկան, բայց նրանց դէմքին նայելուց կարծես խեղճերին կսխաղանից ես դուրս (ցած) բերել» (էջ 29): «Մենք այստեղ ոչ ապրում ենք, ոչ մեռնում» (էջ 32):

«Ահա կանգնած եմ ես, Բոբերտ Բառւմերտս, ջուլհակ վարպետ Կաշբախում: Ո՞վ կհամարձակուի իմ մասին մի որևէ բան ասել... Ես ամբողջ կեանքս ազնիւ մարդ էի, բայց նայեցէք ինձ վերայ. լինչ օգուտ ունեցայ, ինչի՞ նման եմ ես... լինչ դարձրին նրանք ինձ... Այստեղ մի տանջանքների բանտ է... այստեղ տանջանքների կայարան է... (մեկնում է իւր ձեռքերը): Ահա, հիացէք, կաշին ու ոսկորն է մնացել: Դուք բոլորդ խաբեբաներ էք, բոլորդ խաբեբաներ էք... առանց բացառութեան» (էջ 39):

Երբորդ գործողութեան մէջ ջուլհակների դժգոհութիւնն արդէն սկսում է սուր կերպարանք ստանալ և մտքերը նախապատրաստւում են գործով ցոյց տալու իրենց վիճակի անտանելիութիւնը.

«Մըրիկաներ առանց քացառութեան,

Հիուք դժոխային ահելի դեեր,

Դիուք որ ծծում էք արիւնն աղքատի,

Թող մեր անէծքը ձեր վարձքը լինի» (էջ 62):

Չորրորդը եւ հինգերորդը գործողութիւնների մէջ ջուհակներն արդէն խօսքից գործի են անցնում և մեծաքանակ խմբերով յարձակուելով իրենց կեղեքող գործարանատէրերի բնակարանների ու գործարանների վրայ և ամեն բան քարուքանդ անում, փշրում, ջարդում, յափշտակում, տանում են:

Բոլոր նկարագրութիւնները կենդանի պատկերներ են և տաղանդաւոր ձեռքով յօրինուած. ինչպէս վերն էլ յիշեցի, թէ և նիւթը վերցրած է քառասնական թուականների դէպքերից, սակայն այժմ իսկ և իսկ մեր իրական կեանքի ճշգրիտ պատկերն է ներկայացնում և ընթերցողի լարուած ուշադրութիւնը գրաւում:

«Ջուհակները» կարող է մեր ժամանակակից թատրոնական բեմի զարդը կազմել. բայց շատ ափսոս, որ հայերէն թարգմանութիւնը հմուտ ձեռքով չէ կատարուած: Բազմաթիւ սխալ ոճեր ու դարձուածքներ վխտում են գրքի ամեն մի էջում. քանիցս կրկնուած և շեշտուած է, որ բեմական գրուածքները պէտք է լինին մաքուր և ճիշտ հայերէն. թատրոնը լեզու սովորելու վայրերից մէկն է: Թարգմանուած է ոչ թէ գերմաներէն բնագրից, այլ երևի (չէ ասուած) ռուսերէն թարգմանութիւնից, այդ պատճառով էլ շատ անուշենների տառադարձութիւնները ռուսերէնի հետևողութեամբ են. օրինակ պֆէյֆեր (պֆայֆեր) Վեյնհօլդ (Վայնհօլդ), Հէյդէ (Հայդէ), Իւհան (Եօհան . Պետերսվալդայում (Պետերսվալդաու քաղաքում), պֆեննինգ (պֆենիգ) և այլն: Հարկաւ սրանք այնքան էլ էական սխալներ չեն, բայց լեզուի թերութիւնները շատ են ու բազմակողմանի. տպագրական սխալներն էլ հօ քրոնիկական ցաւ են դարձել Պետերսուրգում տպագրուող հայերէն գրքերի համար. կարծես շատ դժուար է օրինաւոր հայերէն իմացող և հմուտ սրբագրիչ ունենալը տպարանում: Լեզուի բազմաթիւ անճշտութիւններից մի քանի օրինակ. «Ամենքի երեսը արտայայտում է անյոյս մաշող մտատանջութեան դրոշմը» (էջ 4). «դրոշմ՝ արտայայտել» չենք ասում հայերէն, այլ դրոշմ՝ կրել» . «Նրա երեւուլուց (?)... խորհրդաւոր հայեացք են ձգում միմեանց վերայ» (էջ. 5) «մին (?) սիրում (?) երեխաներ ունեւ» (էջ 8). «Դրէյսիգեր. (կատաղաբար քառաշելով (?) (էջ 12).—բառաչում է կովը, ոչխարը...—«Եթէ եւ (?) չնայելով... (էջ 18). «Երևի անցնելուց (?) մտի է Հաուֆի մօտ» (էջ 24). «Եթէ նա նոցա (?)—խօսքը փողի մասին է—գինեմոնում թողնի».. (էջ 24) «Ոտս խեցի (?) է մտել», «ծայնով (?) հեկեկում է» (էջ

25).—հեկեկանքը հենց ձայնն է:—«չէի իմանում ինչ անել» (?) —էջ 26.— «կախաղանից դուրս (?) բերել» (էջ 29). «իսկ երբ հարձակում էինք գործում յառաջ, կուրծքս դէմ առած հեռացիր ճանապարհից, սատանայ, միշտ արթուն էի.» (էջ 31). —.անհասկանալի է:— «բոլոր ոյժդ վեր ես դնում (?)». (էջ 32). «..այդ փափկաթիչ (?) բրդոտութիւնը..» (էջ 48). «Դուք թաւազայ (?) արէք նրան» (էջ 48). «քացի այդ բոլորից էլ ազնուական է դարձել» (?). «ես քեզ նման մտածէի. ուր կլի- նին (?) հիմա իմ եօթը աշակերտները» (էջ 48). «նա կարողանում է անասունների վրայ էլ ապականութիւն բերել» (?) (էջ 49): «մի զոյգ կոճապղպեղ տուէք մեզ (էջ 50) անհաս- կանալի. հետեւալ նախադասութիւնից պարզ երևում է, որ այդ «կոճապղպեղ»-ը (?) օդի է. ուրմն էլ «մի զոյգը» ձրն է.— երևի երկու բաժակ օդի պէտք է լինի: «Այնպէս լաւ արտ էր, եւ այդ բոլորը յանկարծ քարծրից բշեց դէպի տնակս»: (?) —էջ 51. «քեզ բնակարան է հարկաւոր ուսմիկը ասում է, ա՛յ քեզ ծակ եւ ինձ աւելի վնարիր, օգնիր եւ խոտ ու ցորենը հաւաքել...» (?)—էջ 52: «Երբ 40 տարի մշտապէս ցցապատուես (??), վերջ ի վերջոյ մի բան կսովորես» (էջ 52): «Դու վրայ վսե- մութիւն թողնելով (?)».—էջ 54.— «կատուի ծիծաղը, մկների լացն է»—հայերէն ասում են՝ «կատուի խաղը—մկան մահը»: «Նստած է առուակում ամենեւին մերկ» (?)—էջ 57.— «Ախ, դու ինչ են հասկանում՝ դրա մէջ» (?)—էջ 66.— «Ուժով քա- շում է կարովի (?) զանգը».—էջ 66.— «Եթէ կարողանայի քեզ տեղ (?) բանիլ..» (էջ 85). երկու ջուհակ միմեանց բարեկիս մէկն ասում է. «Աստուած օգնական». (էջ 86). այս խօսքերով բարեւում ենք միայն—վարդապետներին «ինչ որ ամենալաւ ազ- նուական (?) կերակուր կայ, նա (?) է փորումն.» (էջ 98). «իսկ ինչ պիտի արծակէք դազանակները (??!)» — էջ 101.— և այլն: Արդեօք բարեխղճութիւն է Հառապտմանի պէս համաշ- խարհային հոչակ վայելող հեղինակի մի լուրջ գրուածքն այս- պիսի լեզուով հրատարակելը. այս թարգմանութեան վրայ առան- ձին ուշադրութիւն դարձրինք, որովհետեւ գրուածքի հետաքրքր- րական լինելու պատճառով կարող է պատահել, որ հայ դերասանա- կան խմբերը կամ թատերասէրները ներկայացնեն «Ջուհակները» այսպիսի թերի ու անճիշտ հայերէնով: Խորհուրդ ինք տալիս գերմանագէտներին՝ բնադրից թարգմանել ժամանակիս ոգուն համապատասխանող այս հետաքրքրական գրուածքը:

ՍՏԱՑՈՒԱԾ ԳՐԻՆԵՐ

- Ռ. Հաուպտման. Զուհակներ. ռուս. թարգմ. տ. Ս. Արտեմեան. Ս. Պ. Բ. 1905 զ. 40 կ.
- Պրոֆ. Վ. Զոմբարտ. Բանուորական հարց. գերմ. թարգմ. խմբագրութեամբ և յաւելուած բառաթերթով՝ Արտաշէս Արեղեան. Թիֆլիս 1906. զ. 40 կ.
- « — » Տնտեսական և Սոցիալ-քաղաքական հարցեր. գերմ. թարգմ. նոյն. Թիֆլիս. 1906. զ. 10 կ.
- Դիւլիստանցի. Մկա վախ չունիմ. պատկեր հայ գաղթականների կեանքից. Թիֆլիս 1905.
- Վարուժան Դանիէլ. Սարսուռներ. քնարական բանաստեղծութիւնք. Վենետիկ 1906
- Армянскій календарь на 1906 г. М. Чмишевьянъ. Тифлисъ. 20 կ.
- Քրիզոր Վանցեան. Հայ հեղինակներ. Բ. տպ. բարեփոխած-հարստացրած. Թիֆլիս 1906-ին.

ՆԵՐՔԻՆ ՏԵՍՈՒԹԻՒՆ

Հայ-թուրքական համագումարը: ԳԵՐ. ՆՆԴԻԲԱՐԵԱՆ.—Գարունը հայոց աշխարհում. հայ զիւղացու պէտքերը. ինչ տեսակ օգնութիւն է հարկաւոր նորան. գործունէութեան ընդարձակ ասպարէզ—Ս. Էջմիածնի միաբանութիւնը սթափուում է: Խորհրդակցութիւն դպրոցական գործի համար: Դպրոցական համագումար:—Երեւանի թեմական դպրոցի աշակերտների գործադուլը, Ղարաբաղի թեմի դպրոցի աշակերտների պահանջները եւ Ներսիսեան դպրոցի աշակերտների դասադուլը:—Թիֆլիզի հայոց բարեգործական ընկերութիւնը: Հայունեաց բարեգործական ընկերութիւնը եւ նորա գործունէութիւնը: Իրամատիքական ընկերութիւն: «Հայկազեան քաղաքակրթական միութիւն»:—Պետական խորհուրդ եւ Պետական Իռւմա: ՏԵՂԵԱԿ—Ներքին լուրեր:—Նամակ խմբագրութեան. ՀԱՅԿ ՏԷՐ-ԱՍՏՈՒԱԾԱՏՐԵԱՆ

Վերջացաւ հայ-թուրքական կատակերգութեան և վերջին պաշտօնական ներկայացումը:

Մենք արդէն փորձով գիտենք, թէ ի՞նչ երևելի հետեանքներ կարելի է սպասել այս բոլոր ժողովներից: Երբոր փետրուարեան սարսափներից յետոյ Բագու էլ գննեալ—նահանգապետի համաձայնութեամբ նոյնատեսակ կօմիտէ կազմուեց, այնտեղ էլ կային մարդիկ, որոնք գիտէին թէ ի՞նչ միջոցներով կարելի է վերջ տալ կոտորածներին և առաջարկեցին՝ նախ մեղաւորներին պատժելու կարևորութիւնը և երկրորդ շէնքերի հատուցումը: Այն ժամանակ էլ թուրքերը չհամաձայնեցին և հայերն էլ լռեցին և յետագայ սարսափները անխուսափելի դարձան:

Այս բոլոր նիստերի ժամանակ ամենից գլխաւոր հարցը չառաջարկուեց: Ոչոք չհարցրեց իշխանութեան ներկայացուցիչներից՝ թէ արդեօք կ'այ Կովկասում կառավարութիւն թէ ոչ: Եթէ կառավարութիւն կայ, այն ժամանակ նա պարտական է իւր հպատակների կեանքը և գոյքը պահպանել, որպէս և անմիջապէս իրօք պարզել տեղի ունեցած անկարգութիւնների պատճառները, երևան հանել մեղաւորներին և արդարացի պատ-

ժի ենթարկել: Այս բոլորը մի ամբողջ տարի է չի կատարուում: Իսկ եթէ կառավարութիւն չկայ և կոռուող կողմերը իրենք պիտի հնար գտնեն կոտորածների առաջն առնելու, այն ժամանակ համագումարները պիտի վաւառներում լինեն և առանց իշխանութեան ներկայացուցիչների:

Թուրք պատգամաւորների քսու վարժունքները, նրանց պաշտպանութիւնը ոստիկանութեան, նրանց բողոքը անկարգութիւնների սլաւաճառները և մեղաւորները երևան հանելու դէմ, կառավարութեան մի ամբողջ տարուայ յանցաւոր անգործութեան հետ միասին վերցրած, մեզ բերում են այն անխախտ համոզման, որ այս համագումարից էլ ոչինչ չի դուրս գալ:

Չէ որ Բագուի փետրուարեան անցքերի առիթով էլ Բարձրագոյն հրամանով սենատոր Կուզմինսկին եկաւ պատճառները և մեղաւորները երևան հանելու, բայց սենատորը իրօք մի հրաշալի հետազոտութիւն կատարեց Բագուի նահանգի վարչութիւն, տնտեսական խնդիրների, արդարագատական խնդիրների վերաբերեալ, բայց ոչ փետրուարի անցքերի: Հէնց գլխաւոր խնդիրը սենատորը ծամծմեց և սուղեց և ես այդ մի քանի անգամ զանազան յօդուածներում տսել եմ: Երևակայեցէք, որ սենատորը ամենայն լրջութեամբ գրում է, թէ իզուր հայերը հրաւիրում էին թուրքերին ապստամբուելու Ռուսաստանի դէմ, բայց թուրքերը (այս ամենահաւատարիմ տարրը) մերժեցին հայերին: Եւ ապացոյց էլ է բերում սենատորը, յիշելով, որ Եգիպտոսում հրատարակուող թուրքերէն «Չախրանումա» թերթի մարտի 25 համարում տպագրուած է հայերի այդ հրաւերը: Չարմանալի՜ ըզվիզիա, Եգիպտոսից էլ փաստեր. իսկ թէ արդեօք այդ հրաւերը իրօք Կովկասում եղել է թէ ոչ, ոչ մի փաստ չէ բերում և սենատորը չի կամեցել հետաքրքրուել, թէ արդեօք փետրուարի անցքերի հեղինակները չէ՞ին կարող փետրուարի վեցից յետոյ իրենց յանցանքը ծածկելու համար ուղարկել մի հնարուած պրօկլամացիա և տպել տալ Եգիպտոսում, իսկ Ռուսաստանին շատ սիրող և հաւատարիմ չինովնիկ Կախանովսկուն ինզրել, որ թարգմանի սենատորի համար այդ հազուագիւտ ղօկումէնտը (չար լեզուները ասում են, որ հենց այդպէս էլ եղել է): Այսպիսով մինչև անգամ սենատորական ըէվիզիան իսկական պատճառները պարզելուց խուսափել է և բռնել է հայ յեղափոխականների պոչը, որ և թուրքերն են անում:

Արդ՝ էլ ի՞նչ են սպասում սրանցից հայ պատգամաւորները: Նոյն սենատոր Կուզմինսկու հետ աշխատող քննիչ-

ները—խողովակին և Լեախովիչը բազմաթիւ նիւթեր ունին ժողոված փետրուարի անցքերի մասին, բայց այդ ցուցմունքները կամ մնացին առանց ուշադրութեան կամ նրանցից անխուսափելի եզրակացութիւններ չարուեցին: Ալթմա էլ նոյնն է լինելու, եթէ քննութիւնը չկատարուի հասարակութեան ներկայացուցիչների մասնակցութեամբ և արդար դատաստան չկատարուի մեղաւորների համար: Բայց մենք համոզուած ենք, որ ոչ մէկն է լինելու և ոչ միւսը, քանի որ գոյութիւն կունենան կաշառակեր, ոտից մինչև գլուխ փտած չինովներին և Ռուսաստանի կորստեան պատճառ դառնող պաշտօնեաներ:

ԳԱՐ. ԵՆԳԻԲԱՐԵԱՆ

Անցաւ դաժան, արիւնալի, մահաշունչ ձմեռը. դեռ քանի սերունդներ պէտք է դառն վշտով ու խորին զայրոյթով յիշեն այս ձմեռուայ արհաւիրքներն ու աւերումները: Մեր չնաշխարհիկ հայրենիքի մի մասը, ամբողջ բանաստեղծական վրաստանը, շուրջ Բալտեան երկիրները, Լեհաստանը, ամբողջ Ռուսաստանը, կարելի է ասել, մարդկային արեան հեղեղներով ծածկուեցան, մասամբ աւերուեցան, մասամբ հրդեհուեցան և սոսկալի վիճակի մէջ են դիմաւորում ծաղկափթիկի գարնան գալստեանը: Գարնն. արդեօք մեզ համար գարուն կգայ այս տարի. ահա այն սարսափելի հարցը, որ տալիս է ամեն մարդ ինքն իրեն. գարնանը կենդանանում է ամբողջ բնութիւնը և սթափոււմ ձմեռուան խոր քնից, երկրագործն իր դաշտն է հերկում, այգեգործն իր յօտոցն առնում...: Բայց ո՛ր են մեր երկրագործն ու այգեպանը և ի՞նչ վիճակի մէջ. շատերն են փախել իրենց ճակատի քրտինքով ոռոգած դաշտերից, շատերն են դառն արտասուք թափում իրենց նախկին շէն այգիների կտրտած որթերի ու ծառերի չորացած ու արմատահան եղած մնացորդները տեսնելով: Քանի քանի տներ ու օջաղներ են քանդուած, գետնի հետ հաւասարեցրած, երկրագործական գործիքները յափշտակուած. ո՛ր են խեղճ ու մոլոր գիւղացիների միակ սփոփիչները, նրանց ուրախութեան ու ապրուստի աղբիւր «մարալներն» ու «ջէյրաններն», «սարապրուստի աղբիւր «մարալներն» ու «ջէկօները», գիշեր-ցերեկ իրենց զաւակների պէս փայփայած եզն ու գոմէշը, ձին ու կովը: Չկան սրանք. յուսահատուած գիւղացին ան քաշելով ու, ինչպէս ասում են, քթիցը ծուխ արձակելով որոնում է, սար ու ձոր է ընկնում, բայց իզո՛ւր. մի մասը թուրքերի կերպարանք ստացած գայ-
 2
 Լումայ

լերն են յափշտակել, միւս մասը զազախների կերակուր դարձել կամ ոստիկանութեան ձեռքով ծախուել՝ տուրքերը վճարելու համար: Ինչո՞վ պէտք է գետինը հերկէ գիւղացին, որ հետեւեալ ձմեռը սովամահ չլինի. ահա մեծ և այս բոլորիս ամենաէական խնդիրը:

Լքուած ու տանջուած գիւղացուն պէտք է օգնութեան հասնի հասարակութիւնը. պէտք է անյապաղ տալ նրան ուրիշ «մարախներ» ու «ջէյրաններ», նոր բահ ու խոփեր, չութ ու գութաններ, խնոցիներ ու սամոգէէններ: Այս կերպ, միայն այս կերպ կարելի է նորից ոտքի կանգնեցնել հայ գիւղացուն, և ոչ թէ կոպէկներ ու մանէթներ բաժանելով. ցանկալի և անհրաժեշտ է, որ մեր արկածեալներին օգնող մասնաժողովն այս կերպ գործադրէր հայ ժողովրդից ու հաստատութիւններից ստացուած հարիւր հազարները: Սբ. Էջմիածինը, Պետերբուրգի ու Մոսկուայի հայ եկեղեցիների կալուածքները կառավարող հոգաբարձուները, Ներսիսեան դպրոցի, վարչութիւնը և այլն չխնայեցին իրենց օգնութիւնը. ժողովուրդն էլ իւր կարողութեան չափ օգնեց և օգնում է. բայց այս բոլորը զուր կանցնի, եթէ մասնաժողովը մեծ աչալըջութեամբ և հոգացողութեամբ չբաշխի նպաստները: Անհրաժեշտ է ձեռնհաս մարդիկ ուղարկել գաւառները, իմանալ իսկական կարիքները և առանց կողմնակի հաշիւների ու միտումների բաժանել կարևոր անասուններն ու երկրագործական գործիքները: Թող մի կողմը մնան այս կամ այն կուսակցութիւններն ու քաղաքական դաւանանքները, թող հրապարակ գան մեր անկեղծ, բուռն զգացմունքներով օժտուած հայ երիտասարդները, ուսանողները, ուսանողուհիները, շրջեն գիւղերը, մխիթարեն, ցուցակագրեն կարիքները, ուսանողուհիները մօտենան ամօթխած և օտար տղամարդուն չմօտեցող կանանցն ու աղջիկներին, լսեն նրանց ծովացած դարդերն ու լեռնացած վշտերը, մի փոքր էլ նրանց կարիքները հոգան:

Ազատութեան ու հաւասարութեան գաղափարով ոգևորուող ինտելիգենտ երիտասարդներ, ժողովրդի անունով խօսող, նրանց իրաւունքների պաշտպան հանդիսացող իդէալիստներ, ահա ձեզ համար գործունէութեան լաֆն ասպարէզ. վերցրէ՛ք ճանապարհորդական ցուպը և մտէ՛ք թշուառների շրջանը. դիտեցէ՛ք, գրեցէ՛ք, նկարեցէ՛ք, զրուցէ՛ք, մխիթարեցէ՛ք, յուսադրեցէ՛ք և օգնեցէ՛ք կարօտեալներին: Եթէ սիրում էք ժողովրդին, իւր քրտինքով օրական պարէնը վաստակող գիւղացուն, որ մեր ազգի ճնշող մեծամասնութիւնն է կազմում.

այս է այս բոլորիս նրա կարիքը, պահանջը և ոչ թէ Գետական ղուլմային մասնակցելու կամ չմասնակցելու, այլ թե՛ քահանայների ամուսնանալու, կամ արմատական ու չափաւոր դեմօկրատ լինելու ինդիւիդները: Այժմ օգնեցէք, ոտքի կանգնեցրէք նրան, որ ապագայում, իւր հերթին, նա էլ գիտակցաբար օգնէ ձեզ, նպաստէ ձեր իդէալների իրականանալուն. այլապէս նա երեսը շուռ կտայ ձեզնից և պոռոտախօս անունը կդրոյձէ ձեր երիտասարդ ճակատին:

Գարնան շունչը սթափեցրեց և սբ. Էջմիածնի միաբան հայրերին. ալեգարդ Մասիսից փչող զով բամին շոյելով նրանց մոայլ դէմքերը, յիշեցրեց թէ բաւական չէ, որ իրենք լոկ խօսքով համարոււմ են հայ ազգի ներկայացուցիչները, դպրոցական գործի պաշտօնական իրաւատէրը. բաւական չէ միայն խօսքով ասել հայ ժողովրդին՝ թէ մենք էլ ձեզ հետ ենք, ձեզ հետ միասին մտածենք, աշխատենք, կարգի բերենք և գործը ընդհանուր ազգի շահերին ծառայեցնենք: Բաւական չէ միայն տրտնջալ և հոգևոր բարձրագոյն իշխանութիւնից դժգոհ մնալ, թէ ինչո՞ւ ամեն բան, նոյն իսկ հոգևորն ու դպրոցականը աշխարհականներին են յանձնուում, մենք ի՞նչապէս ենք այստեղ. մի՞թէ մենք ոչինչ չենք հասկանում և այլն: Այո, սուրբ հայրեր, խօսելը բաւական չէ, գործ է հարկաւոր, գործ. շուտով մի տարի կլինի, որ մեր դպրոցները մեզ վերադարձրին լայն իրաւունքներով. ցայժմ դուք ի՞նչ արիք, մշակեցիք ծրագիրներ, նպատակայարմար առաջարկութիւններ արիք, գոնէ ուսումնասիրեցիք, հարկաւոր նիւթերը հաւաքեցիք ...: Եթէ դուք չէք անում ձեր հասկացողութեան համեմատ, էլ ինչո՞ւ էք դժգոհում, որ աշխարհականներն են գործ անում՝ հարկաւ իրենց հասկացողութեամբ: Ո՛ւր են ձեր գործերի ապացոյցները. մի հատ ամսագիր էք հրատարակում միաբանութեան անունով, այն էլ անգոյն, աննիւթ, անհետաքրքրական. ի՞նչ են անում ձեր համալսարանաւարտ ընկերները, էլ ո՞ր օրուայ համար են պահում իրենց գիտութիւնն ու հմտութիւնը...:

Ինչևիցէ, վերջապէս միաբանութիւնը շարժուեց: Մարտի 3-ին Սուրբ Էջմիածնում տեղի ունեցաւ մի խորհրդակցութիւն՝ դպրոցական գործի համար. մասնակցում էին միաբաններից շատերը և ճեմարանի ուսուցիչները: Դիւանապետը յայտնում է թէ Վեհափառ Հայրապետը կարևոր համարեց հրաւիրել այս ժողովը, ի նկատի ունենալով, որ մեր դպրոցական կեանքում

առաջացել են նորանոր կարիքներ. հարկաւոր է դպրոցների և ճեմարանի համար մշակել նոր կանոնադրութիւն և ծրագիր, այլ և քննութեան ենթարկել Թիֆլիզի ուսումնական յանձնաժողովի կազմած ծրագիրը՝ ծխական դպրոցների համար:

Ժողովականներն երկար վիճարանութիւններից գալիս են հետեւել եզրակացութեան. անհրաժեշտ է մայիս ամսի սկզբներին սբ. Էջմիածնում դպրոցական համագումար հրաւիրել՝ ճեմարանի, թեմական և ծխական դպրոցների համար կանոնադրութիւն և ծրագիր մշակելու համար. համագումարին ընտրութեամբ պէտք է մասնակցեն սուրբ Էջմիածնի միաբանութեան, թեմական և ծխական դպրոցների ուսուցչական խմբերի և հոգաբարձութիւնների ու հայաշատ քաղաքների պատգամաւորները. առանձնապէս կը հրաւիրուեն նաև դպրոցական գործին հմուտ և այդ ասպարիզում երկար ծառայած մարդիկ:

Դպրոցական կանոնադրութիւնների ու ծրագիրների մշակութեան գործն արդէն հասունացած խնդիր լինելով, սրտանց կարելի է ողջունել սբ. Էջմիածնի ձեռներեցութիւնը՝ համագումար կազմելու վերաբերմամբ. պատգամաւորները թող լինեն ընտրովի և հրաւիրուած, միայն ի սէր մեր դպրոցական գործի, դպրոցների հետ առնչութիւն, գործի մասին հասկացողութիւն չունեցող և անտեղեակ մարդիկ չլինեն համաժողովում. դրանք միայն խանգարում են պարապմունքը և արգելք լինում կանոնաւոր գործ առաջ տանելուն:

Սակայն... մարտի 3-ին տեղի ունեցած վճիռների մասին միայն լրագիրների մասնաւոր թղթակիցները հաղորդեցին. ահա մարտը վերջանում է և դեռ ևս ոչ մի պաշտօնական տեղեկութիւն չունինք՝ թէ արդեօք ճիշտ էր լրագիրների հաղորդածը. ոչ մի կարգադրութիւն չի եղել հոգևոր իշխանութեան կողմից: Ինչո՞ւ. չէ՞ որ ցանկալի էր, որ դպրոցական հաստատութիւնները ձեռնունայն պատգամաւորներ չուղարկէին Էջմիածին, այլ պատրաստի մշակուած հայեացքներով ու ծրագիրներով. երբ և ինչպէս նախապատրաստուեն դրանք, երբ ոչ մի կարգադրութիւն, նոյն իսկ լոկ պաշտօնական տեղեկութիւն էլ չի տրոււմ դրանց: Էլ ինչո՞ւ են դանդաղում. չէ՞ որ ընդամենը մի ամիս է մնում մինչև մայիս ամիսը. գուցէ նորից միտքը փոխեց հոգևոր վարչութիւնը...

Գարնան հովերն աշխուժութիւն, շարժունութիւն և վճռականութիւն ներշնչեցին նաև մեր դպրոցական պատա-

ներքին. նրանք էլ վերջապէս հրապարակ հանեցին իրենց սրտի իղձերն ու ցանկութիւնները և դրա հետ միասին իրենց խոհականութեան, հեռատեսութեան և զարգացման չափը ցոյց տուին իրենց դպրոցի պատերից դուրս, ամբողջ հայ հասարակութեանը. հետեանք՝ խորին հիասթափութիւն... Արդեօք յանցաւորը պատանի աշակերտներն են. ոչ, հազար անգամ ոչ. դպրոցներն են մեղաւորը-մասամբ: Այս մտաւոր մնանկութեան յանցանքի ամենից մեծ բաժինն ընկնում է ժամանակակից հասարակութեան, շրջապատող մթնոլորտի վրայ:

Երևանի թեմական դպրանոցի աշակերտների գործադուլին հետեցին Ղարաբաղի թեմական դպրանոցի աշակերտների պահանջները և վերջապէս նաև Թիֆլիզի Ներսիսեան դպրանոցի, մեր ամենահին դպրոցական հաստատութեան աշակերտների դասադուլը: Երևանի և Շուշուայ թեմական դպրոցների ղեպքերը մեր մամուլի մեծամասնութիւնը դատապարտեց՝ իբրև հետեանք այդ դպրոցներում իշխող «տիրացուական» կրթութեան, յետադիմական ուղղութեան պատկանող վարիչների և այլն փառք Աստուծոյ, Ներսիսեան դպրոցի մասին նոյնը չեն կարող ասել. տասնեակ տարուց աւելի է, որ դպրոցը ղեկավարւում է ազատամիտ և յառաջադէմ հոգաբարձութիւններով և Սաղաթելեան-Բալաղեան-Մալխասեան ազատամիտ տեսուչներով: Ինչո՞ւ նոյն երևոյթը կրկնուեց այստեղ միև դպրոցների աշակերտները գոնէ իրենց հասկացողութեան չափ՝ սխալ թէ ուղիղ պահանջներ դրին դպրոցի կանոնադրութեան և ծրագրի վերաբերմամբ. իսկ ինչի՞ համար դասադուլ արին Ներսիսեան դպրոցի Սաղաթելեան-Բալաղեան-Մալխասեան ազատամիտ տրիօ վարչութեան կրթած աշակերտները. մի մեծ բարոյական գաղափարի համար. ինչպէս որ վայել է սխալ հասկացուած ազատամտութեանը, նրանք մեծ զայրոյթով պաշտպան հանդիսացան... ամօթ է մինչև անգամ ասելը...:

Արդեօք աշխարհիս երեսին մի դպրոց կգտնուի, որ սրանից աւելի ողբալի դրութեան մէջ լինի...: Ո՞վ է մեղաւորը, միթէ այդ անփորձ պատանիները...: Ոչ. յանցաւոր են դպրոցական գործին անտեղեակ, ապաշնորհ և միայն իրենց մասին մտածող վարչութիւնները, որ փոխանակ աշակերտների դաստիարակութեան մասին հոգալու և այդ գործին սրբաւորանք նուիրելու՝ էժանագին ազատամտութեան ետևից են ընկնում և այդպիսով միայն ուզում յարգանք վայելել...:

Առաջ բերենք նաև Շուշուայ թեմական դպրոցի աշակերտների պահանջները:

1. Դպրոցը գատել միանգամայն կղերականութեան հսկողութիւնից և հովանաւորութիւնից, դարձնել նրան զուտ ժողովրդական հաստատութիւն, տեղական (դպրոցական) ներքին ամենալայն ինքնավարութեամբ:

Մանօթ. Ի հարկէ մանկավարժական ժողովը և աշակերտութիւնը կապ պահպանելով ուրիշ քաղաքների հայ դպրոցների մանկավարժական ժողովների և աշակերտութեան հետ:

2. Դպրոցը դասել տալ պետական միջնակարգ դպրոցների շարքը, իրաւական տեսակէտից՝ համալսարան ընդունելու համար:

3. Հիմնել եօթերորդ՝ իբրև լրացուցիչ դասարան:

4. Աշխարհաբարը տիրող լինի բոլոր դասարաններում, իսկ գրաբարը աւանդել իբրև կլասիկ լեզու Ե. դասարանից:

5. Ռուսաց լեզուն կանոնաւոր հիմքերի վրայ դնել, յաճախ տալ հայերէն և ռուսերէն շարագրութիւններ, որպէսզի աշակերտներն ընտելանան երկու լեզուներով կանոնաւոր գրելուն:

Գերմաներէնը սկսել Բ. դասարանից, դրուած կանոնաւոր հիմքերի վրայ:

Ֆրանսերէնն անցնել Գ-րդ դասարանից, իբրև լեզուական ծանօթութիւն. Լեզուները շարունակուեն Դ-րդում:

6. Հայոց հին գրականութիւնը համառօտ անցնել Ե-րդ դասարանում, իսկ Զ-րդում նորագոյն գրականութիւնը. Զ-րդ դասարանում անցնել ռուսաց գրականութիւն:

7. Հայոց հին միջին դարերի քննական պատմութիւնն անցնել Ե-րդում: Նոր և նորագոյն դարերինը Զ-րդում և հիմնուելիք Ե-րդում:

Ռուսաց պատմութիւնը չաւանդել լոկ իբրև առասպելական կամ չոր նիւթ՝ գէպքերի ժողովածու, դնել կանոնաւոր հիմքերի վրայ: Անցնել նաև Ռուսաստանի 19-րդ դարի քաղաքական շարժումների մասին: Պատմական առարկաները շարունակել Ե-րդում:

8. Կրօնական առարկաները կրճատել մինչև Ե. դասարան, իսկ Ե-րդում և Զ-րդում Քրիստոնէական վարդապետութիւնը աւանդել իբրև փելիսոփայական առարկայ:

Տկեղեցական պատմութիւնը համառօտ անցնել Հայոց պատմութեան հետ:

Սրբազան պատմութիւնները (հին և նոր ուխտ) համառօտ անցնել ընդհանուր պատմութեան հետ Գ-րդ դասարանում:

9. Բուսաբանութիւն և հանքաբանութիւն Գ.-րդում: Քիմիա Դ.-րդում. Հողեբանութիւնը և մանկավարժութիւնն (տեսական և գործնական) ընդարձակ կերպով անցնել Զ.-րդում և Է.-րդում: Բնագիտութիւնն անցնել նաև Է.-րդում:

Է.-րդ դասարանում ծանօթացնել քաղաքատնտեսութեան և քաղաքակրթութեան պատմութեան հետ:

Մաթեմատիկան ամբողջովին անցնել. մտցնել եռանկիւնաչափութիւն, երկրաչափական գծագրութիւն բարձր պատարաններում:

10. Հողաբարձուներն ընտրուին ինտելիգենտ և ձեռնհաս մարդիկ ժողովրդի ձայնաւութեամբ և աշակերտութեան մասնակցութեամբ,

Հողաբարձութեան պաշտօնն է.

I. Վարել դպրոցի նիւթական բոլոր գործերը:

II. Ամեն տարի ներկայացնել նիւթական հաշիւ ժողովրդի ներկայութեամբ:

III. Հրաւիրել աշխարհական տեսուչ աշակերտների մասնակցութեամբ.

IV. Հրաւիրել ուսուցիչներ տեսչի համաձայնութեամբ և աշակերտութեան մասնակցութեամբ:

11. Ուսուցիչները լինին մասնագէտներ:

Ուսուցիչները կանգնած լինին իրանց կոչման բարձրութեան վրայ և վերացնել բռնապետական վերաբերմունքը դէպի աշակերտները:

Ուսուցչական կազմը լուծուի միւս տարուանից և կայանան ընտրութիւններ վերոյիշեալ կանոնների համաձայն:

12. Աշակերտական ընկերական դատական մարմինը մանկավարժական ժողովից իրաւական համարուի. աշակերտութեան բնթացքի մասին յանձնառու է նաև ընկերական դատական մարմինը:

Դպրոցի տեսուչը և մանկավարժական ժողովը իրաւունք չունենան որ և է աշակերտ արձակել առանց ընկ. դատական մարմնի համաձայնութեան:

13. Վերացնել թուանշանները. ուսուցիչը միայն յուշանշաններ նշանակէ իր համար աշակերտի որ և է առարկայի մէջ առաջադիմութեան մասին, իսկ դասարանի դաստիարակը երկամասեակի վերջին պարտաւոր է յայտնել աշակերտին նրա որ և է առարկայի թուութեան մասին, իսկ մինչև Բ. դասարան նաև ծնողներին. ուսուցիչները պարտաւոր են աշակերտի թոյլ առարկաների մասին հոգալ, գլխաւորապէս ցածր դասարաններում:

Վերացնել թուանշանային ատեստատը և լինին միատեսակ վկայականներ:

Քննութիւն լինի միայն վերջին (7-րդ) դասարանում գլխաւոր առարկաներից:

14. Խալառ վերացնել նկատողութեան ցուցակները:

15. Յաճախ կազմել դրական երեկոյթներ, ուր պէտք է մասնակցութիւն ունենան, ոչ միայն աշակերտները, այլ և ուսուցիչները, դասախօսելու ժամանակակից հարցերի մասին, հեռու միայն կուսակցական հողից:

16. ձոխացնել դրագարանը գիտակցանք գրքերով: Հիմնել ընթերցարան, ստանալ յառաջադէմ ուղղութեան լրագիրներ:

17. Վերացնել վանազան սրբերի տօներին աշակերտներին եկեղեցի տանելը և հանդիսաւոր կերպով տօնել միայն Վարդանանց ու Վահագն Հայրիկի (Իբրև հայ հեղափոխութեան նախակարապետներից մէկի) տօնը:

Երգչական խումբը երգէ եկեղեցում միայն անհրաժեշտ դէպքերում:

18. Հոգ տանել աշակերտների առողջութեան մասին. մտցրնուի առողջապահական դասեր և հիմնել մարմնամարզարաններ:

19. Իպրոցի դահլիճը և սենեակների մէկը (աշակերտական ժողովների համար) դնել աշակերտների տրամադրութեան տակ:

Սրանք են ահա քաջ, հայրենասէր զարաբաղցի մելիքների այժմեան գաճաճ սերունդների մեծազորդ պահանջները. արդեօք այս չէ՞ նշանակում մեր ձեռքով մեր տունը քանդել. արդեօք շուշեցիներն այլ ևս չեն տեսնում իրենց հրեհուած տները, աւերուած, քանդուած օջաղները, որ կարծում են թէ արդէն ամեն ազատութիւն ստացել ենք, այլ ևս ոչ մի երկիւղ չկայ և կարող ենք անել այն ամենը, ինչ որ քէֆներս տանք. անհեռատեսութիւնը պատանեկութեան բաժինն է, բայց...:

Գարունը բարերար ազդեցութիւն ունեցաւ նաև մեր ընկերութիւնների վրայ. Թիֆլիզի բարեգործական ընկերութիւնը ցանկալով դուրս գալ իւր այժմեան նեղ շրջանից՝ որոշեց վերականգնել նախկին «Կովկասեան բարեգործական ընկերութիւնը» և դիմեց պատշաճաւոր իշխանութեան թոյլտուութիւնը խնդրելու. յաջողութիւն ենք ցանկանում: Սակայն միթէ ընկերութեան անունը պէտք է մեծ լինի, որ վարչութիւնը գործ շինի, հասարակութեան մէջ հետաքրքրութիւն գարթեցնէ. թնչ դրութեան մէջ է այդ ընկերութեան ճաշարանը, որ բանոցը.

Ինչ աշխատանք և ջանք թափեցին վերջին համալիրելի հաստատութիւնը բարեկարգելու, ժողովրդականացնելու այսպիսի մի յարմար ժամանակ, երբ մեր երկրում որբերի թիւը ոչ թէ տարեց տարի, այլ օր ըստ օրէ մեծանում, բազմապատկւում է. արդեօք այս դժբաղդ ժամանակներում ընկերութեան որբանոցում պատսպարուող որբերի թիւը ճրջանով աւելացաւ. աւերուած գիւղերից քանի որբ ընդունեցին այդտեղ .. հաւատացէք, փոքր անուն ունենալով էլ կարելի է մեծ և կանոնաւոր գործ առաջացնել՝ եթէ... անձնուէր, գործով հետաքրքրուող մարդիկ լինէին ընկերութեան ղեկավարները:

Աւելի համեստ և արդիւնաւոր գործունէութիւն ունի Թիֆլիզի հայուհեաց բարեգործական ընկերութիւնը. պահում է միայն մի կար ու ձևի դպրոց, որից տարեկան 12-15 օրիորդներ աւարտելով իրենց արհեստի ընթացքը, պատուաւոր աշխատանքով կերակրում են իրենց ընտանիքը. այս իսկական բարեգործութիւն է չքաւոր ընտանիքների համար: Հայուհեաց ընկերութիւնն անցեալ տարի ունեցել է 123 աշակերտուհի, որոնցից 54 արհեստաւորների դուստրներ, 28 մանրավաճառների, 10 վաճառականների, 7 գործակատարների և այլն. սրանցից 8 բոլորովին որբ, իսկ 31 հայր չունեցող աղջիկներ: Աշակերտուհիներից 21 բացի ձրի ուսումից ստացել են նաև կօշիկ, զգեստ, սպիտակեղէն, դասական և ձեռագործի պիտոյքներ և ղեղօրայք: Այդ թուին ընկերութիւնն ունեցել է 45 միանուագ վճարող գործադիր անդամ և 152 գործադիր անդամ. 1906 թ. յունուարի 1-ին ընկերութիւնն ունեցել է 30,776 բուբլի. տարուայ ընթացքում մուտք եղել է 5274 բ, իսկ ծախք 6265 բուբլի: Այս ընկերութեան հերթական խնդիրներից մէկն էլ կանոնադրութեան փոփոխութիւնն է. ցանկանք յաջողութիւն և աւելի արդիւնաւէտ գործունէութիւն: Եթէ կար ու ձևի դպրոցի աշակերտուհիների թիւը կրկնապատկուէր և արհեստի հետ ի միասին նաև պատշաճաւոր ուսումն տրուէր նրանց, ամենացանկալի գործունէութիւնը կհամարէինք այդ համակրելի ընկերութեան համար: Ուրիշ բաների ձգտելը կարող էր խոչնդոտ լինել այդ նպատակին:

Դրամատիկական ընկերութիւնն այս տարուայ անյաջող պայմաններից և դէֆիցիտներից յետոյ այնքան է կորցրել իւր նշանակութիւնն ու բարոյական վարկը, որ ահա չորսհինգ անգամ ընդհանուր ժողով է հրաւիրում, բայց ոչ մի անգամ ժողով չէ կայանում. ոչ ոք չէ հետաքրքրւում այդ ընկերութեամբ. արդեօք ինչ է նշանակում այս. Թիֆլիսի

հայ հասարակութիւնն այլ ևս թատրոն չէ ուզում ունենալ, թէ ընկերութեան վարչութիւնից է դժգոհ. եթէ վերջին հանգամանքը տեղի ունի, վարչութեանը մնում է միայն in corpore հրաժարական տալ և ուրիշներին յանձնել գործի ղեկավարութիւնը:

Բացի արդէն գոյութիւն ունեցող ընկերութիւններից, Թիֆլիսի հայ ինտելիգենտ շրջաններում այժմ եռանդով կազմուած են նոր ընկերութիւնների կանոնադրութեանց նախագծեր. «այսպէս օրինակ կարող ենք յիշել «հայ գրագէտների միութեան», «հայ դպրոցների ուսուցիչների միութեան» և «Հայկազեան քաղաքակրթական միութեան» անունները, որոնց ծրագիրները պատրաստուած են ներկայումս: Վերջին ընկերութեան ծրագիրն արդէն մշակուած, թարգմանուած է ռուսերէն և շուտով կառաջարկուի պատշաճաւոր իշխանութեան ի հաստատութիւն: Բազու նոյնպէս կազմուել է «հայ քաղաքակրթական միութիւն» անունով մի ընկերութիւն, որի նպատակն է «բացառապէս խաղաղ և օրինական միջոցներով նպաստել Բագուի, իսկ հնարաւոր եղած դէպքում և հարևան նահանգների հայերի քաղաքակրթական և տնտեսական զարգացման». նոյն նպատակն աւելի լայն ծաւալով պիտի ունենայ և «Հայկազեան քաղաքակրթական միութիւնը». արդեօք այս հանգամանքը լոկ զուգադիպութիւն է՝ թէ մի «և» կալ այդտեղ, առ այժմ հասկանալի չէ մեզ: Այնուամենայնիւ ցանկանում ենք լիուրի յաջողութիւն:

Հոկտեմբերի 17-ի բարձրագոյն հրովարտակից յետոյ, որով Ռուսաստանի ժողովրդին սահմանադրական իրաւունքներ տրուեցին, թէ ռուս մամուլը և թէ քաղաքական շրջաններում վիճարանութեան խնդիր դարձաւ՝ թէ արդեօք մի պալատեան սիստեմն է օգտակար, թէ հրկապալատեանը, որ առհասարակ ընդհանրացած է ներոպական պետութիւնների մեծամասնութեանց մէջ: Յայտնի է նոյնպէս, որ Ռուսաստանում գոյութիւն ունի և պետական խորհուրդ կոչուած հիմնարկութիւնը, որի բոլոր անդամները նշանակովի են. պետական ղումայի հաստատուելուց յետոյ՝ վերոյիշեալ հաստատութեան գոյութիւնը այլ ևս չէր կարող համապատասխանել հոկտեմբերի 17-ի հրովարտակի ոգուն, ուստի հարց ծագեց՝ թէ ինչ նշանակութիւն պէտք է տալ պետական խորհրդին: Ոմանք առաջարկում էին բոլորովին ոչնչացնել այդ հիմնարկութիւնը, ոմանք էլ ուզում էին ձեւափոխել և զարձնել վերին պալատ: Կառավարութիւնը հակուեց ձեւկերպութեան գաղափարին և փետրուարի 20-ին

հրատարակուած բարձրագոյն հրովարտակով այդ որոշումը յայտարարուեց ժողովրդին: Այսպիսով յաղթող հանդիսացաւ երկպալատեան սխտեմը. ստորին պալատը կլինի պետական դուման, իսկ վերին պալատը՝ պետական խորհուրդը: Առաջինի անդամները բոլորն ընտրովի են, իսկ երկրորդինը՝ կէսն ընտրովի, կէսը նշանակովի:

Պետական խորհուրդը պէտք է վերակազմուի հետեւեալ հիմունքներով.

1) Խորհուրդը կազմուած է բարձրագոյն նշանակուած և ուղղափառ հոգեւորականութեան, նահանգների գեմատվոյի ժողովների, ազնուականութեան, գիտութիւնների ճեմարանի, համալսարանների, առևտրի ու արդիւնաբերութեան խորհրդի, նրա Մոսկուայի բաժանմունքի, բորսային կոմիտէաների և վաճառականական վարչութիւնների ընտրած անդամներից: 2) Բարձրագոյն նշանակած անդամների թիւն ընտրովի անդամների թուից աւելի չպէտք է լինի: 3) Խորհրդի նախագահն ու փոխնախագահը նշանակուած են բարձրագոյն իշխանութիւնից: 4) Ուղղափառ հոգեւորականութեան անդամներն ընտրուած են սինոդի կողմից-թուով վեց. երեքը կուսակիցներից, երեքն աշխարհիկներից: 5) Իւրաքանչիւր նահանգական գեմատվոյի ժողով ընտրուած է խորհրդի մի անդամ և այլն: 6) Խորհրդի անդամ չեն կարող ընտրուել 40 տարեկանից պակաս անձինք, միջնակարգ դպրոց չաւարտողները, օտարահպատակները: 7) Խորհրդի ընտրուած անդամներն ամբողջ նստաշրջանի ընթացքում օրական 25 ռուբլի են ստանում: Ճանապարհածախս է տրուած տարեկան մի անգամ վերստին 5 կոպէկ: 8) Ընտրուած անդամներն երգուած են: 9) Խորհրդի օրինական կազմի համար հարկաւոր է բոլոր անդամների $\frac{1}{3}$ մասի ներկայութիւնը: 10) Խորհրդի նիստերը նախագահի թոյլտուութեամբ կարող են հրապարակական լինել: 11) Պետական խորհուրդը քննուած է պետական դումայի քննած օրինագիծը և նրան է պատկանում օրէնսդրական նախաձեռնութեան իրաւունքը: 12) Դումայից հաւանութիւն գտած օրինագծերը մտնում են պետական խորհուրդը: 13) Պետական խորհրդի նախագիծած և նրա կողմից հաւանութիւն գտած օրինագծերը մտնում են պետ. դումա: 14) Խորհրդից կամ դումայից չընդունուած օրինագծերը համարուած են մերժուած. 15) Բարձրագոյն հաստատուած օրինաւորում են մերժուած. 16) Արգելուած է պատգամաւորների ներկայանալն ու խնդրի մատուցանելը, ինչպէս խորհրդին, այնպէս էլ

դումային. 17) խորհրդի անդամներն ընտրուում են հողատէրերի որոշուած հողային ցենզ ունեցողներին, նահանգական ազնուականութեան պարագլուխների նախագահութեամբ կայացած համագումարներում և այլն:

Բացատրուած են նաև Պետական Դումայի կանոնների միջանի յաւելումները. 1) դուման կարող է կազմել առանձին բաժիններ ու մասնաժողովներ. 2) դուման ընտրուում է նախագահ, 2 օգնական, քարտուղար՝ օգնականներով: 3) Դումայի անդամը զրկուում է ազատութիւնից նստաշրջանի ընթացքում դումայի նախօրօք տուած թոյլտութեան համաձայն, բացի այն դէպքերից, երբ նրան բռնել են ոճիր գործելու ժամանակ: 4) Նախարարները և պետութեան առանձին մասերի կառավարիչները կարող են ընտրուել դումայի անդամ: 5) դուման կարող է հարցմունք տալ նախարարներին: 6) Նախարարներն ու կառավարչապետները ներկայ են լինում դումայում, բայց ձայնի իրաւունք են ստանում այն դէպքում, եթէ դումայի անդամ են: 7) Ընդհանուր ձայների մեծամասնութեամբ ընդունուած կարծիքը համարուում է դումայի կարծիք: 8) Դումայի նախագահն իրաւունք ունի թոյլ տալ ժողովրդի և մամուլի ներկայացուցիչների ներկայութիւնն ընդհանուր ժողովում: 9) Եթէ դումայի որոշմամբ հարցը պարզուած է համարուում, այդ առթիւ դատողութիւններն ընդհատուում են: 10) դումայի այն անդամը, որ դումա մտնելիս հրաժարուում է տալ պահանջուած խոստումը, համարուում է կոշումից զրկուած:

Դումայի հիմնարկութեան առաջին յօդուածն ամփոփուում է հետեւեալ խօսքերով. «Պետական Դուման հիմնուում է հիմնական օրէնքների ոյժով ու այդ հիմնարկութեան և պետական խորհրդի որոշած կարգով բարձրագոյն Ինքնակալի իշխանութեանն ուղարկուող օրէնսդրական նախագծերը քննելու»:

Ապրիլի 27 ից յետոյ, երբ պաշտօնապէս կսկսուին պետական դումայի նիստերը, Ռուսաստանը կկառավարուի վերօլիշիալ հիմունքների վրայ հաստատուած ժողովրդական ներկայացուցիչների սահմանած օրէնքներով:

ՆԵՐՔԻՆ ԼՈՒՐԵՐ

■ Վեհ. Հայրապետի կոնգակով ճարտարապետ Նիկողայոս Գրիգորեանը նշանակուել է Թիֆլիսի թեմի եկեղեցական կալուածների ճարտարապետ և էջմիածնի տաճարի վերանորոգութեան վերահսկող:

■ Ներսիսեան դպրոցի հոգաբարձութիւնն իւր դրամագլխից 20,000 ուրբի յատկացրեց Կովկասի հայ արկածեալների օգտին և 5000 ուրբի Նուշուայ հայոց թեմական դպրոցին իբրև նպաստ:

■ Լրագիրները հաղորդում են, որ Թիֆլիսի նախկին թեմակալ առաջնորդ Բ. Սրբ. Գէորգ արքեպս. Սուրենեանը և գերանահապետ եպիսկոպոսը բարձրագոյնս նշանակուել են էջմիածնի Սինօղի անդամ:

■ Թիֆլիսի քաղաքային դուման իրաւասու պ. Արշակ Բաբեանին ընտրել է պատուաւոր հոգաբարձու Հաւլաբարի նորարաց պրօգրմնագիւյի, որի բացման սկզբնապատճառը եղել է ինքը Բաբեանը:

■ Ս. էջմիածնում առաջիկայ մայիսին կայանալու է մի համագումար, ուր պիտի մշակուի նոր կանոնադրութիւն մեր դպրոցների համար:

■ Արդէն մշակուած պատրաստ է Թիֆլիզում կազմուող «Հայկազեան քաղաքակրթական միութեան» կանոնադրութիւնը և այսօրեքս կներկայացուի փոխարքային ի հաստատութիւն:

■ Այս օրերս մամուլին կյանձնուի Տիգի «Հողաչափութիւն» անունով աշխատութիւնը, բազմաթիւ նկարներով, որ փոխադրել է մեր աշխատակից օր. Նուարդ Աղանեանը: Այդ գիրքը մի կարևոր ձեռնարկ է գիւղացիների համար, որ պարունակում է իւր մէջ այն բոլոր գիտելիքները, ինչ որ պէտք է իմանան գիւղացիները հողը չափելու համար:

Նամակ խմբագրութեան

Amicus Plato, sed magis
amicus veritas est:

Որքան ընտրող են այս խօսքերը և ի՜նչ աստիճանի յարմար են, երբ հարցը մի անարդար յարձակման է վերաբերում: Կան անհատներ, որոնք Մարկոսի խաթեր համար արդար Կիրակոսին խաչում են և հասարակութիւնը լուռ հանդիսատես է լինում, նա խաբուած է, սակայն անգէտ լինելով՝ անտարբեր է:

Կարդացի պ. Կ. Կոստանեանի և նրա հակառակորդների նամակները և սպասում էի, որ վերջապէս հրապարակ կը գան և այն մարդիկը, որոնք Կ. Կոստանեանին լաւ ուսումնասիրել են, սակայն խօսողները դարձեալ երդուեալ հակառակորդներ:

բանակին են պատկանում, որոնք աշխարհին հաւատացնում են, թէ Կ. Կոստանեանը դեսպոտ է, անընդունակ է, մանկավարժ չէ և տեսուչ չը պէտք է լինի:

Ահա այդ պարոններին մի կարճ պատասխան.

—Պարոններ, ոչ թէ Կոստանեանը, այլ եթէ ձեզ համար հանգ. Ֆրուբեցկոյի նման մարդ բերեն, միևնոյն է, եթէ նա ձեր մարդը չէ, նա անընդունակ է:

Բայց այսքանը բաւական չէ, պէտք է առաջ գնալ և ի լուր աշխարհի ասել ճշմարիտը, որովհետև այժմ սարդենիների աշխարհ է, սարդենիով է պսակւում միայն մեր մարդը: Բայց խիղճը, որի համար հազարաւոր զոհեր են տալիս, այդ է թեւադրում խիղճը, ի հարկէ ոչ:

Պ. Կ. Կոստանեանը 1899 թ. նոյեմբեր 19-ին ինձ արձակեց Մայր Աթոռի ճեմարանի 2. դասարանից, միայն նրա համար, որպէս զի յանդգնութիւնիցս միաները չը վարակուին, քայց ես ձեռս դնում եմ խղճիս վրայ և ասում միայն ճշմարտութիւնը: Երբ ես Ներսիսեան դպրոցում էի, տեսուչ էր պ. Յ. Սաղաթելեանը (որի տեսչական ընդունակութիւնները ըողորդ պարոններին լաւ յայտնի է. ինչու հետո գնանք, նոյնը չէ արդեօք Ներս. դպրոցը նաև պ. պ. Ս. Բալաղեանի և այսօր Ստ. Մախասեանի օրով), որի օրով Ներս. դպրոցը Արշակաւանի էր փոխուած, և արդեօք ի՞նչ է տուել այդ դպրոցը հասարակութեան այս վերջին տարիների ընթացքում, թող խօսի ինքը հասարակութիւնը, թող խոստովանուեն շրջանաւարտները: Բացառապէս ոչինչ: Մենք միայն տեսել ենք, որ հայկաբանները աստուածաբանութիւն են դաս տուել, անտրօպօլոգները Ֆիզիկա կամ թէ մատեմատիկները հայոց պատմութիւն:

Սրանք այդ լիբերալ (պ. Կոստանեանը բանից դուրս եկաւ, որ խաւարամիտ է եղել, օքսկուրանտ, դա հօ անտա. նելի բան է) տեսուչների վարչական ընդունակութեան զոհարներն են և եթէ նրանք ուրանան՝ ես կապացուցանեմ: Ահա վարչական հերոսներ, ինչու սրանց չը հրաւիրել, չէ՞ որ սրանք մեր մարդիկն են:

Գնացի ճեմարան: Ճեմարանում կար նախ և առաջ կարգապահութիւն, մարդավարութիւն, պարտաճանաչութիւն, կրթութիւն, դասաւանդման մեթոդ (որից զրկուած էր Ներսիսեան դպրոցը յիշեալ տխրահռչակ տեսուչների օրով) և այս բոլորի ճեմարան մտցնողը միայն և միայն Կ. Կոստանեանցն էր, այն մարդը, որի վարչական ու մանկավարժական ընդունակութիւնների մասին կայծակներ են արձակում-ակամները:

Սիրեցէք Պատօնին, բայց մի մերժէք ճշմարտութիւնը: Մի ժողանաք այն կեանքը, որ դուք վարել էք էջմիածնի ճեմարանում, մի ուրանաք, որ դուք երկար ժամանակ աշխատում էիք այդ գործի նամ աւելի լաւ ասած՝ հալածանքի համար, որին ենթարկուեցաք: Եւ հիմա էր մեղաւորը, նրանք, որոնք այսօր Կ. Կոստանեանի դէմ են ելած, 'ի հարկէ դուք այդպիսի մարդկանց մարսել չէք կարող: Կ. Կ. իսկական տեսչացու է, գործին հմուտ և (լաւ լսեցէք) միայն նա կարող էր Յովնանեանի նման անկերպարան դպրոցի համար ծրագիր կազմել, դպրոցը կարգի դնել, և եթէ Կ. Կոստանեանը համաձայնուել է ստանձնելու այդ՝ իրեն բարձրութեան անհամապատասխան պաշտօնը, փառք ու պատիւ Յովնանեան դպրոցին, փառք ու պատիւ նրա հոգաբարձութեան, յաղթողները սրանք են և ոչ թէ Կ. Կոստանեանը:

Բայց կայ նաև «ЛЮДИ НЕ ЧЬМЪ НЕ ПРЕЗРАЮТЪ» և հա՛ թափւում են սպառնալիքներ,, դպրոցը կայրենք, աշակերտուհիներին չենք թողնիլ, որ դպրոց յաճախեն և այլն և այլն:

Բայց ներեցէք, պարոնայք, սա երկրորդ հերոսութիւնն է, որ անում էք:

Ահա թէ ինչպէս:

Թանդոյեան եկեղեցու համար հոգաբարձութիւնը որոշել էր տեսուչ հրաւիրել մի հմուտ հայագէտ անձն, բայց տես որ — ականները միջոցներ ձեռք առան և անստորագիր նամակներով... սպառնացին, ստիպեցին հոգաբարձուներին տեսուչ պ. Մուշալիճէին ընտրել. մինչդեռ պ. Մուշալիճէն իր ձեռները կը դնի կրծքի վրայ և կը խոստովանուի, որ ինքը հայերէն չը գիտէ:

Նոյնը եղաւ այժմ և պ. Կ. Կոստանեանի վերաբերեալ, որովհետև ականներն ունեն իրենց թեկնածուները, որոնց անունները եթէ տամ այստեղ, կը տեսնէք, որ մանկավարժութեան հոտ անգամ չեն զգացել: Բայց դրանք յաւիտեանս յաւիտենից ընտրեալներ են իբրև որոշ ուղղութեան մարդիկ:

Մենք ժամանակով կը տպենք ճեմարանի խռովութեան պատմութիւնը, կպարզենք բարոյականն ու անբարոյականը, սխալն ու ուղիղը և այն ժամանակ հասարակութիւնը կը գնահատէ թէ պ. Կոստանեանին և թէ նրա հակառակորդներին:

ՀԱՅԿ ՏԷՐ-ԱՍՏՈՒԱԾԱՏՐԵԱՆՑ

(Նախկին սան էջմ. Ճեմարանի)

«Լումայ» նուիրողներ

1906 թ. «Լումայ» նուիրում են հետևեալները.—

Կարսից պ. Ա. Բէկ-Յովսէփեանը. «Լումայի» տասնամեակի առիթով թողնում է խմբագրութեանս տնօրինութեան մի օրինակ, որ մենք ուղարկեցինք Թիֆլիսի հայ բանտարկեալներին:

Թիֆլիսից տ. Ե. Միրզոյեանը 4 օրինակ «Լումայ» նուիրում է Վանի՝ կենտրոնական, Սանդխտեան և Յայն կոյսների եկեղեցու ուսումնարաններին և Վարազի ժառանգաւորաց դպրոցին:

« պ. Աղ. Միրիմանեանցը մի օր. թողնում է խմբ. տնօրինութեան, որ ուղարկեցինք Լայպցիգի հայ ուսանողներին:

« պ. Ա. Բաբեանը մի օր. նուիրեց Թիֆլիսի Կուսանաց մենաստանին:

« պ. Գր. Արաֆելեանը մի օր. թողնում է խմբ. տնօրինութեան, որ ուղարկեցինք Կ. Պօլսի ու Փրկչեան հիւանդանոցին:

« պ. Ա. Լիսինեանը մի օր. նուիրեց Թիֆլիսի էժանագին գրադարանին:

Նամակ խմբագրութեան

«Առնայ» . . . ամսագրի Հ. խմբագրին

Նուստտիս «Մկա վախ չունիմ» գրքոյկի վաճառումից մինչև օրս ստացել եմ արդիւնք ընդամենը քսան ուրբի, որպիսի գումարը սորա հետ ուղարկելով Ձեզ խնդրում եմ հասցնել ասի Ազգիս Վեհափառ Հայրիկից հաստատուած Յանձնաժողովին՝ Կովկասու հայ արկածեալների օգտին գործադրելու համար:

Քաղցր է ինձ յուսալ, որ իմ բարեկամները կօգնեն ինձ տարածելով այդ գրքոյկը իրենց շրջանում, որով հնարաւորութիւն կտան ինձ վաճառքի արդիւնքը գոնէ մաս-մաս ղրկելով՝ կատարել մասամբ իմ բարոյական պարտքը դէպի իմ թշուառացած բազմաթիւ քոյրերն ու եղբայրները:

Աստուածատուր Բէկ-Յովսէփեանց

20 մարտ 1906, Կարս:

— Խմբագրութիւնս յիշեալ 20 ուրբին ներկայացրեց թեմիս Սրբ. Առաջնորդին:

ՄԱՀԳՈՅԺ

† ՄԻՆԱՍ ԽՈՒՆՈՒՆՑ

Փետր. 26-ին Թիֆլիսում վախճանուեցաւ Մինաս Խունցը 73 տարեկան հասակում: Հանգուցեալը շատ շատերին ծանօթ է. նա Շուշուայ յայտնի Խունուց տանից էր. մի խոհական և գործունեայ մարդ, որ իւր կեանքը դրեց ազգային գործերի վերայ: Նորա հասարակական գործունէութիւնը բազմադրիւն էր և անշահասէր: Երկար տարիներ նա վարիւ է Շուշուայ ըէալական և Մարիինսկի դպրոցին կից յօգուտ չքաւոր աշակերտների հիմնած ընկերութիւնների գանձապահի պաշտօնը, ըէալական ուսումնարանի հիմնադիրներից մէկն էր, բազմամեայ քաղաքային դեպուտատ և վերջապէս օրինակելի երեցփոխան Ղազանչեցւոց եկեղեցու 8 տարի շարունակ: Շուշուայ յայտնի սովի ժամանակ մեծ ծառայութիւն է արել ժողովրդին հանգ. Մինասը թէ իւր կարողութիւնից և թէ հանգանակութեամբ:

Փօլիցիինի ժամանակ հայոց կալուածների գրաւման ժամանակ իբրև երեցփոխան դիմադրութիւն ցոյց տալու համար՝ Մ. Խունուցը 1903 սեպտ. բանտարկուեց և 1904 թ. յունուարին աքսորուեց Զիստօպօլ, ուր մնալով 8 ամիս՝ հիւանդացաւ և ընդհանուր ներման ժամանակ վերադարձաւ Շուշու: Թիւրք-հայ ընդհարումներին Շուշուայ հրկիզութեան միջոցին հիմնովին այրուեցան նորա երկու խոշոր տները բոլոր պատկանելիքներով, որից յետ Մինասը միմիայն մի ձեռք շորով իւր բազմանդամ գերդաստանով տեղափոխուեց Թիֆլիս՝ զուրկ ապրուստի ամեն միջոցից, ուր և զոհ գնաց իւր հասարակական պարտականութիւնների ճշտիւ կատարման:

Օրհնուած լինի նորա լիշատակը:

Լումայ

ԱՐՏԱՔԻՆ ՏԵՍՈՒԹԻՒՆ

ՀԱՅԿԱԿԱՆ ԲԱՐԵԳՈՐԾԱԿԱՆ ԸՆԴՀԱՆՈՒՐ ՄԻՈՒԹԻՒՆ

«Անահիտ»-ի մէջ կարգոււմ ենք, որ Կայիրէի մէջ մի խումբ հայեր որոշել են հիմնել «Հայկական բարեգործական ընդհանուր միութիւն» «Ալիանս Իսրայէլիտ»-ի ծրագրով և թէ Պօղոս փաշա Նուբարը յանձն է առել պատուի նախագահութիւնը, իսկ իր որդի Առաքել Բէյն գանձապահի պաշտօնը: Արդէն բացուած է հանգանակութիւնն և ինքը Պօղոս փաշան նուիրել է 1000 ոսկի (մօտ 8650 ուրլի), ամսական էլ 20 ոսկի խոստացել: Կանոնադրութիւնը դեռ չէ խմբագրուած և վարչութիւն չէ ընտրուած: Ընկերութիւնը, որ պիտի հիմնուի, ասոււմ է «Անահիտ»ը, ոչ միայն թշնամի չպէտք է լինի յեղափոխական մարմիններին, այլ պէտք է ջանայ նոցա վերայ բարերար ազդեցութիւն ունենալ, պէտք է նոցա պառակտող գրծութիւնները ջնջէ, նոցա միմեանց մօտեցնելու աշխատէ, ճգնի մեղմացնել նոցանից ոմանց ծայրահեղ յանդգնութիւնները: Իսկ իր բուն գործունէութիւնը պիտի լինի քաղաքակիրթ աշխարհին ճանաչեցնել մեր ազգի պատմութիւնը, քաղաքակրթութիւնն ու ցաւերը, եւրոպական և ամերիկեան կառավարութեանց ուղադրութիւնը միշտ հրաւիրել մեր դատի վերայ, նըպաստել մեր ազգի պահպանմանը, նիւթական ու մտաւոր զարգացման, օգնել հանրօգուտ մտաւորականների (օր. նորայր Բիւզանդացու նման գիտնականներին) արտադրութեանց երևան գալուն, օգնել ապագայ խոստացող ուսանողներին, վաղուան հայութեան համար «մարդիկ» պատրաստել և այլն և այլն:

ՃԱՇԿԵՐՈՅԹ 'Ի ՊԱՏԻՒ ԶԷՄՍ ԲՐԱՅՍԻ

Յայտնի է, որ անցեալները Տաճկահայոց դատը անցեա-

գում պաշտպանող յայտնի հայասէր Զէմս Բրայսը կարգուեցաւ նախարար: Փետրուար 23-ին (ն. տ.) ուրբաթ օրը, ինչպէս տեղեկանում ենք «Անահիտ»-ից, վէստմինիստը Պալէս Հոտէլի մէջ տեղի է ունեցել միջազգային խորհրդածութիւն՝ կազմակերպուած Արևելեան հարցի Միջազգային ընկերակցութիւնից՝ ի նպաստ Օսմանեան Պետութեան կեղեքուած ժողովուրդներին: և նոյն իրիկուն տրուել է հացկերոյթ ի պատիւ Զէմս Բրայսի՝ նախարար նշանակուելու առթիւ:

Խորհրդածողովին և հացկերոյթին ներկայ են գտնուել լոնգոնաբնակ հայերից՝ Յ. Յակովբեան և Ն. Մօստիչեան, փաբիգաբնակ հայերից՝ Յ. Իսկենդեր և Ա. Զօլանեան («Անահիտ»-ի խմբագիր և մեր աշխատակիցը): Հրաւիրուած է եղել և Մ. Զերազը, բայց տկարութեան պատճառով չէր կարողացել և Մ. Զերազը, բայց տկարութեան պատճառով չէր կարողացել ներկայ գտնուել: Օտարազգիներից ներկայ են գտնուել. Ֆրանսիայից՝ Բառոն դէստուրնէլ դը Կոնստան, Պիեր Բիար և Ժան Լոնկէ: Անգլիայից՝ Մաուտուօրքի եպիսկոպոսը, Լորդ Սթանմոր, Անգլո-Հայկական ընկերակցութեան նախագահ Ստիվէնսը, Նօէլ Բըքստը, դր. Ռէյնոլդսը, Վանի Ամերիկացի միսիօնար Ա. Ֆէրբէրն, Մակ Կոլ Կանոնիկոսը, պրօֆ. Ագար Բիտը, Ի. Մուրը և այլն: Շատ շատերը, այս ու այն պատճառով չկարողանալով ներկայ լինել՝ համակրական համակներ էին ուղղել:

Նախագահ դ. Էստուրնէլը և վերը յիշած անգլիացիները բացատրեցին Օսմ. Պետութեան կեղեքուած ժողովուրդների դատը և մասնաւորապէս հայկական հարցը արմատապէս լուծելու անհրաժեշտութիւնը. պ. Յակովբեանը շնորհակալութիւն յայտնելով Դէստուրնէլին՝ յայտնեց, որ հակառակ Հայոց թափած այնքան արիւնին և երոպացի հայասէրների տարիններից ի վեր ջանքերին՝ հայ ժողովրդի կացութիւնը ոչ միայն չէ բարւոքուած, այլ տասնիցս աւելի վատթարացած է քան 1876 ի-ն: Դէստուրնէլը հասկանալի գտաւ Հայոց զգացած դառնութիւնը, բայց, ասաց, պէտք չէ վնասուիլ. երոպան մինչև այժմ պառակտուած լինելով՝ չէր կարող արևելեան հարցը լուծել. այժմ նոքա բարեկամութեամբ կապուած լինելով՝ պէտք է կարող լինին սկսել այդ հարցը լուծել:

Հացկերութեան նախագահ էր Ստէվէնսը, ներկայ էին մօտ հարիւր յիսուն հոգի, որոնք ամենքն էլ համաձայն էին Օսմ. Պետութեան արդի խայտառակ կացութիւնը բարեփոխելու անհրաժեշտութեան մասին:

Հայ հեռաւոր գաղութներից միայն Աղէքսանդրիայի հայ

զաղութը երախտագիտական հեռագիր էր ուղղել պ. Բրայսին:

Պ. Իսքէնտէրը մի քանի զգայուն խօսքերով արտայայտեց հայ ժողովրդի երախտագիտութիւնն ու սէրը դէպի պ. Բրայսը, այդ մեծ հայասէրը, որ հիմնադիրն է Անգլո-Հայկական ընկերութեան և որ երեսուն տարուց ի վեր ամենայն անձնութեամբ աշխատել է ի նպաստ տառապեալ հայութեան:

Նորանից յետոյ պ. Ա. Չօպանեանը մի ընդարձակ և սրտառուչ ճառով բացատրեց տասնեւհինգ դար առաջ Յազկերտի բռնութեան տակ հեծող հայ ժողովրդի տառապանքը և այժմեան նոր Յազկերտի բռնութեան գերազանցութիւնը հինգ. «Հայերը, ասաց նա, աշխարհակալ ձգտումներէ չէ որ մղուած են, ոչ մէկուն շահերուն վնասել չէ իրենց նպատակը. կուզեն որ իրենց պահանջները, որ օրինաւոր նկատուած են Պերլինի դաշնագրով և անկից բղխած միջազգային բոլոր որոշմագրերով, լրջօրէն և ամբողջապէս գործադրուին. և իրենք համոզուած են թէ հայկական հարցին արմատական լուծումը, բուժելով Օսմ. Պետութեան ամենէն ծանր վէրքերէն մին, օգտակար կրնայ ըլլալ այդ պետութեան ամբողջութեան և բանալ Արեւելքի համար վերանորոգման թուականը»:

Հացկերոյթից յետոյ հայ պատգամաւորները յայտնեցին պ. Բրայսին իրենց յարգանքն ու շնորհաւորութիւնը: Պ. Բրայսը այդ միջոցին նոցանից մէկին ասել է հետեւեալը.

«Այժմ ինչպէս ցարդ, պիտի անեմ ինչ որ կարող եմ նպաստելու համար Հայոց կացութեան բարոքման: Բայց մինչև որ Ռուսիա չաջակցէ մեր ջանքերին, մեր ջանքերը չեն կարող յաջողուիլ. Իտալիա, Ֆրանսիա, և Անգլիա՝ միացած կարող են մի բան անել Մակեդոնիայի համար. բայց Հայաստանի համար՝ երեքը միասին չեն կարող մի արմատական փոփոխութիւն առաջ բերել՝ եթէ Ռուսիան հակառակէ, բայց յոյս ունիմ որ Ռուսիա այլ ևս չպիտի հակառակի»:

ՀԱՅ

ԱՐՏԱՍԱՀՄԱՆԻ ՀԱՅԵՐԻ ՀԵՌԱԳԻՐՆԵՐԸ ՆԱԽ. ՌՈՒԶՎԻԼԹԻՆ

Ռուշնուգի հայերի միտինգը հետեւեալ հեռագիրն է ուղղել նախ. Ռուզվիլթին.

«Մէկ միտինգում հաւաքուած 3000 հայերը խորապէս

յուզուած են այն դիմումից, որ Ֆրանսիայի, Անգլիայի և միւս քաղաքակիրթ երկրների մարդկութեան պաշտպանները ուղղել են Ձեր վեհանձն համակրութեան, ի նպաստ արիւնաշաղախ Հայաստանի հարցին:

Ձեր պաշտպանութեան տակ առնելով խաղաղ, աշխատասէր և քաղաքակրթութեան կապուած մի ազգ, որին իբրեւնաւորները զլանում են մինչև իսկ գոյութեան ամենատարբական իրաւունքները, դուք ամենափայլուն մարդկօգուտ մի գործով պսակած պիտի լինիք ձեր բարիքների շարքը, և այնքան փառաւոր կերպով նախագահած Ձեր մեծ ազգը պիտի լիացնէ այն մարտիրոսների յաւիտենական երախտագիտութեամբ, որոնք կեանքի պիտ կոչած լինիք:

Նման բովանդակութեան հեռագիրներ էլ ուղղել են Բրայլայի, Աղէքսանդրիայի, Կաիրէի և Լօզանի հայերը և մի հանրագրութիւն է ուղարկուած Սլիվէնի հայերի կողմից:

ԲՈՒԶՎԷԼՏԻ ՄԵՐԺՈՒՄԸ

Ձէյմա պ. Ռէյնօլդսին,

Պարոն,

Նախագահը յանձնել է ինչ յայտնելու ձեզ, որ ընդունուած է ձեր յունուար 13-ի նամակը, որի հետ ներկայացրել էիք և մի խնդրագիր, հաւաքաբար ստորագրուած Ֆրանսիայի, Իտալիայի, Բելգիայի, Շուէդիայի, Դանիայի, Մեծն-Բրիտանիայի, Հօլլանդիայի, Գերմանիայի և Աւստրո-Ունգարիայի ազգեցիկ անձնաւորութիւնների կողմից, որով կոչ են անում նախագահին թիւրքահպատակ հայերի կրած անգթութիւնների առաջն առնելու:

Այդ խնդրատուների բարձր դիրքը, եթէ հնարաւոր լինէր աւելի ևս պիտի չահագրգռէր նախագահին այդ խնդրով, որին արդէն անցած տարիների ընթացքում նա իր անկեղծ ուշադրութիւնն էր նուիրած:

Բոլոր երկրների ճնշուածների հանդէպ տածած ամբրիկացի ժողովուրդի կարեկցութիւնը, որ յաջորդաբար արտայայտուած էր այս կառավարութեան այլ և այլ միջոցներով, անբախտ հայերի նկատմամբ էլ արտայայտուել է պերճախօս կերպով: Միանգամայն դուրս է ամեն կասկածից, որ նախագահը կը ցանկայ, որ հայերը վայելեն կեանքի ու գոյքի ապահովութիւն, այն, ինչ որ երոպական միացեալ կառավարութիւնները նպատակ են ունեցել նրանց համար ձեռք բերելու:

Թիւրքահայտակ հայերի տառապանքները բարձրագոյն օգնութիւն և վարձան են աղաղակում: Այդ տառապանքները վրդովել են համայն մարդկութեան մարդասիրական զգացումները և աշխարհը միացած է ողբալու ու շղատապարտելու այն ցեղային թշնամութիւնները, որոնք տիրում են Թուրքիայի բնակչութեան տարբեր տարրերի մէջ: Ոչ մի ճշմարտասէր մարդ չէ կարող ականատես լինել նմանօրինակ դէպքերի առանց ուզենալու որժիւղի նրանց առաջն առնելու համար: Ես ամենայն անկեղծութեամբ կը ցանկայի, որ Միացեալ-Նահանգները այդ որժիւղ ունենային, բայց հաժաւաւաւ անկեղծութեամբ համոզուած եմ թէ Միացեալ-Նահանգների ջանքերը, որոնք անհրաժեշտօրէն օրինական և հղօր միջամտութեան որժիւղ չունեն, կամ աննշան և կամ ոչ մի արդիւնք չպիտի բերեն, ի նկատի ունենալով մի ուրիշ պետութեան գործերի ու շարժառիթների բացասականութիւնը, անխուսափելի կերպով պէտք է յայտնուի, աւելի վնասակար հանդիսանալով, քան օգտակար այն տնտեսական արարածների համար որոնց ցանկալի կը լինէր նպաստել:

Ձեր խոնարհ ծառայ՝

(Արշ.)

Է. ՌՈՒՏ

ԽՄԲԱԳՐՈՒԹԵԱՆ ՊԱՏԱՍԻՍԱՆՆԵՐ

Կարս. — Բ. Թորոյեանց. — Մէկը լոյս է տեսնում այս համարում,
միւսը կմնայ ապագային, երբ իր հերթը կգայ:

Պարիզ. — Ա. Չ. — Ստացանք չորրորդ երգը և բանաստեղծու-
թիւնը, իսկ պատկերը մէջը չկար. գիրքը ուղարկեցինք:

Անապա. Մ. Շուտ. — ստացանք, մէկը յանձնեցինք ըստ պատ-
կանելոյն, միւսները հետզհետէ կտպուին, միայն հերթին
պիտի սպասեն: Հնար չկայ բոլոր նիւթերը միանգամից
տպելու:

Կարս. Ա. Բէգ-Յոյսեփեան. — գրքերն ուղարկեցինք:

Արշալոյսի. Ֆէլիէտօնիստին. —

Այդ լրագրի № 55-ում գրուած է, որ Պետական Գումայի
համար պրուած է Թիֆլիզի միակ պատգամաւոր Գիւտ քահ.՝
Աղանեանի թեկնածութիւնը այստեղ, Բարդուղիմէոս եպիս-
կոպոսինը էջմիածին և Սուրմալուի գաւառների հայ ժողո-
վրդի կողմից, իսկ Գրիգոր քահ.՝ Սուքիասեանինը՝ Նրեանի
կողմից:

Արդ՝ մեզ հաստատ աղբիւրից հաղորդուած են, որ այդտեղ
տեղի է ունեցել մի տպագրական սխալ. ճիշտն այն է՝ որ
Նրեանից ընտրուած է «Սալմանի» հայր Ղևոնդ քահ.
Աթանասեանցը և Ղուբայի Միւշկիւր գաւառից ընտրուած
է հանգ. Առաքել ապօր նախկին կառավարիչ Աշոտ Աթա-
նասեանցը, այդ պաշտօնից դուրս տրած լինելու արժա-
նիքի համար, որովհետև նոյն արժանիքի համար ընտրուած
էր և էջմիածնի ձեմարանի կողմից, բայց վահանձնաբար
մերժել էր: Իսկ Գրիգ. Բարդուղիմէոս եպս. Գէորգեանը
Պետական կազմուելիք Գումայի անդամ լինելուց աւելի
արժանիք ունի և հայոց եկեղեցուն այժմ աւելի շատ ծա-
ռայութիւն է մատուցանում, քան թէ նորա վերայ քար
չպրտող ծովուծիւնից բղխած «Աշխատանք» թերթի
հրատարակողները:

«Ընկեր»ին. —

«Հիւսիսափայլի թողը, Մշակի և ուրիշ շատ հայրերի

որդի (որպէս ինքն է խոստովանուել, բայց մօր ով լինելը մնացել է անյայտ) «Ընկեր»ը գրել է «Լուսնայի» մասին, թէ նորանում մուտք գործեցին թէ ամենածայրայեղ ազատամիտ, թէ երդուեալ խաւարասէր գրողները և... տեղ ստացան Շիրվանզադէի կեղտոտ պատկերները. և հարցնում է թէ ինքը արդեօք լուրջ մարդկանց հետ գործ ունի:—

«Լուսն» հրատարակում է արդէն 11-դ տարին, որի գրական և պատմական լուրջ յօդուածների արժէքը չատանգամ խոստովանուել են նոյն իսկ նորա ամենաոխերիւմ թշնամիները: Այժմ Թիֆլիզում հրատարակում է 77 հայերէն թերթ, որոնց հետ միասին ծնունդ առաւ և «Ընկեր»ը. այս թերթի խմբագրութեան Նզովպոսին առաջարկում ենք և խորհուրդ հնք տալիս ձեռք բերել այն նոր տեսակի հայելին, որ վերջերս գտել են Ներոպայում և որնէ մէկի մասին առանց փաստերի վատաբանութիւն անելիս՝ նախ նայել այդ հայելուն, որ ցոյց է տալիս ոչ մարդու կերպարանքը, այլ նորա մտաւոր և հոգեկան պատկերը: Այս օպերացիան անելուց յետոյ՝ մենք իրաւունք ենք տալիս նորան գրիչ առնել և ազատ գրել ինչ որ կամենայ: Այս դէպքում երևի նորան ոչ ոք պատասխանի չի արժանացնի: «Վեղծաւոր, նախ հանիր քո աչքի գնդանը և ապա եղբօրդ աչքի չիւղը տես:»

ՀԱՅՏԱՐԱՐՈՒԹԻՒՆՆԵՐ

ԲԱՑՈՒԱԾ Է 1906 Թ. ԲԱԺԱՆՈՐԴԱԳՐՈՒԹԻՒՆ

ՀԱՍԿԵՐ

ՄԱՆԿԱԿԱՆ ՊԱՏԿԵՐԱԶԱՐԴ ԱՄՍԱԳՐԻ

Ամսագիրը լոյս է տեսնում Թիֆլիսում 32—48 երեսանոց մեծագիր զբոսայգիներով նախկին ընդարձակ ծրագրով:

Ամսագրի նպատակն է՝ ա) ներշնչել մանուկ ընթերցողներին արժարժեղով նրանց մէջ սէր դէպի մարդը և դէպի հայրենի միջավայրը, բ) տալ նրանց ճիշտ հասկացողութիւններ բնութեան և մարդու մասին, գ) զարգացնել նրանց ճաշակը և դ) ուրախութիւն եւ աշխոյժ մտցնել մանկական կեանքի մէջ:

Ամսագիրը ունենալու է նաեւ Մ Ա Ն Կ Ա Վ Ա Ր Ժ Ա Կ Ա Ն Բ Ա Ժ Ի Ն որ կազմուած կը լինի հետեւեալ գրքերի ԳՐԱԴԱՐԱՆԻՅ

1. Երեխայի կրթութիւնը մինչև 6-8 տարեկան հասակը:
2. Երկիւղն ու քաջութիւնը սկզբնական կրթութեան մէջ:
3. Երեխաների քուն:
4. Երեխաների բժանահոլութիւններն և դիւրագրգռութիւնը:
5. Սովորութիւնները, նրանց նշանակութիւնն ու կրթութիւնը:
6. Ինչպէս պէտք է ծանօթացնել երեխաներին սեռական կեանքի հետ:

Բաժանորդագրին է ճանապարհածախսով

Տարեկան. ՀԱՍԿԵՐ	4 ռ., առանց մանկավարժ. բաժնի 3 ռ.
Հին բաժանորդների համար	3 ռ. 4. 2 ռ. 75 կ.
Պէտ տարուանը	2 ռ. 1 ռ. 50 կ.
Արտասահմանում տարեկան	12 ֆր. 9 ֆր.

Հրատարակ. սկզբից մինչև 1906 թ. վերջը. 4 ռ.

Խմբագիր-հրատարակիչ՝ Գառարինէ Լիսիցեանց

Խմբագրատան հասցեն՝ Թիֆլիս, Բէհրութեան փող. 25. (Тифлисъ, Редакция журнала «Аскеръ», կամ Tiflis, (Caucase) Rédaction du journ. «Hasker».) Թիֆլիսում կարելի է գրուել նաև «Գուտտենբերգ» գրախանութում և «Հէրմէս» տպարանում, իսկ Բազում՝ Сотрудникъ գրախանութում:

ԲԱՑՈՒԱԾ Է 1906 Թ. ԲԱԺԱՆՈՐԴԱԳՐՈՒԹԻՒՆ

„Ա Ր Ե Ա Լ Ո Յ Ս“

գրական, հասարակական, քաղաքական, տնտեսագիտական

ՕՐԱԹԵՐԹԻ

24

պատկերազարդ յաւելածներով որ կանոնաւորապէս
լոյս կը տեսնեն ամիսը երկու անգամ

Թերթի ձգտումն է պետական սահմանադրական կազմ,
ովկասեան ներքին լայն ինքնավարութիւն, տեղական զե-
մասովօ, զեմասովոյական մանր միութիւններ և ազատ կապակցու-
այդ մանր միութիւնների:

Հողի բաւարար բաժիններ սակաւահող գիւղացուն
հօտական և կալւածական հողերից, և օրէնսդրական բաւարարու-
իւն բանուորի կենսական պահանջներին:

Ընտրական սկզբունքի լայն գործադրումը ընդհանրապէս,
մասնաւորապէս մեր դպրոցական գործի կազմակերպութեան
եկեղեցական կալւածների տնտեսութեան և հասարակական
հիմնարկութիւնների զեկավարութեան մէջ:

Թերթի գլխաւոր ուժը ուղղւած կըլինի հայ կեանքի
պահանջներն առաջ մղելու և աշխատելու նրանց իրականացմա-
նը դեմոկրատ ոգով:

Բաժանորդաւորութեան պայմանները

ՌՌԻՍՍՍՍԱՆՈՒՄ

ԱՐՏԱՍԱՀՄԱՆՈՒՄ

Տարեկան .	7 ռ. — —	32 ֆր.	28 մարկ.	28 շիւս	7 դոլ.
Վեց ամիսը .	4 » — —	20 »	16 »	16 »	4 »
Երեք ամիսը .	2 » 75 կ.	12 »	10 »	10 »	2 »
Մի ամիսը .	— — 25 «	4 »	3 »	3 »	1 »

Տարեկան բաժանորդները կարող են վճարել մաս-մաս. Յուն-
ւար. 4. ռ. և յունիս. 3 ռ.:

Ապառիկ բաժանորդագրութիւն չի ընդունում.

Գարեի է գրուել խմբագրատանը (Թիֆլիս, Գանդուկայա փող. № 11).
կամ գործակալների մօտ: Ուրիշ տեղերից դիմել. Тифлисъ, Редакция
газеты «Аршалуиъ» կամ Tiflis, Rédaction du journal «Arshalouis»

Խմբագիր-Հրատարակիչ՝ Գ. ՄԵԼԻԿ-ԿԱՐԱԳԵՕԶԵԱՆՑ

ОТКРЫТА ПОДПИСКА НА 1906 ГОДЪ

ЗАДУШЕВНОЕ СЛОВО

ДВА еженедѣльные иллюстрированные журна-
ла для дѣтей и юношества основанные С. М.
МАКАРОВОЙ и издаваемые подъ редакціей
П. М. ОЛЬХИНА.

ЗАДУШЕВНОЕ СЛОВО ДЛЯ ДѢТЕЙ МЛАДШАГО ВОЗРАСТА

(отъ 5 до 9 лѣтъ)

Гг. годовымъ подписчикамъ бу-
детъ выслано:

интереснаго,
52 №№ богато иллю- **52 №№**
стрированного
журнала,

съ массою новостей, рассказовъ,
очерковъ, стихотвореній,

и 42 ПРЕМІИ И ПРИЛОЖЕНІЯ,
въ числѣ которыхъ:

1) Большая картина въ 24 краски
художника К. Тима:
„ЖУЧКИНА СЕМЬЯ“

2) 12 игръ и занятій для дѣтей
на больш. раскраш. и черн.
листахъ.

3) 12 отдѣльныхъ картинъ изъ дѣт-
ской жизни

4) 6 книгъ: „Библиотечки Задушев-
наго Слова“

5) Маленькій русскій историкъ
Родная исторія въ разсказъ захи
рисункахъ

6) Игра — „Звѣринецъ-Лото“,
съ 28 раскрашенными фигурами.

II. ЗАДУШЕВНОЕ СЛОВО ДЛЯ ДѢТЕЙ

СТАРШАГО ВОЗРАСТА

(отъ 9 до 14 лѣтъ)

Гг. годовымъ подписчикамъ бу-
детъ выслано:

интереснаго,
52 №№ богато иллю- **52 №№**
стрированного
журнала,

съ массою повѣстей, рассказовъ,
очерковъ, стихотвореній.

и РЯДЪ ПРЕМІИ И ПРИЛОЖЕНІЯ,
въ числѣ которыхъ:

1) 12 иллюстриров. кн. сочин.

извѣстныхъ писателей для юно-
шества:

М. Б. ЧИСТАКОВА и В. САМОЙЛОВИЧЪ

2) Исторія 349-ти великихъ дней,
съ массою иллюстрацій.

3) 6 кн. „Исторической Библиотекки“,
въ попочныхъ переплестахъ.

4) Альбомъ „На память“

5) Запасная книжка-календарь:
въ изыщномъ переплетѣ.

6) Настольный отрывной календарь-
ежемѣсячникъ.

СО МНОГИМИ ПРЕМІЯМИ

Подписной годъ начался 1-го ноября 1904 г. — Первые №№
высылаются немедленно.

Гг. годовые подписчики журнала „З. Сл.“ для дѣтей

МЛАДШАГО ВОЗРАСТА

(отъ 5 до 9 лѣтъ) получать

52 №№ И 43 ПРЕМІИ.

Въ числѣ послѣднихъ: БОЛЬШУЮ КАРТИНУ въ краски „МОЛО-
ДАЯ БАБУШКА“, 12 ИГРЪ И ЗАНЯТІЙ на большихъ, раскрашен-
ныхъ и черныхъ, листахъ; МАЛЕНЬКИЙ РУССКІЙ ИСТОРИКЪ;

6 книгъ „БИБЛИОТЕЧКИ-МАЛЮТКИ“ и мн. др.

Гг. годовые подписчики журнала „З. Сл.“ для дѣтей

СТАРШАГО ВОЗРАСТА

(отъ 9 до 14 лѣтъ) получать

52 №№ И 38 ПРЕМІЙ.

въ числѣ послѣднихъ: богато иллюстриров. „ИСТОРИЮ НАПОЛЕО-
А“ въ 12 вып.; 12 иллюстр. кн. СОЧИНЕНІЙ РУССКИХЪ И ИНОСТР.
ПИСАТЕЛЕЙ; роск. худож. изд. „ПУШКИНЪ ВЪ ИЛЛЮСТРАЦІ-“

“ЯХЪ”, АЛЬБОМЪ СТИХОТВОР. на 12 иллюстр. откр. писем. мн. др. Кроиъ того, при каждомъ изданіи будутъ высылаться ПЕДАГОГИЧЕСКАЯ БИБЛИОТЕКА и „ДѢТСКІЯ МОДЫ“. Подписная цѣна каждаго изданія „Задушевнаго Слова“, со всѣми объявленными преміями и приложеніями, съ доставкой и пересылкой на годъ 6 рублей.

Допускается разсрочка на 3 срока: 1) при подпис-
кѣ, 2) къ 1 февраля и 3) къ 1 мая—по 2р.
Съ требованіями, съ обозначеніемъ изданія (возраста), въ контору
журнала „ЗАДУШЕВНОЕ СЛОВО“ при книжномъ магазинѣ ТО-
ВАРИЩЕСТВА М. О. ВОЛЬФЪ—С. Петербургъ, Гостинный Дворъ, 18.

ОТКРЫТА ПОДПИСКА НА ГАЗЕТУ БАКУ

НА 1906 ГОДЪ, IV ГОДЪ ИЗДАНІЯ
ПОДПИСНАЯ ЦѢНА НА ГАЗЕТУ „БАКУ“.

Съ доставкой въ Баку: на годъ 7 р. 11 м. 6 р. 50 к., 10 м. 6 р. 9 м.
5 р. 50 к. 8 м. 5 р., 7 м. 4 р. 50, 6 м. 4 р. 5 м. 3 р. 50 к., 4 м. 3
р., 3 м. 2 р. 50 к., 2 м. 1 р. 50 к., 1 м. 1 р.

Съ пересылкой въ другіе города: на годъ 8 р. 50 к., 11 м. 7 р. 50 к.
к. к., н. 7 р., 9 м. 6 р. 50 к., 8 м. 6 р. 7 м. 5 р. 50 к., 6 м. 5 р. 5
м. 4 р. 50 10 4 м. 4 р., 3 м. 3 р. 2 м. 2 р. 50 к., 1 р. 50 к.

За границу: на годъ 15 р., на полгода 8 р.

Подписываться можно на всѣ сроки, но не иначе какъ съ пер-
ваго числа каждаго мѣсяца.

За перемѣну адреса просятъ высылать 5 семикопѣйчныхъ марокъ.

Отдѣльные номера „Баку“ продаются въ конторѣ газеты и у
разносчиковъ по 5 к.

Пріемъ и печатаніе объявленій

Плата за объявленія: для мѣстныхъ впереди текста за
строку петита (или занимаемое ею мѣсто)—15 к., позади те-
кста—10 к. Для иногородныхъ впереди текста 20 к., позади
текста 10 к. за строку петита. Многократныя объявленія
по соглашенію съ конторой. Объявленія отъ лицъ ищущихъ
труда печатаются за половину плату.

Подписка и объявленія принимаются въ конторѣ редак-
цій и ежедневно кромѣ праздниковъ, отъ 9 до 4 дня и отъ 5
до 8 ч. веч.; въ праздники—отъ 10 до 12 ч. дня

Редакторъ-издатель принимаетъ для личныхъ объясненій
ежедневно, кромѣ праздниковъ, отъ 1 до 4 час. дня.

Статьи, присылаемыя въ редакцію, въ случаѣ надобно-
сти подлежатъ исправленію и сокращенію. Крупныя не при-
нятыя статьи сохраняются въ продолженіи 1 мѣс., мелкія ни
возвращаются. На рукописяхъ должны быть означены: фами-
лія автора, его адреса, и условія гонорара; безъ этого пос-
лѣдняго условія статьи считаются бесплатными.

Баку, Великокняжеская, Гранд-Отель.—Телефонъ № 518.

Մօտ ապագայում Թիֆլիսում կսկսենք հրատարակել

ՀԱՅՐԵՆԻՔ

ՀԱՆՐԱՅԻՆ, ԳՐԱԿԱՆ ԵՒ ՔԱՂԱՔԱԿԱՆ ԱԶԳԱՅԻՆ ՕՐԱԹԵՐԹԸ

Եւ **ՀԱՅՐԵՆԻՔ** շաբաթաթերթը

հետևեալ ծրագրով

1. Պետական կարգադրութիւններ: Հեռագիրներ:
2. Առաջնորդող յօդուածներ հանրային հարցերին վերաբերեալ:
3. Ներքին տեսութիւն:
4. Արտաքին տեսութիւն:
5. Ֆէլիէտօն:
6. Դպրոց և մանկավարժութիւն:
7. Մամուլի տեսութիւն:
8. Մատենագիտութիւն և գրախօսութիւն:
9. Դեղեցիկ գրականութիւն և ճանապարհորդութիւններ:
10. Դիտութիւն և արուեստ:
11. Թատրոն և երաժշտութիւն:
12. Օրագրութիւն:
13. Թղթակցութիւններ:
14. Արդիւնաբերութեան տեսութիւն:
15. Տեղեկագիր:
16. Խմբագրութեան պատասխաններ:
17. Յայտարարութիւններ:
18. Պատկերներ և ծաղրանկարներ:
19. Զանազան յաւելուածներ առանձին գրքոյկներով:

ԲԱԺՆԵԳԻՆ

օրաթերթի		շաբաթաթերթի
Տարեկան 6 ռուբլի	.	3 ռուբլի
6 ամսուան 3—50 կ.	.	1—50 կոպ.
3 « —1—80—	.	—75 »
1 « —75—	.	—25 »
առանձին համարը 3 կոպէկ.	.	7 »
Արտասահման՝ տարին 20 ֆրանք.	.	տարին 10 ֆրանք

Խմբագիր՝ Գիւտ ա. ք. Աղանեանց
Հրատարակիչ՝ Օր. Նուարդ Աղանեանց

Խմբագրութեան հասցէն՝ Тифлиς, Полицейская, 7.

Թէ օրաթերթի և թէ շաբաթաթերթի հրատարակութեան վերաբերմամբ կտանք առանձին ծանուցում:

1906 ՏԱՄՆԵԻՄԷԿԵՐՈՐԴ ՏԱՐԻ 1906

Բացուած է բաժանորդագրութիւն

Լ Ո Ւ Մ Ա Յ

Գրական, Բաղաձական, Հասարակական եւ համըային

Ա Մ Ս Ա Գ Ր Ի

ԼՈՒՄԱՆ ԵՌԻՆՈՒԱՐԻՅ ԿԷՐԱՏԱՐԱԿՈՒԻ ՀԵՏԵՒԵԱԼ
ԼԻԱԿԱՏԱՐ ԾՐԱԳՐՈՎ

1. Ինքնուրոյն եւ ուսուիրէնից ու օտար լեզուներէց թարգմանուած վէպեր, պատմութիւններ եւ ոտանաւորներ. այլ եւ կենսագրութիւններ:
2. Կովկասագիտութեան վերաբերեալ ամեն տեսակ պատմական վաւերագրեր եւ յօդուածներ:
3. Ճանապարհորդութիւններ եւ ժողովրդի կենցաղի նկարագիրներ:
4. Բարոյագիտական յօդուածներ:
5. Մտանկախօսութիւն եւ կրիտիկա գրական երկերի:
6. Ներքին տեսութիւն:
7. Բաղաձական տեսութիւն.
8. Այլ եւ այլ. տեղեկութիւններ գիտութիւնից եւ արուեստից:
9. Խմբագրութեան պատասխաններ:
10. Յայտարարութիւններ:

«ԼՈՒՄԱՅ»-ին կաշխատակցեն մեր հետեւալ աշխատակիցները.—Օրնուարդ Աղանեան, Տ. Տ. Հապիշ Զիլիկարեան, Տիրուհի Կոստանեան, պ. պ. Ասրպէս, Արշակ Զիլիկարեան, Արշակ Չոպանեան, Բենիկ վարդապէս, Գարեգիկարեան, Գրիգոր Վանցեան, Երուանդ Զահագիզ, Իսահակ Յարութեան, Իւրիշ Վիսելովսկի, Կարապէս Կոստանեան, Միլեսու Բերբերեան, թժ. Մ. Արամեան, Միխայիլ Թամամշեան, Մկրտիչ Բարխուդարեան, Մկրտիչ Հագարեան, Մուրացեան, Մուշկ Վ., MARS, Մ. Շուրեան, Յովհաննէս Յովհաննիսեան. Ն. Յարոյ, Նիկ. Քարամեան, Զիրվանգադի, Պերճ Պոզեան, Սարգիս Մանասեան, Սեփեան Գաբրիէլեան, Վրդանէս Փափագեան, Տ. Վ., Քաշքերունի, Քենասուր, **, Յար. Թումանեան եւ այլն եւ այլն:

Տարեկան բաժանորդագրինն է Ռուսաստանում 8 ռուբլի, կես տարուանը՝ 5 ռուբլի. իւրաքանչիւր համարը՝ մի ռուբլի, Արսասահմանում 27 Քրակ:

Բաժանորդագրութիւնն ընդունուած է Թիֆլիսում «Լումայ»ի խմբագրատանը Պօլիցէյսկի 7, եւ Կենտրոնական գրավաճառանոցում. իսկ գաւառներում մեր գործակալները մօտ:

Յայտարարութիւնների տողը արժէ 10 կոպէկ:

Ապառիկ բաժանորդագրութիւն չէ ընդունուած:

Խմբագրութեան հասցէն. Тифлисъ, Редакция е-жемѣсячнаго журнала „ЛУМА“, արտասահմանից՝ Tiflis, Rédaction du journal arménien „LOUMA“.

Խմբագիր-Հրատարակիչ ԳԻՒՏ Ա. ԲՍԷ. ԱՂԱՆԵԱՆՆՅ